


कल्प-व्यवहार-निशीथ सूत्राणि



जर्मन देशनिवासी-डॉक्टर-इत्युपाधिधारिणा वॉल्टर शुब्रिंग नामधेयेन विद्वद्वारेण
संशोधितानां जर्मनदेशस्थ-लाइपज़िग-नगरे रोमनलिप्यां मुद्रितानां
पुस्तकानामाधारेण

मुंबई-निवासी-श्रेष्ठि-श्रीयुत साराभाई मगनलाल, मोदी (बी. ए.)

प्रदत्तद्रव्यसाहाय्येन देवनागराक्षरैः प्रकटीकृतानि ।



प्रकाशिका

जैन साहित्य संशोधक समिति

(पुण्यपत्तने)

॥ जमो त्थुणं समणस्स भगवओ महावीरस्स ॥

॥ क प्प सु त्तं ॥

॥ पढओ उद्देसओ ॥

१. नो कप्पइ निग्गन्थाण वा निग्गन्थीण वा आमे तालपलम्बे अभिन्ने पडिग्गाहेत्तए ।
२. कप्पइ निग्गन्थाण वा निग्गन्थीण वा आमे तालपलम्बे भिन्ने पडिग्गाहेत्तए । ३. कप्पइ निग्गन्थाणं पक्के तालपलम्बे भिन्ने वा अभिन्ने वा पडिग्गाहेत्तए । ४. नो कप्पइ निग्गन्थीणं पक्के तालपलम्बे अभिन्ने पडिग्गाहेत्तए । ५. कप्पइ निग्गन्थीणं पक्के तालपलम्बे भिन्ने पडिग्गाहेत्तए, से वि य विहिभिन्ने, नो [चेव णं] अविहिभिन्ने ।

5

६. से गामंसि वा नगरंसि वा खेडंसि वा कव्वडंसि वा मडम्बांसि वा पट्टणांसि वा आगरंसि वा दोणमुहांसि वा निगमंसि वा रायहाणिंसि वा आसमांसि वा संनिवेसांसि वा संवाहांसि वा घोसांसि वा आंसियंसि वा पुडभेयणांसि वा सपरिक्खेवांसि अबाहिरियंसि कप्पइ निग्गन्थाणं हेमन्तगिम्हासु एगं मासं वत्थए । ७. से गामंसि वा जाव रायहाणिंसि वा सपरिक्खेवांसि सबाहिरियंसि कप्पइ निग्गन्थाणं हेमन्तगिम्हासु दो मासे वत्थए, अन्तो एगं मासं बाहिं एगं मासं; अन्तो वसमाणाणं अन्तो भिक्खाय-
रियां बाहिं वसमाणाणं बाहिं भिक्खायरिया । ८. से गामंसि वा जाव रायहाणिंसि वा सपरिक्खेवांसि अबाहिरियंसि कप्पइ निग्गन्थीणं हेमन्तगिम्हासु दोमासे वत्थए । ९. से गामंसि वा जाव रायहाणिंसि वा सपरिक्खेवांसि सबाहिरियंसि कप्पइ निग्गन्थीणं हेमन्तगिम्हासु चत्तारिमासे वत्थए, अन्तो दो मासे, बाहिं दो मासे; अन्तो वसमाणी अन्तो भिक्खायरिया, बाहिं वसमाणीणं बाहिं भिक्खायरिया ।

१०. से गामंसि वा जाव रायहाणिंसि वा एगवगडाए एगदुवाराए एगनिकखमणपवेसाए नो कप्पइ 15
निग्गन्थाण य निग्गन्थीण य एगयओ वत्थए । ११. से गामंसि वा जाव रायहाणिंसि वा अभिनिव्वगडाए अभिनिडुवाराए अभिनिकखमणपवेसाए कप्पइ निग्गन्थाण य निग्गन्थीण य एगयओ वत्थए ।

१२. नो कप्पइ निग्गन्थीणं आवणगिहांसि वा रच्छामुहांसि वा सिङ्गाडगांसि वा तियांसि वा चउकंसि वा चच्चरंसि वा अन्तरावणांसि वा वत्थए । १३. कप्पइ निग्गन्थाणं आवणगिहांसि वा जाव अन्तरावणांसि वा वत्थए । १४. नो कप्पइ निग्गन्थीणं अवड्गुयदुवारिए उवस्सए वत्थए । एगं पत्थारं अन्तो 20
किच्चा एगं पत्थारं बाहिं किच्चा ओहाडियचिलिमिलियागांसि एव ण्हं कप्पइ वत्थए । १५. कप्पइ निग्गन्थाणं अवड्गुयदुवारिए उवस्सए वत्थए ।

१६. कप्पइ निगन्थीणं अन्तोत्तयं षड्मित्तयं धारेत्तए वा परिहरित्तए वा । १७. नो कप्पइ निगन्थाणं अन्तोत्तयं षड्मित्तयं धारेत्तए वा परिहरित्तए वा । १८. कप्पइ निगन्थाण वा निगन्थीण वा चेलचिलिमिलियं धारेत्तए वा परिहरित्तए वा ।

१९. नो कप्पइ निगन्थाण वा निगन्थीण वा दगतीरंसि चिट्ठित्तए वा निसीइत्तए वा तुय-
5 ट्ठित्तए वा निहाइत्तए वा पयलाइत्तए वा, असणं वा पाणं वा खाइमं वा साइमं वा आहारमाहारेत्तए,
उच्चारं वा पासवणं वा खेलं वा सिङ्घाणं वा परिट्ठेत्तए, सज्जायं वा करेत्तए, झाणं वा झाइत्तए ।
काउस्सगं वा ठाणं वा ठाइत्तए ।

२०. नो कप्पइ निगन्थाण वा निगन्थीण वा सचित्तकम्मे उवस्सए वत्थए । २१. कप्पइ
निगन्थाण वा निगन्थीण वा अचित्तकम्मे उवस्सए वत्थए । २२. नो कप्पइ निगन्थीणं सागारिय
10 अनिस्साए वत्थए । २३. कप्पइ निगन्थीणं सागारिए निस्साए वत्थए । २४. कप्पइ निगन्थाणं
सागारियनिस्साए वा-अनिस्साए वा वत्थए । २५. नो कप्पइ निगन्थाण वा निगन्थीण वा सागा-
रिए उवस्सए वत्थए । २६. कप्पइ निगन्थाण वा निगन्थीण वा अप्पसागारिए उवस्सए वत्थए ।
२७. नो कप्पइ निगन्थाणं इत्थिसागारिए उवस्सए वत्थए । २८. कप्पइ निगन्थाणं पुरिससागारिए
उवस्सए वत्थए । २९. नो कप्पइ निगन्थीणं पुरिससागारिए उवस्सए वत्थए । ३०. कप्पइ निग
15 न्थीणं इत्थिसागारिए उवस्सए वत्थए । ३१. नो कप्पइ निगन्थाणं पडिबद्धाए सेज्जाए वत्थए ।
३२. कप्पइ निगन्थीणं पडिबद्धाए सेज्जाए वत्थए । ३३. नो कप्पइ निगन्थाणं गाहावइकुलस्स
मज्झं मज्झेणं गन्तुं वत्थए । ३४. कप्पइ निगन्थीणं गाहावइकुलस्स मज्झं मज्झेणं गन्तुं वत्थए ।

३५. भिक्खू य अहिगरणं कट्ठु तं अहिगरणं अविओसवेत्ता अविओसवियपाहुडे-इच्छाए
परो आधाएज्जा, इच्छाए परो नो आदाएज्जा; इच्छाए परो अब्भुट्ठेज्जा, इच्छाए परो नो अब्भुट्ठेज्जा;
20 इच्छाए परो वन्देज्जा, इच्छाए परो नो वन्देज्जा; इच्छाए परो संभुजेज्जा, इच्छाए परो नो संभुजेज्जा;
इच्छाए परो संवसेज्जा, इच्छाए परो नो संवसेज्जा; इच्छाए परो उवसमेज्जा, इच्छाए परो नो उव-
समेज्जा । जे उवसमइ, तस्स अत्थि आराहणा; जे न उवसमइ तस्स नित्थि आराहणा । तम्हा अप्पणा
चेव उवसमियव्वं । से किमाहु मन्ते ? उवसमसारं सामणं ।

३६. नो कप्पइ निगन्थाण वा निगन्थीण वा वासावासासु चारए । ३७. कप्पइ निगन्थाण
25 वा निगन्थीण वा हेमन्तगिम्हासु चारए । ३८. नो कप्पइ निगन्थाण वा निगन्थीण वा वेरज्जविरुद्ध-
रज्जंसि सज्जं गमणं सज्जं आगमणं सज्जं गमणागमणं करेत्तए । जे खलु निगन्थे वा निगन्थी वा वेर-
ज्जविरुद्धरज्जंसि सज्जं गमणं सज्जं आगमणं सज्जं गमणामणं करेइ करेन्तं वा साइज्जइ, से दुहओ
वीइक्कममाणे आवज्जइ चाउम्मासियं परिहारट्ठाणं अणुगवाइयं ।

३९. निगन्थं च णं गाहावइकुलं पिण्डवायपडियाए अगुप्पविट्ठं केइ वत्थेण वा पडिमाहेण वा कम्बलेण
30 वा पायपुञ्जणेण वा उवनिमन्तेज्जा, कप्पइ से सागारकडं गहाय आयरियपायमूले ठवेत्ता दोच्चं पि ओगगहं अ-
णुव्वेत्ता परिहारं परिहरित्तए । ४०. निगन्थं च णं बहिया विथारभूमिं वा विहारभूमिं वा निक्खन्तं समाणं
केइ वत्थेण वा पडिमाहेण वा कम्बलेण वा पायपुञ्जणेण वा उवनिमन्तेज्जा, कप्पइ से सागारकडं

पायमूले ठवेत्ता दोच्चं पि ओम्माहं अणुन्नवेत्ता परिहारं परिहरित्तए । ४१. निम्मान्धि च णं गाहाव-
इकुलं पिण्डवायपडियाए अणुप्पविट्ठं केइ वत्थेण वा पडिमाहेण वा कम्बलेण वा पायपुञ्छणेण वा
वा उवनिमन्तेज्जा, कप्पइ से सागारकडं गहाय पवत्तिणीपायमूले ठवेत्ता दोच्चं पि ओम्माहं अणुन्नवेत्ता
परिहारं परिहरित्तए । ४२. निम्मान्धि च णं बहिया वियारभूमिं वा विहारभूमिं वा निक्खन्तं
समाणिं केइ वत्थेण वा पडिमाहेण वा कम्बलेण वा पायपुञ्छणेण वा उवनिमन्तेज्जा, कप्पइ से सागा- 5
रकडं गहाय पवत्तिणीपायमूले ठवेत्ता दोच्चं पि ओम्माहं अणुन्नवेत्ता परिहारं परिहरित्तए ।

४३. नो कप्पइ निम्मान्थाण वा निम्मान्थीण वा राओ वा वियाले वा असणं वा ४
पडिमाहेत्तए । ४४. नन्नत्थ एगेणं पुव्वपडिलेहिणं सेज्जासंथारणं । ४५. नो कप्पइ निम्मान्थाण
वा निम्मान्थीण वा राओ वा वियाले वा वत्थं वा पडिमाहं वा कम्बलं वा पायपुञ्छणं वा पडि-
माहेत्तए । ४६. नन्नत्थ एगाए हरियाहडियाए, सा वि याइं परिभुत्ता वा धोया वा रत्ता वा षट्ठा वा मट्ठा 10
वा संपवूमिया वा । ४७. नो कप्पइ निम्मान्थाण वा निम्मान्थीण वा राओ वा वियाले वा अट्ठाणगमणं
एत्तए । ४८. संखडिं वा संखडिपडियाए एत्तए ।

४९. नो कप्पइ निम्मान्थस्स एगाणियस्स राओ वा वियाले वा बहिया वियारभूमिं वा विहा-
रभूमिं वा निक्खमित्तए वा पविसित्तए वा । कप्पइ से अप्पविइयस्स वा अप्पतइयस्स वा राओ वा
वियाले वा बहिया वियारभूमिं वा विहारभूमिं वा निक्खमित्तए वा पविसित्तए वा । ५०. नो कप्पइ 15
निम्मान्थीए एगाणियाए राओ वा वियाले वा बहिया वियारभूमिं वा विहारभूमिं वा निक्खमित्तए वा
पविसित्तए वा । कप्पइ से अप्पविइयाए वा अप्पतइयाए वा अप्पचउत्थिए वा राओ वा वियाले वा
बहिया वियारभूमिं वा विहारभूमिं वा निक्खमित्तए वा पविसित्तए वा ।

५१. कप्पइ निम्मान्थाण वा निम्मान्थीण वा पुरत्थिमेणं जाव अङ्गमगहाओ एत्तए, दक्खिणेणं
जाव कोसम्बीओ एत्तए, पच्चत्थिमेणं जाव थूणाविसयाओ एत्तए, उत्तरेणं जाव कुणालाविसयाओ 20
एत्तए । एयावयाव कप्पइ, एयावयाव आरिए खेत्ते; नो से कप्पइ एत्तो बाहिं । तेण परं, जत्थ नाण-
दंसणचरित्ताइं उस्सप्पन्ति—त्ति बेमि.

॥ कप्पे पढमो उद्देसओ समत्तो ॥

॥ विइओ उद्देसओ ॥

25

१. उवस्सयस्स अन्तो वगडाए सालीणि वा वीहीणि वा मुमाणि वा मासाणि वा तिलाणि
वा कुलत्थाणि वा गोहूमाणि वा जवाणि वा जवजवाणि वा ओखिण्णाणि वा विक्खिण्णाणि वा विइ-
गिण्णाणि वा विप्पइण्णाणि वा, नो कप्पइ निम्मान्थाण वा निम्मान्थीण वा अहालन्दमवि वत्थए ।

२. अह पुण एवं जाणेज्जा—नो ओखिण्णाइं नो विक्खिण्णाइं नो विइगिण्णाइं नो विप्पइण्णाइं,
रासिकडाणि वा पुञ्जकडाणि वा भित्तिकडाणि वा कुलियकडाणि वा लञ्छियाणि वा मुद्दियाणि वा 30
पिहियाणि वा, कप्पइ निम्मान्थाण वा निम्मान्थीण वा हेमन्तगिम्हासु वत्थए ।

३. अह पुण एवं जाणेज्जा—नो रासिकडाइं नो पुञ्जकडाइं नो भित्तिकडाइं नो कुलियकडाइं, कोट्ठाउत्ताणि वा पल्लाउत्ताणि वा मञ्चाउत्ताणि वा मालाउत्ताणि वा ओलित्ताणि वा विलित्ताणि वा लञ्छियाणि वा मुद्दियाणि वा पिहियाणि वा, कप्पइ निगन्थाण वा निगन्थीण वा वासावासं वत्थए ।

5 ४. उवस्सयस्स अन्तो वगडाए सुरावियडकुम्भे वा सोवीरयावियडकुम्भे वा उवनिक्खित्ते सिया, नो कप्पइ निगन्थाण वा निगन्थीण वा अहालन्दमवि वत्थए । हुरत्था य उवस्सयं पडिलेहमाणे नो लभेज्जा, एवं से कप्पइ एगरायं वा दुरायं वा वत्थए, नो से कप्पइ परं एगरायाओ वा दुरायाओ वा वत्थए । जे तत्थ एगरायाओ वा दुरायाओ वा परं वसेज्जा, से सन्तरा छेए वा परिहारे वा ।

५. उवस्सयस्स अन्तो वगडाय सीओदगवियडकुम्भे वा उसिणोदगवियडकुम्भे वा उवनिक्खित्ते सिया, नो कप्पइ निगन्थाण वा निगन्थीण वा अहालन्दमवि वत्थए । हुरत्था य उवस्सयं पडिलेहमाणे नो लभेज्जा, एवं से कप्पइ एगरायं वा दुरायं वा वत्थए, नो से कप्पइ परं एगरायाओ वा दुरायाओ वा वत्थए । जे तत्थ एगरायाओ वा दुरायाओ वा परं वसेज्जा, से सन्तरा छेए वा परिहारे वा । ६. उवस्सयस्स अन्तो वगडाए सब्बराइए जोई झियाएज्जा, नो कप्पइ निगन्थाण वा निगन्थीण वा अहालन्दमवि वत्थए । हुरत्था य उवस्सयं पडिलेहमाणे नो लभेज्जा, एवं से कप्पइ एगरायं वा दुरायं वा वत्थए, नो से कप्पइ परं एगरायाओ वा दुरायाओ वा वत्थए । जे तत्थ एगरायाओ वा दुरायाओ वा परं वसेज्जा, से सन्तरा छेए वा परिहारे वा । ७. उवस्सयस्स अन्तो वगडाए सब्बराइए पईवे दिप्पेज्जा, नो कप्पइ निगन्थाण वा निगन्थीण वा अहालन्दमवि वत्थए । हुरत्था य उवस्सयं पडिलेहमाणे नो लभेज्जा, एवं से कप्पइ एगरायं वा दुरायं वा वत्थए, नो से कप्पइ परं एगरायाओ वा दुरायाओ वा वत्थए । जे तत्थ एगरायाओ वा दुरायाओ वा परं वसेज्जा, से सन्तरा छेए वा परिहारे वा ।

८. उवस्सयस्स अन्तो वगडाए पिण्डए वा लोयए वा खीरं वा दहिं वा साप्पिं वा नवणीए वा तेल्ले वा फाणियं वा पूवे वा सक्कुली वा सिहिरिणी वा ओखिण्णाणि वा विक्खिण्णाणि वा वि-
इगिण्णाणि वा विप्पइणाणि वा नो कप्पइ निगन्थाण वा निगन्थीण वा अहालन्दमवि वत्थए ।

९. अह पुण एवं जाणेज्जा—नो ओखिण्णाइं ४ रासिकडाणि वा पुञ्जकडाणि
25 वा भित्तिकडाणि वा कुलियकडाणि वा लञ्छियाणि वा मुद्दियाणि वा पिहियाणि वा, कप्पइ निगन्था-
ण वा निगन्थीण वा हेमन्तगिम्हासु वत्थए । १०. अह पुण एवं जाणेज्जा—नो रासिकडाइं ४
कोट्ठाउत्ताणि वा पल्लाउत्ताणि वा मञ्चाउत्ताणि वा मालाउत्ताणि वा कुम्भउत्ताणि वा करभित्ताणि
वा ओलित्ताणि वा विलित्ताणि वा लञ्छियाणि वा मुद्दियाणि वा पिहियाणि वा कप्पइ निगन्थाण वा
निगन्थीण वा वासावासं वत्थए ।

30 ११. नो कप्पइ निगन्थीणं अहे आगमणगिहांसि वा वियडगिहांसि वा वंसीमूलंसि वा रुक्ख-
मूलंसि वा अम्भावगासियंसि वा वत्थए । १२. कप्पइ निगन्थाणं अहे आगमणगिहांसि वा वंसीमू-
लंसि वा रुक्खमूलंसि वा अम्भावगासियंसि वा वत्थए ।

१३. एगो सागारिए पारिहारिए, दो तिण्णि चत्तारि पञ्च सागारिया पारिहारिया; एगं तत्थ कप्पगं ठवइत्ता अवसेसे निव्विसेज्जा । १४. नो कप्पइ निग्गन्थाण वा निग्गन्थीण वा सागारियपिण्डं बहिया अनीहडं संसट्ठं पडिग्गहेत्तए । १५. नो कप्पइ निग्गन्थाण वा निग्गन्थीण वा सागारियपिण्डं बहिया अनीहडं असंसट्ठं पडिग्गहेत्तए । १६. नो कप्पइ निग्गन्थाण वा निग्गन्थीण वा सागारियपिण्डं बहिया नीहडं असंसट्ठं पडिग्गहेत्तए । १७. कप्पइ निग्गन्थाण वा निग्गन्थीण वा सागारियपिण्डं 5 बहिया नीहडं संसट्ठं पडिग्गहेत्तए । १८. नो कप्पइ निग्गन्थाण वा निग्गन्थीण वा सागारियपिण्डं बहिया नीहडं असंसट्ठं संसट्ठं करेत्तए । जे खलु निग्गन्थे वा निग्गन्थी वा सागारियपिण्डं बहिया नीहडं असंसट्ठं संसट्ठं करेइ करेन्तं वा साइज्जइ, से दुहओ वीइक्कममाणे आवज्जइ चाउम्मासियं परिहारट्ठाणं अणुगवाइयं ।

१९. सागारियस्स आहडिया सागारिएणं पडिग्गहिता, तम्हा दावए, नो से कप्पइ पडि-10 ग्गहेत्तए । २०. सागारियस्स आहडिया सागारिएणं अपडिग्गहिता, तम्हा दावए, एवं से कप्पइ पडिग्गहेत्तए । २१. सागारियस्स नीहडिया परेण अपडिग्गहिता, तम्हा दावए, नो से कप्पइ पडिग्गहेत्तए । २२. सागारियस्स नीहडिया परेण पडिग्गहिता, तम्हा दावए, एवं से कप्पइ पडिग्गहेत्तए ।

२३. सागारियस्स असियाओ अविभत्ताओ, अब्बोच्छिन्नाओ अब्बोगडाओ अनिज्जूढाओ 15 तम्हा दावए, नो से कप्पइ पडिग्गहेत्तए । २४. सागारियस्स असियाओ विभत्ताओ वोच्छिन्नाओ वोगडाओ निज्जूढाओ, तम्हा दावए, एवं से कप्पइ पडिग्गहेत्तए ।

२५. सागारियस्स पूयाभत्ते उद्देसिए चेइए पाहुडियाए, सागारियस्स उवगरणजाए निट्ठिए निसट्ठे पडिहारिए, तं सागारिओ देइ, सागारियस्स परिज्जो देइ, तम्हा दावए, नो से कप्पइ पडिग्गहेत्तए । २६. सागारियस्स पूयाभत्त उद्देसिए चेइए पाहुडियाए, सागारियस्स उवगरणजाए 20 निट्ठिए निसट्ठे पडिहारिए, तं नो सागारिओ देइ, नो सागारियस्स परिज्जो देइ, सागारियस्स पूया देइ, तम्हा दावए, नो से कप्पइ पडिग्गहेत्तए । २७. सागारियस्स पूयाभत्ते उद्देसिए चेइए पाहुडियाए, सागारियस्स उवगरणजाए निट्ठिए निसट्ठे अपडिहारिए, तं सागारिओ देइ, सागारियस्स परिज्जो देइ, तम्हा दावए, नो से कप्पइ पडिग्गहेत्तए । २८. सागारियस्स पूयाभत्ते उद्देसिए चेइए पाहुडियाए, सागारियस्स उवगरणजाए निट्ठिए निसट्ठे अपडिहारिए, तं नो सागारिओ देइ, 52 नो सागारियस्स परिज्जो देइ । सागारियस्स पूया देइ, तम्हा दावए, एवं से कप्पइ पडिग्गहेत्तए ।

२९. कप्पइ निग्गन्थाण वा निग्गन्थीण वा इमाइं पञ्च वत्थाइं धारेत्तए वा परिहरित्तए वा, तंजहा—जङ्गिए भङ्गिए साणए पोत्तए तिरीडपट्टे नाम पञ्चमे । ३०. कप्पइ निग्गन्थाण वा निग्गन्थीण वा इमाइं पञ्च रयहरणाइं धारेत्तए वा परिहरित्तए वा, तंजहा—ओणिए ओट्ठिए साणए बब्बापिच्चिए मुज्जापिच्चिए नाम पञ्चमे—ति बेमि ।

30

॥ कप्पे विइओ उद्देसओ समत्तो. ॥

॥ तइओ उद्देसओ. ॥

१. नो कप्पइ निगन्थाणं निगन्थीणं उवस्सए आसइत्तए वा चिट्ठित्तए वा निसीइत्तए वा तुयट्ठित्तए वा निदाइत्तए वा पयलाइत्तए वा, असणं वा ४ आहारमाहारेत्तए, उच्चारं वा पासवणं वा खेलं वा सिङ्घाणं वा परिट्ठवेत्तए, सज्जायं वा करेत्तए, झाणं वा झाइत्तए, काउस्समं वा ठाणं वा ठाइत्तए । २. नो कप्पइ निगन्थीणं निगन्थाणं उवस्सए आसइत्तए जाव ठाइत्तए ।

५ ३. नो कप्पइ निगन्थीणं सलोमाइं चम्माइं धारेत्तए वा परिहरित्तए वा । ४. कप्पइ निगन्थाणं सलोमाइं चम्माइं धारेत्तए वा परिहरित्तए वा, से वि याइं पडिहारिणं, नो चेव णं अपडिहारिणं; से वि याइं परिभुत्ते, नो चेव णं अपरिभुत्ते; से वि याइं एगराइए, नो चेव णं अणेगराइए । ५. नो कप्पइ निगन्थाण वा निगन्थीण वा कसिणाइं चम्माइं धारेत्तए वा परिहरित्तए वा । ६. कप्पइ निगन्थाण वा निगन्थीण वा अकसिणाइं चम्माइं धारेत्तए वा परिहरित्तए वा । ७. नो कप्पइ निगन्थाण वा निगन्थीण वा कसिणाइं वत्थाइं धारेत्तए वा परिहरित्तए वा । ८. कप्पइ निगन्थाण वा निगन्थीण वा अकसिणाइं वत्थाइं धारेत्तए वा परिहरित्तए वा । ९. नो कप्पइ निगन्थाण वा निगन्थीण वा अभिन्नाइं वत्थाइं धारेत्तए वा परिहरित्तए वा । १०. कप्पइ निगन्थाण वा निगन्थीण वा भिन्नाइं वत्थाइं धारेत्तए वा परिहरित्तए वा । ११. नो कप्पइ निगन्थाणं ओग्गहणन्तगं वा ओग्गहणपट्ठगं वा धारेत्तए वा परिहरित्तए वा । १२. कप्पइ निगन्थीणं ओग्गहणन्तगं वा ओग्गहणपट्ठगं वा धारेत्तए वा परिहरित्तए वा ।

१३. निगन्थीए य गाहावइकुलं पिण्डवायपडियाए अणुप्पविट्ठाए चेलट्ठे समुप्पज्जेज्जा, नो से कप्पइ अप्पणो नीसाए चेलं पडिग्गाहेत्तए; कप्पइ से पवत्तिणीनीसाए चेलं पडिग्गाहेत्तए । १४. नो जत्थ पवत्तिणी समाणी सिया, जे तत्थ समाने आयरिए वा उवज्जाए वा पवत्ती वा थेरे २० वा गणी वा गणहरे वा गणावच्छेइए वा, कप्पइ से तन्नीसाए चेलं पडिग्गाहेत्तए ।

१५. निगन्थन्स णं तप्पढमयाए संपव्वयमाणस्स कप्पइ रयहरणपडिग्गाहगोच्छगमायाए तिहि य कसिणेहिं वत्थेहिं आयाए संपव्वइत्तए । से य पुव्वोवट्ठविणं सिया, एवं से नो कप्पइ रयहरणपडिग्गाहगोच्छगमायाए तिहि य कसिणेहिं वत्थेहिं आयाए संपव्वइत्तए; कप्पइ से अहापरिग्गाहियाइं वत्थाइं गहाय आयाए संपव्वइत्तए । १६. निगन्थीए णं तप्पढमयाए संपव्वयमाणीए कप्पइ रयह- ५२ रणपडिग्गाहगोच्छगमायाए चउहि य कसिणेहिं वत्थेहिं आयाए संपव्वइत्तए । सा य पुव्वोवट्ठविया सिया, एवं से नो कप्पइ रयहरणपडिग्गाहगोच्छगमायाए चउहि य कसिणेहिं वत्थेहिं आयाए संपव्वइत्तए, कप्पइ से अहापरिग्गाहियाइं वत्थाइं गहाय आयाए संपव्वइत्तए ।

१७. नो कप्पइ निगन्थाण वा निगन्थीण वा पढमसमोसरणुद्देसपत्ताइं चेलाइं पडिग्गाहेत्तए । १८. कप्पइ निगन्थाण वा निगन्थीण वा दोच्चसमोसरणुद्देसपत्ताइं चेलाइं पडिग्गाहेत्तए । ३० १९. कप्पइ निगन्थाण वा निगन्थीण वा आहाराइणियाए चेलाइं पडिग्गाहेत्तए । २०. कप्पइ निगन्थाण वा निगन्थीण वा आहाराइणियाए सेज्जासंथारयं पडिग्गाहेत्तए । २१. कप्पइ

निगन्थाण वा निगन्थीण वा आहाराइणियाए किइक्कम्मं करेत्तए ।

२२. नो कप्पइ निगन्थाण वा निगन्थीण वा अन्तरगिहंसि आसइत्तए वा चिट्ठित्तए वा निसीइत्तए वा तुयट्ठित्तए वा निहाइत्तए वा पयलाइत्तए वा; असणं वा ४ आहारमाहारेत्तए; उच्चारं वा ४ परिट्ठवेत्तए; सज्जायं वा करेत्तए, ज्ञाणं वा ज्ञाइत्तए, काउस्समं वा ठाणं वा ठाइत्तए । अह पुण एवं जाणेज्जा—जराजुण्णे वाहिंए तवस्सी दुब्बले किलन्ते मुच्छेज्ज वा पवडेज्ज वा, एवं से कप्पइ अ- 5 न्तरगिहंसि आसइत्तए वा जाव ठाणं वा ठाइत्तए ।

२३. नो कप्पइ निगन्थाण वा निगन्थीण वा अन्तरगिहंसि जाव चउगाहं वा पञ्चगाहं वा आइक्खित्तए वा विभावेत्तए वा किट्ठित्तए वा पवेइत्तए वा. नन्नत्थ एगनाएण वा एगवागरणेण वा एग- गाहाए वा एगसिलोएण वा, से वि य ठिच्चा, नो चेव णं अट्ठिच्चा । २४. नो कप्पइ निगन्थाण वा निगन्थीण वा अन्तरगिहंसि इमाइं पञ्च महव्वयाइं सभावणाइं आइक्खित्तए वा जाव पवेइत्तए वा, नन्नत्थ 10 एगनाएण वा ज्ञव— एगसिलोएण वा, से वि य ठिच्चा, नो चेव णं अट्ठिच्चा ।

२५. नो कप्पइ निगन्थाण वा निगन्थीण वा पडिहारियं सेज्जासंथारयं आयाए अपडिहट्ठु संपव्वइत्तए । २६. नो कप्पइ निगन्थाण वा निगन्थीण वा सागारियसन्तियं सेज्जासंथारयं आयाए अहिगरणं कट्ठु संपव्वइत्तए । २७. कप्पइ निगन्थाण वा निगन्थीण वा पडिहारियं वा सागारियसन्तियं वा सेज्जासंथारयं आयाए विगरणं कट्ठु संपव्वइत्तए । २८. इह खलु निगन्थाण वा निगन्थीण वा पडिहारि 15 वा सागारियसन्ति ए वा सेज्जासंथारए परिब्भट्ठे सिया, से य अणुगवेसियवे सिया । से य अणुगवेसमाणे लभेज्जा, तस्सेव अणुप्पदायवे सिया; से य अणुगवेसमाणे नो लभेज्जा, एवं से कप्पइ दोच्चं पि ओग्गहं ओगिण्हत्ता परिहारं परिहरित्तए ।

२९. जद्विसं च णं समणा निगन्था सेज्जासंथारयं विप्पजहन्ति, तद्विसं च णं अवरे समणा निगन्था हव्वमागच्छेज्ज; स च्चेव ओग्गहस्स पुव्वाणुन्नवणा चिट्ठइ अहालन्दमवि ओग्गहे । ३०. अत्थि याइं थ 20 केइ उवस्सयपरियावन्ने अचित्ते परिहरणारिहे, स च्चेव ओग्गहस्स पुव्वाणुन्नवणा चिट्ठइ अहालन्दमवि ओग्गहे । ३१. से वत्थूसु अव्वावडेसु अव्वागडेसु अपरपरिग्गहिणसु अमरपरिग्गहिणसु स च्चेव ओग्गहस्स पुव्वाणुन्नवणा चिट्ठइ अहालन्दमवि ओग्गहे । ३२. से वत्थूसु वावडेसु वोगडेसु परपरिग्गहिणसु भिक्खु- भावस्सट्ठाए दोच्चं पि ओग्गहे अणुन्नवेयवे सिया । ३३. से अणुकुड्डेसु वा अणुभितीसु वा अणु- चरियासु वा अणुफरिहासु वा अणुपन्थेसु वा अणुमेरासु वा स च्चेव ओग्गहस्स पुव्वाणुन्नवणा चिट्ठइ 25 अहालन्दमवि ओग्गहे ।

३४. से गामंसि वा जाव संनिवेसंसि वा बहिया सेणं संनिविट्ठं पेहाए कप्पइ निगन्थाण वा निगन्थीण वा तद्विसं भिक्खायरियाए गन्तुणं पडिनियत्तए, नो से कप्पइ तं रयणिं तत्थेव उवाइणावेत्तए । जे खलु निगन्थे वा निगन्थी वा तं रयणिं तत्थेव उवाइणावेइ उवाइणावेन्तं वा साइज्जइ, से दुहओ वीइक्कम- माणे आवज्जइ चाउम्मासियं परिहारट्ठाणं अणुग्वाइयं । 30

३५. से गामंसि वा जाव संनिवेसंसि वा कप्पइ निगन्थाण वा निगन्थीण वा सव्वओ समन्ता सको- सं जेयणं ओग्गहं ओगिण्हत्ताणं परिहारं परिहरित्तए—त्ति बेमि ।

॥ कप्पे तइओ उद्देसओ समत्तो ॥

॥ चउत्थो उदेसओ ॥

१. तओ अणुग्वाइया पन्नत्ता, तंजहा—हत्थकम्मं करेमाणे, मेहुणं पडिसेवमाणे, राईभोयणं भुज्जमाणे ।
 २. तओ पारस्विया पन्नत्ता, तंजहा—दुट्ठे पारास्विए, पमत्ते पारास्विए, अन्नमन्नं करेमाणे पारास्विए ।
 ३. तओ अणवट्ठप्पा पन्नत्ता, तंजहा—साहम्मियाणं तेन्नं करेमाणे, अन्नघम्मियाणं तेन्नं करेमाणे, हत्था-
 ५ कलं दलमाणे । ४. तओ नो कप्पन्ति पव्वावेत्तए, तंजहा—पण्डए, कीवे, वाइए । एवं मुण्डावेत्तए
 सिक्खावेत्तए उवट्ठावेत्तए संभुज्जितए संवसितए । ५. तओ नो कप्पन्ति वाएत्तए, तंजहा—अविणीए,
 विगईपडिबद्धे, अविओसावियपाहुडे । ६. तओ कप्पन्ति वाएत्तए, तंजहा—विणीए, नो विगईपडिबद्धे,
 विओसावियपाहुडे । ७. तओ दुस्सन्नप्पा पन्नत्ता, तंजहा—दुट्ठे, मूढे, वुग्गाहिए । ८. तओ सुस्सन्न-
 प्पा पन्नत्ता, तंजहा—अदुट्ठे, अमूढे, अवुग्गाहिए ।

- १० ९. निग्गन्थि च णं गिलायमाणं माया वा भगिणी वा धूया वा पलिस्सएज्जा, तं च निग्गन्थे
 साइज्जेज्जा, मेहुणपडिसेवणपत्ते आवज्जइ चाउम्मासियं परिहारट्ठाणं अणुग्वाइयं । १०. निग्गन्थं
 च णं गिलायमाणं पिया वा भाया वा पुत्ते वा पलिस्सएज्जा, तं च निग्गन्थी साइज्जेज्जा, मेहुणपडि-
 सेवणपत्ता आवज्जइ चाउम्मासियं परिहारट्ठाणं अणुग्वाइयं ।

११. नो कप्पइ निग्गन्थाण वा निग्गन्थीण वा असणं वा ४ पढमाए पोरुसीए पडिग्गाहेत्ता
 १५ पच्छिमं पोरुसिं उवाइणावेत्तए । से य आहच्च उवाइणाविए सिया, तं नो अप्पणा भुज्जेज्जा नो अन्नेसिं
 अणुप्पदेज्जा; एगन्ते बहुफासुए थण्डिले पडिलेहिता पमज्जित्ता परिट्ठवेयवे सिया । तं अप्पणा
 भुज्जमाणे अन्नेसिं वा अणुप्पदेमाणे आवज्जइ चाउम्मासियं परिहारट्ठाणं उग्वाइयं । १२. नो कप्पइ
 निग्गन्थाण वा निग्गन्थीण वा असणं वा ४ परं अद्धज्जोयणमेराए उवाइणावेत्तए । से य आहच्च उवा-
 इणाविए सिया, तं नो अप्पणा भुज्जेज्जा नो अन्नेसिं अणुप्पदेज्जा; एगन्ते बहुफासुए थण्डिले पडिलेहि-
 २० ता पमज्जित्ता परिट्ठवेयवे सिया । तं अप्पणा भुज्जमाणे अन्नेसिं वा अणुप्पदेमाणे आवज्जइ चाउम्मा-
 सियं परिहारट्ठाणं उग्वाइयं ।

१३. निग्गन्थेण य गाहावइकुलं पिण्डवायपडियाए अणुप्पविट्ठेणं अन्नघरे अचित्ते अणेसणिज्जे
 पाणभोयणे पडिग्गाहिए सिया, अत्थि याइं थ केइ सेहतराए अणुवट्ठावियए कप्पइ से तस्स दाउं वा
 अणुप्पदाउं वा । नत्थि याइं थ केइ सेहतराए अणुवट्ठावियए, तं नो अप्पणा भुज्जेज्जा नो अन्नेसिं
 २५ अणुप्पदेज्जा; एगन्ते बहुफासुए थण्डिले पडिलेहिता पमज्जित्ता परिट्ठवेयवे सिया । १४. जे कडे
 कप्पट्ठियाणं नो से कप्पइ कप्पट्ठियाणं; जे कडे कप्पट्ठियाणं कप्पइ से अकप्पट्ठियाणं ।
 जे कडे अकप्पट्ठियाणं नो से कप्पइ कप्पट्ठियाणं; जे कडे अकप्पट्ठियाणं कप्पइ से अकप्पट्ठियाणं
 कप्पट्ठिया विकप्पे ठिया कप्पट्ठिया, अकप्पे ठिया अकप्पट्ठिया ।

१५. भिक्खू य गणायवक्कम्म इच्छेज्जा अन्नं गणं उवसंपज्जित्ताणं विहरित्तए, नो से कप्पइ
 ३० अणापुच्छित्ता आयरियं वा उवज्जायं वा पवत्तिं वा थेरं वा गणिं वा गणहरं वा गणावच्छेइयं वा अन्नं गणं
 उवसंपज्जित्ताणं विहरित्तए; कप्पइ से आपुच्छित्ता आयरियं वा जाव गणावच्छेइयं वा अन्नं गणं उव-

ज्ज्ञायस्स आयरियउवज्ज्ञायत्तं अनिक्खवित्ता अन्नं गणं संभोगपडियाए उवसंपज्जित्ताणं विहरित्तए;
कप्पइ आयरियउवज्ज्ञायस्स आयरियउवज्ज्ञायत्तं निक्खवित्ता अन्नं गणं संभोगपडियाए उवसंपज्जि-
त्ताणं विहरित्तए । नो से कप्पइ अणापुच्छित्ता आयरियं वा जाव गणावच्छेइयं वा अन्नं गणं संभोगपडियाए
उवसंपज्जित्ताणं विहरित्तए; कप्पइ से आपुच्छित्ता आयरियं वा जाव गणावच्छेइयं वा अन्नं गणं संभोगपडि-
याए उवसंपज्जित्ताणं विहरित्तए । ते य से वियरन्ति, एवं से कप्पइ अन्नं गणं संभोगपडियाए उवसंपज्जित्ताणं
विहरित्तए; ते य से नो वियरन्ति, एवं से नो कप्पइ अन्नं गणं संभोगपडियाए उवसंपज्जित्ताणं विह-
रित्तए । जत्थुत्तरियं धम्मविणयं लभेज्जा, एवं से कप्पइ अन्नं गणं संभोगपडियाए उवसंपज्जित्ताणं
विहरित्तए; जत्थुत्तरियं धम्मविणयं नो लभेज्जा, एवं से नो कप्पइ अन्नं गणं संभोगपडियाए उव-
संपज्जित्ताणं विहरित्तए ।

[illegible]

२४. भिक्षू य राओ वा वियांले वा आहच्च वीसुम्भेज्जा, तं च सरीरगं वेयावच्चकरा
इच्छेज्जा एगन्ते बहुफासुए थाण्डिले परिट्ठवेत्तए, आत्थि याइं थ केइ सागारियसन्तिए उवगरणजाए
३० अचित्ते परिहरणारिहे, कप्पइ से सागारकडं गहाय तं सरीरगं एगन्ते बहुफासुए थाण्डिले परिट्ठवेत्ता
तत्थेव उवनिक्खेवियन्वे सिया ।

२५. भिक्षु य अहिगरणं कट्टु तं अहिगरणं अविओसवेत्ता—नो से कप्पइ गाहावइकुलं भत्ताए वा पाणाए वा निक्खमित्तए वा पविसित्तए वा, नो से कप्पइ बहिया वियारभूमिं वा विहारभूमिं वा निक्खमित्तए वा पविसित्तए वा, नो से कप्पइ गामाणुगामं दूइज्जित्तए । जत्थेव अप्पणो-आयरियउवज्जायं पासेज्जा बहुस्सुयं बढभागमं, कप्पइ से तस्सन्तिए आलोएत्तए पडिक्कमित्तए निन्दि-त्तए गरहित्तए विउट्ठित्तए विसोहित्तए अकरणाए अब्भुट्ठित्तए अहारिहं पायच्छित्तं पडिवज्जित्तए । ५
य सुएणं पट्ठविए आइयव्वे सिया, से य सुएणं नो पट्ठविए नो आइयव्वे सिया । से य सुएणं पट्ठ-विज्जमाणे नो आइयइ, से निज्जुहियव्वे सिया । २६. परिहारकप्पट्ठियस्सणं भिक्षुस्स कप्पइ तद्विस्सं एगगिहंसि पिण्डवायं दवावेत्तए । तेण परं नो से कप्पइ असणं वा ४ दाउं वा अणुप्पदाउं वा । कप्पइ से अन्नयरं वेयावडियं करेत्तए, तंजहा—उट्ठावणं वा अणुट्ठावणं वा निमीयवणं वा तुयट्ठाणं वा, उच्चारपासवणखेलज्जलमिड्ढाणविगिञ्चणं वा विसोहणं वा करेत्तए । अह पुण एवं जाणेज्जा—छिन्नावाएसु १०
पन्थेसु तवस्सी दुब्बले किलन्ते मुच्छेज्ज वा पवडेज्ज वा, एवं से कप्पइ असणं वा ४ दाउं वा अणुप्पदाउं वा ।

२७. नो कप्पइ निग्गन्थाण वा निग्गन्थीण वा इमाओ पञ्च महानईओ उद्दिट्ठाओ गणिआओ वज्जियाओ अन्तो मासस्स दुक्खुत्तो वा तिक्खुत्तो वा उत्तरित्तए वा संतरित्तए वा । तंजहा—गङ्गा ज-उणा सरयू कोसिया मही । अह पुण एवं जाणेज्जा—एरवई कुणालाए—जत्थ चक्किया एगं पायं जले किच्चा १५
एगं पायं थले किच्चा, एवं से कप्पइ अन्तो मासस्स दुक्खुत्तो वा तिक्खुत्तो वा उत्तरित्तए वा संतरित्त-ए वा । जत्थ नो एवं चक्किया, एवं से नो कप्पइ अन्तो मासस्स दुक्खुत्तो वा तिक्खुत्तो वा उत्तरित्तए वा संतरित्तए वा ।

२८. से तणेसु वा तणपुज्जेसु वा पलालेसु वा पलालपुज्जेसु वा अप्पण्डेसु अप्पपाणेसु अप्प-बीएसु अप्पहरिएसु अप्पोस्सेसु अप्पुत्तिङ्गपणगदगमट्टियामक्कडासंताणएसु अहेसवणमायाए नो कप्पइ २०
निग्गन्थाण वा निग्गन्थीण वा तहप्पगारे उवस्सए हेमन्तगिम्हासु वत्थए । २९. से तणेसु वा जाव संताणएसु, उप्पिसवणमायाए कप्पइ निग्गन्थाण वा निग्गन्थीण वा तहप्पगारे उवस्सए हेमन्तगि-म्हासु वत्थए । ३०. से तणेसु वा जाव संताणएसु अहेरयणिमुक्कमउडे नो कप्पइ निग्गन्थाण वा निग्गन्थीण वा तहप्पगारे उवस्सए वासावासं वत्थए । ३१. से तणेसु वा जाव संताणएसु उप्पिरय-णिमुक्कमउडे कप्पइ निग्गन्थाण वा निग्गन्थीण वा तहप्पगारे उवस्सए वासावासं वत्थए—त्ति बेमि । २५

॥ कप्पे चउत्थो उद्देशो समत्तो ॥

॥ पंचमो उद्देशो ॥

१. देवे य इत्थिरूवं विउव्वित्ता निग्गन्थं पडिग्गाहेज्जा, तं च निग्गन्थे साइज्जेज्जा, मेहुण-पडिसेवणपत्ते आवज्जइ चाउम्मासियं परिहारट्ठाणं अणुग्राइयं । २. देवे य पुरिसरूवं विउव्वित्ता निग्गन्थं पडिग्गाहेज्जा, तं च निग्गन्थी साइज्जेज्जा, मेहुणपडिसेवणपत्ता आवज्जइ चाउम्मासियं ३०
परिहारट्ठाणं अणुग्राइयं । ३. देवी य इत्थिरूवं विउव्वित्ता निग्गन्थं पडिग्गाहेज्जा, तं च निग्गन्थे

साइज्जेज्जा, मेहुणपडिसेवणपत्ते आवज्जइ चाउम्मासियं परिहारट्ठाणं अणुग्घाइयं । ४. देवी य पुरि-
सरूवं विउवित्ता निगन्थि पडिग्गाहेज्जा; तं च निगन्थी साइज्जेज्जा, मेहुणपडिसेवणपत्ता आवज्जइ
चाउम्मासियं परिहारट्ठाणं अणुग्घाइयं ।

५. भिक्खू य अहिगरणं कट्ठु तं अहिगरणं अविओसवेत्ता इच्छेज्जा अन्नं गणं उवसंपज्जि-
5 ताणं विहरित्तए, कप्पइ तस्स पञ्च राइंदियाइं छेयं कट्ठु—परिणिव्वविय २ तमेव गणं पडिनिज्जाएय-
वे सिया, जहा वा तस्स गणस्स पत्तियं सिया ।

६. भिक्खू य उग्गयवित्तीए अणत्थमियसंकप्पे संथडिए निव्विइगिच्छे असणं वा ४ पडिग्गा-
हेत्ता आहारमाहारेमाणे अह पच्छा जाणेज्जा—अणुग्गए सूरिए अत्थमिए वा, से जं च मुहे जं च पाणि-
मि जं च पडिग्गहे तं विगिञ्चमाणे विसोहेमाणे नाइक्कमइ; तं अप्पणा भुज्जमाणे अत्तेसिं वा अणुप्पदेमाणे
10 आवज्जइ चाउम्मासियं परिहारट्ठाणं अणुग्घाइयं । ७. भिक्खू य उग्गयवित्तीए अणत्थमियसंकप्पे
संथडिए विइगिच्छासमावन्ने असणं वा ४ पडिग्गाहेत्ता आहारमाहारेमाणे अह पच्छा जाणेज्जा—अणुग्गए
सूरिए अत्थमिए वा, से जं च मुहे जं च पाणिमि जं च पडिग्गहे तं विगिञ्चमाणे विसोहेमाणे
नाइक्कमइ; तं अप्पणा भुज्जमाणे अत्तेसिं वा अणुप्पदेमाणे आवज्जइ चाउम्मासियं परिहारट्ठाणं अणुग्घाइयं ।

८. भिक्खू य उग्गयवित्तीए अणत्थमियसंकप्पे असंथडिए निव्विइगिच्छे असणं वा ४ पडिग्गाहेत्ता
15 आहारमाहारेमाणे अह पच्छा जाणेज्जा—अणुग्गए सूरिए अत्थमिए वा, से जं च मुहे जं च पाणिमि जं च
पडिग्गहे तं विगिञ्चमाणे विसोहेमाणे नाइक्कमइ; तं अप्पणा भुज्जमाणे अत्तेसिं वा अणुप्पदेमाणे अवज्ज
चाउम्मासियं परिहारट्ठाणं अणुग्घाइयं । ९. भिक्खू य उग्गयवित्तीए अणत्थमियसंकप्पे असंथडिए विइ-
गिच्छासमावन्ने असणं वा ४ पडिग्गाहेत्ता आहारमाहारेमाणे अह पच्छा जाणेज्जा—अणुग्गए सूरिए अत्थ-
मिए वा, से जं च मुहे जं च पाणिमि जं च पडिग्गहे तं विगिञ्चमाणे विसोहेमाणे नाइक्कमइ; तं अ-
प्पणा भुज्जमाणे अत्तेसिं वा अणुप्पदेमाणे आवज्जइ चाउम्मासियं परिहारट्ठाणं अणुग्घाइयं । १०. इह
20 खलु निगन्थस्स वा निगन्थीए वा राओ वा वियाले वा सपाणे सभोयणे उग्गाले आगच्छेज्जा; तं वि-
गिञ्चमाणे विसोहेमाणे नाइक्कमइ; तं उग्गिलित्ता पच्चोगिलमाणे राइभोयणपडिसेवणपत्ते आवज्जइ चाउ-
म्मासियं परिहारट्ठाणं अणुग्घाइयं ।

११. निगन्थस्स य गाहावइकुलं पिण्डवायपडियाए अणुप्पविट्ठस्स अन्तो पडिग्गाहंसि पाणे वा
बीए वा रए वा परियावज्जेज्जा तं च संचाएइ विगिञ्चित्तए वा विसोहेत्तए वा, तओ संजयामेव भुज्जेज्ज
25 वा पिण्डवा; तं च नो संचाएइ विगिञ्चित्तए वा विसोहेत्तए वा, तं नो अप्पणा भुज्जेज्जा नो अत्तेसिं
अणुप्पदेज्जा; एगन्ते बहुफामुए थण्डिले पडिलेहिता पमज्जित्ता परिट्ठवेयवे सिया । १२. निगन्थस्स
य गाहावइकुलं पिण्डवायपडियाए अणुप्पविट्ठस्स अन्तो पडिग्गाहंसि दए वा दगरए वा दगफुसिए वा
परियावज्जेज्जा, से य उसिणभोयणजाए, परिभोत्तवे सिया । से य सीयभोयणजाए, तं नो अप्पणा
भुज्जेज्जा नो अत्तेसिं अणुप्पदेज्जा; एगन्ते बहुफामुए थण्डिले पडिलेहिता पमज्जित्ता परिट्ठ-
30 वेयवे सिया ।

१३. निगन्थीए य राओ वा वियाले वा उच्चारं वा पासवणं वा विगिञ्चमाणीए वा विसोहेमा-
णीए वा अन्नयरे पसुजाईए वा पक्खिजाईए वा अन्नयरइन्दियजाए तं परामुसेज्जा, तं च निगन्थी सा-

इज्जेज्जा, हत्थकम्मपडिसेवणपत्ता आवज्जइ चाउम्मासियं परिहारट्ठाणं अणुग्राइयं । १४. निग्गन्थीए य राओ वा वियाले वा उच्चारं वा पासवणं वा विगिच्चमाणीए वा विसोहेमाणीए वा अन्नयरे पसुजाई-
ए वा पक्खिजाईए वा अन्नयरंसि सोयंसि ओगाहेज्जा, तं च निग्गन्थी साइज्जेज्जा, मेहुणपडिसेवणपत्ता
आवज्जइ चाउम्मासियं परिहारट्ठाणं अणुग्राइयं ।

१५. नो कप्पइ निग्गन्थीए एगाणियाए होत्तए । १६. नो कप्पइ निग्गन्थीए एगाणियाए 5
गाहावइकुलं भत्ताए वा पाणाए वा निक्खमित्तए वा पविसित्तए वा । १७. नो कप्पइ निग्गन्थीए
एगाणियाए बहिया वियारभूमिं वा विहारभूमिं वा निक्खमित्तए वा पविसित्तए वा । १८. नो कप्पइ
निग्गन्थीए एगाणियाए गामाणुगामं दूइज्जित्तए ।

१९. नो कप्पइ निग्गन्थीए अचेलियाए होत्तए । २०. नो कप्पइ निग्गन्थीए अपाइयाए
होत्तए । २१. नो कप्पइ निग्गन्थीए वोसट्ठकाइयाए होत्तए । २२. नो कप्पइ निग्गन्थीए बहिया 10
गामस्स वा जाव संनिवेस्स वा उड्ढं बाहाओ पगिज्झिय २ सूराभिमुहाए एगपाइयाए ठिच्चा आया-
वणाए आयावेत्तए । २३. कप्पइ से उवस्सयस्स अन्तो वगडाए संघाडिपडिबद्धाए समतलपाइयाए
ठिच्चा आयावणाए आयावेत्तए । २४. नो कप्पइ निग्गन्थीए ठाणाइयाए होत्तए । २५. नो कप्पइ
निग्गन्थीए पडिमट्ठावियाए होत्तए । २६. नो कप्पइ निग्गन्थीए ठाणुकडियासणियाए होत्तए ।
२७. नो कप्पइ निग्गन्थीए नेसज्जियाए होत्तए । २८. नो कप्पइ निग्गन्थीए वीरासणियाए होत्तए । 15
२९. नो कप्पइ निग्गन्थीए दण्डासणियाए होत्तए । ३०. नो कप्पइ निग्गन्थीए लगण्डसाइयाए
होत्तए । ३१. नो कप्पइ निग्गन्थीए ओमंथियाए होत्तए । ३२. नो कप्पइ निग्गन्थीए उत्ताणियाए
होत्तए । ३३. नो कप्पइ निग्गन्थीए अम्बखुज्जियाए होत्तए । ३४. नो कप्पइ निग्गन्थीए एगपा-
सियाए होत्तए ।

३५. नो कप्पइ निग्गन्थीणं आउञ्चणपट्ठं धारेत्तए वा परिहरित्तए वा । ३६. कप्पइ 20
निग्गन्थाणं आउञ्चणपट्ठं धारेत्तए वा परिहरित्तए वा । ३७. नो कप्पइ निग्गन्थीणं सावस्सयंसि
आसणंसि आसइत्तए वा तुयट्ठित्तए वा । ३८. कप्पइ निग्गन्थाणं सावयस्सयंसि आसणंसि आसइत्तए वा
तुयट्ठित्तए वा । ३९. नो कप्पइ निग्गन्थीणं सविसाणांसि फलगांसि वा पीढांसि वा चिट्ठित्तए वा
निसइत्तए वा । ४०. कप्पइ निग्गन्थाणं जाव निसइत्तए वा ।

४१. नो कप्पइ निग्गन्थीणं सवेण्टयं लाउयं धारेत्तए वा परिहरित्तए वा । ४२. कप्पइ 25
निग्गन्थाणं सवेण्टयं लाउयं धारेत्तए वा परिहरित्तए वा । ४३. नो कप्पइ निग्गन्थीणं सवेण्टयं
पायकेसरियं धारेत्तए वा परिहरित्तए वा । ४४. कप्पइ निग्गन्थाणं सवेण्टयं पायकेसरियं धारेत्तए वा
परिहरित्तए वा । ४५. नो कप्पइ निग्गन्थीणं दारुदण्डयं पायपुञ्छणं धारेत्तए वा परिहरित्तए वा ।
४६. कप्पइ निग्गन्थाणं दारुदण्डयं पायपुञ्छणं धारेत्तए वा परिहरित्तए वा ।

४७. नो कप्पइ निग्गन्थाण वा निग्गन्थीण वा अन्नमन्नस्स मोएणं आयमित्तए, नन्नत्थ आगा- 30
देहिं रोगायङ्केहिं । ४८. नो कप्पइ निग्गन्थाण वा निग्गन्थीण वा अन्नमन्नस्स मोए आइइत्तए, नन्नत्थ
आगादेहिं रोगायङ्केहिं ।

४९. नो कप्पइ निग्गन्थाण वा निग्गन्थीण पारियासियस्स आहारस्स जाव तयप्पमाणमेत्तमवि भूइप्पमाणमेत्तमवि बिन्दुप्पमाणमेत्तमवि आहारमाहारेत्तए, नन्नत्थ आगादेहिं रोगायङ्केहिं । ५०. नो कप्पइ निग्गन्थाण वा निग्गन्थीण वा पारियासिएण आलेवणजाएणं गाय्हाइं आलिम्पित्तए वा विलिम्पित्तए वा, नन्नत्थ आगादेहिं रोगायङ्केहिं । ५१. नो कप्पइ निग्गन्थाण वा निग्गन्थीण वा पारियासिएणं तेहेण वा घएण वा नवणीएण वा वसाए वा गाय्हाइं अब्भङ्केत्तए वा मक्खेत्तए वा, नन्नत्थ आगादेहिं रोगायङ्केहिं । ५२. नो कप्पइ निग्गन्थाण वा निग्गन्थीण वा कक्केण वा लोद्धेण वा पधूवणेण वा अन्नयरेण वा आलेवणजाएणं गाय्हाइं उव्वलत्तए वा उव्वट्ठित्तए वा, नन्नत्थ आगादेहिं रोगायङ्केहिं ।

५३. परिहारकप्पाट्ठिए णं भिक्खू बहिया थेराणं वेयावडियाए गच्छेज्जा; से य आहच्च 10 अइक्कमेज्जा, तं च थेरा जाणेज्ज अप्पणो आगमेणं अन्नेसिं वा अन्तिए सोच्चा, तओ पच्छा तस्स अहाल्लुसए नाम ववहारे पट्ठवियव्वे सिया ।

५४. निग्गन्थीए य गाहावइकुलं पिण्डवायपडियाए अणुप्पविट्ठाए अन्नयरे पुलागभत्ते पडिग्गाहिए सिया । सा य संथरेज्जा, एवं से कप्पइ तेण एवं भत्तट्ठेण पज्जोसवेत्तए; सा य नो संथरे, एवं से कप्पइ दोच्चं पि गाहावइकुलं भत्ताए वा पाणाए वा निक्खमित्तए वा पविसित्तए 15 व-त्ति बेमि ।

॥ कप्पे पञ्चमो उद्देसओ समत्तो ॥

॥ छट्ठो उद्देसओ ॥

१. नो कप्पइ निग्गन्थाण वा निग्गन्थीण वा इमाइं छ अवत्तव्वाइं वइत्तए, तंजहा—अलियवयणे हीलियवयणे विंसियवयणे फरुसवयणे गारत्थियवयणे, विओसवियं वा पुणो उदीरेत्तए । २. छ कप्पस्स 20 पत्थारा पन्नत्ता, तंजहा—पाणइवायस्स वायं वयमाणे, मुसावायस्स वायं वयमाणे, अदिन्नादाणस्स वायं वयमाणे, अविरइयावायं वयमाणे, अपुरिसवायं वयमाणे, दासवार्यं वयमाणे । इच्चेए कप्पस्स छप्पत्थारे पत्थरेत्ता सम्मं अप्पडिपूरेमाणे तट्ठाणपत्ते सिया ।

३. निग्गन्थस्स य अहे पायांसि खाणूए वा कण्टए वा हीरे वा परियावज्जेज्जा, तं च निग्गन्थे नो संचाएइ नीहरित्तए वा विसोहेत्तए वा, तं निग्गन्थी नीहरमाणी वा विसोहेमाणी वा नाइक्कमइ । ४. 25 निग्गन्थस्स य अच्छिसि पाणे वा बीए वा रए वा परियावज्जेज्जा, तं च निग्गन्थे नो संचाएइ नीहरित्तए वा विसोहेत्तए वा, तं निग्गन्थी नीहरमाणी वा विसोहेमाणी वा नाइक्कमइ । ५. निग्गन्थीए य अहे पायांसि खाणूए वा कण्टए वा हीरे वा परियावज्जेज्जा, तं च निग्गन्थी नो संचाएइ नीहरित्तए वा विसोहेत्तए वा, ते निग्गन्थे नीहरमाणे वा विसोहेमाणे वा नाइक्कमइ । ६. निग्गन्थीए य अच्छिसि पाणे वा बीए वा रए वा परियावज्जेज्जा, तं च निग्गन्थी नो संचाएइ नीहरित्तए वा विसोहेत्तए वा, 30 तं निग्गन्थे नीहरमाणे वा विसोहेमाणे वा नाइक्कमइ ।

७. निग्गन्थे निग्गन्थि दुग्गांसि वा विसमंसि वा पव्वयांसि वा पक्खलमाणिं वा पवडमाणिं वा गेण्हमाणे वा अवलम्बमाणे वा नाइक्कमइ । ८. निग्गन्थे निग्गन्थि सेयांसि वा पड्कांसि वा पणगांसि वा

उदयंसि वा ओकसमाणिं वा ओवुब्भमाणिं वा गेण्हमाणे वा अवलम्बमाणे वा नाइक्कमइ । ९. निगन्थे निगन्थि नावं आरुभमाणिं वा ओरुभमाणिं वा गेण्हमाणे वा अवलम्बमाणे वा नाइक्कमइ ।

१०. खित्तचित्तं निगन्थि निगन्थे गेण्हमाणे वा अवलम्बमाणे वा नाइक्कमइ । ११. दित्तचित्तं निगन्थि निगन्थे गेण्हमाणे वा अवलम्बमाणे वा नाइक्कमइ । १२. जक्खाइट्ठं उम्मायपत्तं उवसग्गपत्तं साहिगरणं सपायच्छित्तं भत्तपाणपडियाइक्खियं अट्ठजायं निगन्थि निगन्थे गेण्हमाणे वा अवलम्बमाणे वा नाइक्कमइ । 5

१३. छ कप्पस्स पल्लिमन्थू पन्नत्ता तंजहा—कोक्कुइए संजमस्स पल्लिमन्थू, मोहरिए सच्चवयणस्स पल्लिमन्थू, तिन्तिणिए एसणागोयरस्स पल्लिमन्थू, चक्खुलोलुए इरियावाहियाए पल्लिमन्थू, इच्छालोभे मुत्तिमग्गस्स पल्लिमन्थू, भुज्जो भुज्जो नियाणकरणे सिद्धिमग्गस्स पल्लिमन्थू । सव्वत्थ भगवया अनिया-
णया पसत्था ।

११. छविहा कप्पट्ठिई पन्नत्ता, तंजहा—सामाइयसंजयकप्पट्ठिई, छेओवट्ठावाणियसंजयकप्प-
ट्ठिई, निव्विसमाणकप्पट्ठिई, निव्विट्ठकाइयकप्पट्ठिई, जिणकप्पट्ठिई, थेरकप्पट्ठिई—त्ति वेमि । 10

॥ कप्पे छट्ठो उद्देसओ समत्तो ॥



॥ समत्तं कप्पसुत्तं ॥



॥ नमो त्थुणं समणस्स भगवओ महावीरस्स ॥

॥ व व हार सु त्तं ॥



१. जे भिक्खू मासियं परिहारट्ठाणं पडिसेवित्ता आलोएज्जा, अपलिउच्चिय आलोएमाणस्स मासियं, पलिउच्चिय आलोएमाणस्स दोमासियं । २. जे भिक्खू दोमासियं परिहारट्ठाणं पडिसेवित्ता आलोएज्जा, अपलिउच्चिय आलोएमाणस्स दोमासियं, पलिउच्चिय आलोएमाणस्स तेमासियं । ३. जे भिक्खू तेमासियं परिहारट्ठाणं पडिसेवित्ता आलोएज्जा, अपलिउच्चिय आलोएमाणस्स तेमासियं, पलिउच्चिय चाउम्मासियं । ४. जे भिक्खू चाउम्मासियं परिहारट्ठाणं पडिसेवित्ता आलोएज्जा, अपलिउच्चिय आलोएमाणस्स चाउम्मासियं, पलिउच्चिय आलोएमाणस्स पञ्चमासियं । ५. जे भिक्खू पञ्चमासियं परिहारट्ठाणं पडिसेवित्ता आलोएज्जा, अपलिउच्चिय आलोएमाणस्स पञ्चमासियं, पलिउच्चिय आलोएमाणस्स छम्मासियं । ६. तेण परं पलिउच्चिए वा अपलिउच्चिए वा ते चेव छम्मासा ।

10 ७-१२. जे भिक्खू बहुसो वि मासियं परिहारट्ठाणं पडिसेवित्ता आलोएज्जा अपलिउच्चिय(जहा १-६ णवरं बहुसो वि)....छम्मास्सा ।

१३. जे भिक्खू मासियं वा दोमासियं वा तेमासियं वा चाउम्मासियं वा पञ्चमासियं वा एएसि परिहारट्ठाणाणं अन्नयरं परिहारट्ठाणं पडिसेवित्ता आलोएज्जा, अपलिउच्चिय आलोएमाणस्स मासियं वा दोमासियं वा तेमासियं वा चाउम्मासियं वा पञ्चमासियं वा, पलिउच्चिय आलोएमाणस्स दोमासियं वा तेमासियं वा चाउम्मासियं वा पञ्चमासियं वा छम्मासियं वा । तेण परं पलिउच्चिए वा अपलिउच्चिए वा ते चेव छम्मासा । १४. जे भिक्खू बहुसो वि मासियं वा बहुसो वि दोमासियं वा....(जहा १३ णवरं बहुसो वि) छम्मास्सा । १५. जे भिक्खू चाउम्मासियं वा साइरेगचाउम्मासियं वा पञ्चमासियं वा साइरेगपञ्चमासियं वा एएसि परिहारट्ठाणाणं अन्नयरं परिहारट्ठाणं पडिसेवित्ता आलोएज्जा, अपलिउच्चिय आलोएमाणस्स चाउम्मासियं वा साइरेगं वा पञ्चमासियं वा साइरेगं वा पलिउच्चिय आलोएमाणस्स पञ्चमासियं वा साइरेगं वा छम्मासियं वा तेण परं पलिउच्चिए वा अपलिउच्चिए वा ते चेव छम्मासा । १६. जे भिक्खू बहुसो वि चाउम्मासियं वा बहुसो वि साइरेगं

वा....(जहा १९ णवरं बहुसो वि)....छम्मासा ।

१७. जे भिक्खू चाउम्मासियं वा साइरेगं वा पञ्चमासियं वा साइरेगं वा एएसिं परिहार-
ट्ठाणाणं अन्नयरं परिहारट्ठाणं पडिसेवित्ता आलोएज्जा, अपलिउञ्चिय आलोएमाणे ठवाणिज्जं ठव-
इत्ता करणिज्जं वेयावडियं । ठविणं वि पडिसेवित्ता से वि कासिणे तत्थेव आरुहेयन्वे सिया । पुर्व्वि पडिसेवियं
पुर्व्वि आलोइयं, पुर्व्वि पडिसेवियं पच्छा आलोइयं, पच्छा पडिसेवियं पुर्व्वि आलोइयं, पच्छा पडिसेवियं 5
पच्छा आलोइयं । अपलिउञ्चिए अपलिउञ्चियं, अपलिउञ्चिए पलिउञ्चियं, पलिउञ्चिए अपलिउ-
ञ्चियं, पलिउञ्चिए पलिउञ्चियं । अपलिउञ्चिए अपलिउञ्चियं आलोएमाणस्स सव्वमेयं सकयं साह-
णिय जे एयाए पट्ठवणाए पट्ठविणं निव्विसमाणे पडिसेवेइ से वि कासिणे तत्थेव आरुहेयन्वे सिया ।

१८. जे भिक्खू बहुसो वि चाउम्मासियं वा बहुसो वि साइरेगं चाउमासियं वा....(जहा
१७ णवरं बहुसो वि)....आरुहेयन्वे सिया । एयं पलिउञ्चिए । 10

१९. जे भिक्खू चाउम्मासियं वा....(जहा १९)....आलोएज्जा, पलिउञ्चिय आलोएमाणे....
(जहा १७)....पलिउञ्चिए पलिउञ्चियं । पलिउञ्चिए पलिउञ्चियं आलोएमाणस्स....(जहा १७)
....आरुहेयन्वे सिया ।

२०. जे भिक्खू बहुसो वि चाउम्मासियं वा बहुसो वि साइरेगं वा....(जहा १९
णवरं बहुसो वि)....आरुहेयन्वे सिया । 15

२१. बहवे पारिहारिया बहवे अपारिहारिया इच्छेज्जा एगयओ अभिनिसेज्जं वा अभिनिसीहियं
वा चेएत्तए । नो से कप्पइ थेरे अणापुच्छित्ता एगयओ अभिनिसेज्जं वा अभिनिसीहियं वा चेएत्तए,
कप्पइ ण्हं थेरे आपुच्छित्ता एगयओ अभिनिसेज्जं वा अभिनिसीहियं वा चेएत्तए । थेरा य ण्हं से
वियरेज्जा एव ण्हं कप्पइ एगयओ अभिनिसेज्जं वा अभिनिसीहियं वा चेएत्तए, थेरा य ण्हं से नो
वियरेज्जा, एव ण्हं नो कप्पइ एगयओ अभिनिसेज्जं वा अभिनिसीहियं वा चेएत्तए । जो णं थेरेहिं 20
अविइण्णे अभिनिसेज्जं वा अभिनिसीहियं वा चेएइ, से सन्तरा छेए वा परिहारे वा ।

२२. परिहारकप्पट्ठिए भिक्खू बहिया थेराणं वेयावडियाए गच्छेज्जा । थेरा य से सरेज्जा
कप्पइ से एगराइयाए पडिमाए जण्णं जण्णं दिसं अन्ने साहम्मिया विहरंति तण्णं तण्णं दिसं उवलित्तए ।
नो से कप्पइ तत्थ विहारवत्तियं वत्थए, कप्पइ से तत्थ कारणवत्तियं वत्थए । तंसि च णं कारणासि
णिट्ठियंसि परो वएज्जा ‘वसाहि अज्जे, एगरायं वा दुरायं वा!’ एवं से कप्पइ एगरायं वा दुरायं वा 25
वत्थए; नो से कप्पइ परं एगरायाओ वा दुरायाओ वा वत्थए । जं तत्थ परं एगरायाओ वा दुरा-
याओ वा वसइ, से सन्तरा छेए वा परिहारे वा ।

२३. परिहारकप्पट्ठिए भिक्खू बहिया थेराणं वेयावडियाए गच्छेज्जा । थेरा य नो
सरेज्जा, कप्पइ से निव्विसमाणस्स एगराइयाए पडिमाए....(जहा २२)....परिहारे वा ।

२४. परिहारकप्पट्ठिए भिक्खू बहिया थेराणं वेयावडियाए गच्छेज्जा । थेरा य से सरेज्जा 30
वा नो वा सरेज्जा, नो कप्पइ से निव्विसमाणस्स एगराइयाए पडिमाए....(जहा २२)....परिहारे वा ।

२५. भिक्खू य गणाओ अवकम्म एगल्लविहारपडिमं उवसंपज्जित्ताणं विहरेज्जा, से य इच्छेज्जा दोच्चं पि तमेव गणं उवसंपज्जित्ताणं विहरित्तए, पुणो आलोएज्जा पुणो पडिक्कमेज्जा पुणो छेयपरिहारस्स उवट्ठाएज्जा ।

२६. गणावच्छेइए य...., २७. आयरिय-उवज्झाए य....(जहा २९)....उवट्ठाएज्जा ।

२८. भिक्खू य गणाओ अवकम्म पासत्थविहारपडिमं उपसंपज्जित्ताणं विहरेज्जा, से य इच्छेज्जा दोच्चं पि तमेव गणं उवसंपज्जित्ताणं विहरित्तए, अत्थि याइं थ सेसे, पुणो आलोएज्जा पुणो पडिक्कमेज्जा पुणो छेयपरिहारस्स उवट्ठाएज्जा ।

२९-३२. भिक्खू य गणाओ अवकम्म अहाछन्द-३० कुसील-३१ ओसन्न-३२ संसत्त-विहारपडिमं उवसंपज्जित्ताणं विहरेज्जा, से य इच्छेज्जा दोच्चं पि तमेव गणं उवसंपज्जित्ताणं विहरित्तए, अत्थि याइं थ सेसे, पुणो आलोएज्जा पुणो पडिक्कमेज्जा पुणो छेयपरिहारस्स उवट्ठाएज्जा ।

३३. भिक्खू य गणाओ अवकम्म ओहावेज्जा, से य इच्छेज्जा दोच्चं पि तमेव गणं उवसंपज्जित्ताणं विहरित्तए, नत्थि णं तस्स केइ छेए वा परिहारे वा नन्नत्थ एगाए सेहोवट्ठावणियाए ।

३४. भिक्खू य अन्नयरं अकिच्चट्ठाणं सेवित्ता इच्छेज्जा आलोएत्तए जत्थेव अप्पणो आयरियउवज्झाए पासेज्जा, तस्सन्तियं आलोएज्जा पडिक्कमेज्जा निन्देज्जा गरेज्जा विउट्ठेज्जा विसोहेज्जा अकरणयाए अब्भुट्ठेज्जा अहारिहं तवोकम्मं पायच्छित्तं पडिवज्जेज्जा । नो चेव अप्पणो आयरियउवज्झाए पासेज्जा, जत्थेव संभोइयं साहम्मियं पासेज्जा बहुस्सुयं बढभागमं तस्सन्तियं आलोएज्जा जाव पडिवज्जेज्जा । नो चेव संभोइयं साहम्मियं, जत्थेव अन्नसंभोइयं साहम्मियं पासेज्जा बहुस्सुयं बढभागमं, तस्सन्तियं आलोएज्जा जाव पडिवज्जेज्जा । नो चेव अन्नसंभोइयं, जत्थेव सारूवियं पासेज्जा बहुस्सुयं बढभागमं तस्सन्तियं आलोएज्जा जाव पडिवज्जेज्जा । नो चेव २० णं सारूवियं, जत्थेव सम्मं-भावियाइं पासेज्जा, तेसन्तिए आलोएज्जा जाव पडिवज्जेज्जा । नो चेव सम्मं-भावियाइं, बहिया गामस्स वा नगरस्स वा निगमस्स वा रायहाणीए वा खेडस्स वा कब्बडस्स वा मडंबस्स वा पट्टणस्स वा दोणमुहस्स वा आसमस्स वा संवाहस्स वा संनिवेसस्स वा पाईणाभिमुहे वा उदीणाभिमुहे वा करयल-परिगहियंसि सिरसावत्तं मत्थए अज्जलिं कट्ठु एवं वएज्जा:—‘ एवइया मे अवरहा, एवइ कखुत्तो अहं अवरद्धो, ’ अरहन्ताणं सिद्धाणं अन्तिए आलोएज्जा जाव २५ पडिवज्जेज्जासि—त्ति बेमि ।

॥ ववहारस्स पढमो उदेसओ समत्तो ॥

॥ विइओ उदेसओ ॥

१. दो साहम्मिया एगयओ विहरन्ति; एगे तत्थ अन्नयरं अकिच्चट्ठाणं पडिसेवित्ता आलोएज्जा, ठवाणिज्जं ठवइत्ता करणिज्जं वेयावडियं । २. दो साहम्मिया एगयओ विहरन्ति; दो वि ते अन्नयरं अकिच्चट्ठाणं

पडिसेवित्ता आलोएज्जा, एगं तत्थ कप्पागं ठवइत्ता एगे निविसेज्जा, अह पच्छा से वि निविसेज्जा ।
 ३. बहवे साहम्मिया एगयओ विहरन्ति; एगे तत्थ अन्नयरं अकिच्चट्ठाणं पडिसेवित्ता आलोएज्जा, ठव-
 णिज्जं ठवइत्ता करणिज्जं वेयावडियं । ४. बहवे साहम्मिया एगयओ विहरन्ति; सव्वे वि ते अन्नयरं
 अकिच्चट्ठाणं पडिसेवित्ता आलोएज्जा, एगं तत्थ कप्पागं ठवइत्ता अवसेसा निविसेज्जा, अह पच्छा से
 वि निविसेज्जा । 5

५. परिहारकप्पट्ठिए भिक्खू गिलायमाणे अन्नयरं अकिच्चट्ठाणं पडिसेवित्ता आलोएज्जा, से
 य संथरेज्जा, ठवणिज्जं ठवइत्ता करणिज्जं वेयावडियं; से य नो संथरेज्जा, अणुपरिहारिएणं करणिज्जं वे-
 यावडियं । से तं अणुपरिहारिएणं कीरमाणं वेयावडियं साइजेज्जा, से वि कसिणे तत्थेव आरुहेय-
 न्वे सिया ।

६. परिहारकप्पट्ठियं भिक्खुं गिलायमाणं नो कप्पइ तस्स गणावच्छेइयस्स निज्जाहितए । अगिलाए 10
 तस्स करणिज्जं वेयावडियं जाव तओ रोगायङ्काओ विप्पमुक्को तओ पच्छा तस्स अहालहुसए नामं वव-
 हारे पट्ठवियन्वे सिया ।

७-१७. अणवट्ठप्पं.....पाराञ्चियं.....खित्तचित्तं.....दित्तचित्तं.....जक्खाइडं.....उम्मायप-
 त्तं.....उवसग्गपत्तं.....साहिगरणं.....सपायाच्छित्तं.....भत्तपाणपडियाइक्खित्तं.....अट्ठजायं भिक्खुं.....,
 (जहा ६).....पट्ठवियन्वे सिया । 15

१८. अणवट्ठप्पं भिक्खुं अगिहिभूयं नो कप्पइ तस्स गणावच्छेइयस्स उवट्ठावित्तए । १९.
 अणवट्ठप्पं भिक्खुं गिहिभूयं कप्पइ तस्स गणावच्छेइयस्स उवट्ठावित्तए । २०. पाराञ्चियं भिक्खुं
 अगिहिभूयं नो कप्पइ तस्स गणावच्छेइयस्स उवट्ठावित्तए । २१. पाराञ्चियं भिक्खुं गिहिभूयं कप्पइ
 तस्स गणावच्छेइयस्स उवट्ठावित्तए । २२. अणवट्ठप्पं भिक्खुं अगिहिभूयं वा गिहिभूयं वा कप्पइ तस्स
 गणावच्छेइयस्स उवट्ठावित्तए, जहा तस्स गणस्स पत्तियं सिया । २३. पाराञ्चियं भिक्खुं अगिहिभूयं 20
 वा गिहिभूयं वा कप्पइ तस्स गणावच्छेइयस्स उवट्ठावित्तए, जहा तस्स गणस्स पत्तियं सिया ।

२४. दो साहम्मिया एगओ विहरन्ति; एगे तत्थ अन्नयरं अकिच्चट्ठाणं पडिसेवित्ता आलोएज्जा:—
 ‘अहं णं भन्ते अमुगेणं साहुणा सद्धिं इमम्मि कारणम्मि पडिसेवी’ से य पुच्छियन्वे ‘किं पडिसेवी?’ से
 य वएज्जा ‘पडिसेवी’ परिहारपत्ते; से य वएज्जा ‘नो पडिसेवी’ नो परिहारपत्ते । जं से पमाणं वयइ,
 से पमाणाओ वेयन्वे । से किमाहु भन्ते ? सच्चपइन्ना ववहारा । 25

२५. भिक्खू य गणाओ अवकम्म ओहाणुप्पेही वज्जेज्जा, से य अणोहाइए इच्छेज्जा दोच्चं पि
 तमेव गणं उवसंपज्जित्ताणं विहारित्तए, तत्थ णं थेराणं इमेयाख्वे विवाए समुप्पज्जित्था ‘ इमं भो
 जाणह किं पडिसेवी?’ सेय पुच्छियन्वे ‘किं पडिसेवी?’ से य वएज्जा ‘पडिसेवी’ परिहारपत्ते । से य
 वएज्जा ‘ नो पडिसेवी ’ नो परिहारपत्ते । जं से पमाणं वयइ से पमाणाओ वेयन्वे । से किमाहु
 भन्ते ? सच्चपइन्ना ववहारा । 30

२६. एगपक्खियस्स भिक्खुस्स कप्पइ आयरिय-उवज्झायाण इत्तरियं दिसं वा अणुदिसं वा
 उद्दिमित्तए वा थारित्तए वा, जहा वा तस्स गणस्स पत्तियं सिया ।

२७. बहवे परिहारिया बहवे अपरिहारिया इच्छेज्जा एगयओ एगमासं वा दुमासं वा तिमासं वा चउमासं वा पञ्चमासं वा छम्मासं वा वत्थए । ते अन्नमन्नं संभुज्जन्ति अन्नमन्नं नो संभुज्जन्ति मासं, तओ पच्छा सव्वे वि एगयओ संभुज्जन्ति ।

२८. परिहारकप्पट्टियस्स भिक्खुस्स नो कप्पइ असणं वा पाणं वा खाइमं वा साइमं वा दाउं वा अणुप्पदाउं वा । थेरा य णं वएज्जा ‘ इमं ता अज्जो; तुमं एएसिं देहि वा अणुप्पदेहि वा ’ एवं से कप्पइ दाउं वा अणुप्पदाउं वा । कप्पइ से लेवं अणुजाणावेत्तए ‘ अणुजाणह तं लेवाए ! ’ एवं से कप्पइ लेवं अणुजाणावेत्तए ।

२९. परिहारकप्पट्टिए भिक्खू सएणं पडिग्गहेणं बहिया थेराणं वेयावडियाए गच्छेज्जा । थेरा य णं वएज्जा ‘ पडिग्गहे अज्जो; अहं पि भोक्खामि वा पाहामि वा, एवं से कप्पइ पडिग्गहेत्तए । तत्थ नो कप्पइ अपरिहारिएणं परिहारियस्स पडिग्गहंसि असणं वा पाणं वा खाइमं वा साइमं वा भोत्तए वा पायए वा; कप्पइ से सयंसि वा पडिग्गहंसि सयंसि वा पलासगंसि पाणिसि वा उद्धट्ठु उद्धट्ठु भोत्तए वा पायए वा । एस कप्पे अपरिहारियस्स परिहारियाओ ।

३०. परिहारकप्पट्टिए भिक्खू थेराणं पडिग्गहेणं बहिया थेराणं वेयावडियाए गच्छेज्जा । थेरा य वएज्जा ‘ पडिग्गहे अज्जो; तुमं पि पच्छा भोक्खामि वा पाहामि वा ’ एवं से कप्पइ पडिग्गहेत्तए । तत्थ नो कप्पइ परिहारिएणं अपरिहारियस्स पडिग्गहंसि असणं वा पाणं वा खाइमं वा साइमं वा भोत्तए वा पायए वा, कप्पइ से सयंसि वा पडिग्गहंसि सयंसि वा पलासगंसि पाणिसि वा उद्धट्ठु उद्धट्ठु भोत्तए वा पायए वा । एस कप्पे परिहारियस्स अपरिहारियाओ—त्ति बेमि ।

॥ ववहारस्स विइओ उद्देसओ समत्तो ॥

॥ तइओ उद्देसओ ॥

१. भिक्खू य इच्छेज्जा गणं धारेत्तए, भगवं च से अपलिच्छए, एवं नो से कप्पइ गणं धारेत्तए । भगवं च से पलिच्छन्ने, एवं से कप्पइ गणं धारेत्तए ।

२. भिक्खू य इच्छेज्जा गणं धारेत्तए, नो से कप्पइ थेरे अणापुच्छित्ता गणं धारेत्तए, कप्पइ से थेरे आपुच्छित्ता गणं धारेत्तए । थेरा य से वियरेज्जा, एवं से कप्पइ गणं धारेत्तए; थेरा य से नो वियरेज्जा एवं से नो कप्पइ गणं धारेत्तए । जणं थेरेहिं अविइणं गणं धारेज्जा, से सन्तरा छेओ वा २५ परिहारो वा ।

३. तिवासपरियाए समणे निगन्थे आयारकुसले संजमकुसले पवयणकुसले पन्नत्तिकुसले संगहकुसले उवग्गहकुसले अक्खयायारे अभिन्नायारे असबलायारे असंकिलिट्ठायारचित्ते बहुस्सुए बब्भागमे जहन्नेण आयारपकप्पधरे कप्पइ उवज्जायत्ताए उद्दिसित्तए । ४. स च्चेव णं से तिवासपरियाए समणे निगन्थे नो आयारकुसले जाव नो उवग्गहकुसले खयायारे भिन्नायारे सबलायारे संकिलिट्ठायारचित्ते ३० अप्पसुए अप्पागमे नो कप्पइ उवज्जायत्ताए उद्दिसित्तए ।

५. पञ्चवासपरियाए समणे निगन्थे....(जहा ३)....जहन्नेणं दस-कप्प-ववहारधरे कप्पइ आयरियउवज्झायत्ताए उद्दिसित्तए । ६. स च्चेव णं से पञ्चवासपरियाए समणे निगन्थे.... (जहा ४)....नो कप्पइ आयरियउवज्झायत्ताए उद्दिसित्तए ।

७. अट्ठवासपरियाए समणे निगन्थे....(जहा ३)....जहन्ने णं ठाण-समवाय-धरे कप्पइ आय-रियत्ताए जाव गणावच्छेइयत्ताए उद्दिसित्तए । ८. स च्चेव णं से अट्ठवासपरियाए समणे निगन्थे 5(जहा ४)....नो कप्पइ आयरियत्ताए जाव गणावच्छेइयत्ताए उद्दिसित्तए ।

९. निरुद्धपरियाए समणे निगन्थे कप्पइ तद्विसं आयरियउवज्झायत्ताए उद्दिसित्तए । से किमाहुं भन्ते ? अत्थि णं थेराणं तहारूवाणि कुलाणि कडाणि पत्तियाणि थेज्जाणि वेसासियाणि संमयाणि सम्मुइकराणि अणुमयाणि बहुमयाणि भवन्ति, तेहिं कडेहिं तेहिं पत्तिएहिं तेहिं थेज्जेहिं तेहिं वेसासिएहिं तेहिं संमएहिं तेहिं सम्मुइकरेहिं जं से निरुद्धपरियाए समणे निगन्थे, कप्पइ आयरियउवज्झायत्ताए उद्दिसित्तए तद्विसं । 10

१०. निरुद्धवासपरियाए समणे निगन्थे कप्पइ आयरियउवज्झायत्ताए उद्दिसित्तए समुच्छेयक-प्पंसि । तस्स णं आयारपकप्पस्स देसे अवट्ठिए; से य 'अहिज्जिस्सामि' ति अहिज्जेज्जा, एवं से कप्पइ आयरियउवज्झायत्ताए उद्दिसित्तए । से य 'अहिज्जिस्सामि' ति नो अहिज्जेज्जा, एवं से नो कप्पइ आयरियउवज्झायत्ताए उद्दिसित्तए ।

११. निगन्थस्स णं नवडहरतरुणस्स आयरियउवज्झाए वीसं भेज्जा; नो से कप्पइ अणायारिय-15 उवज्झायस्स होत्तए । कप्पइ से पुवं आयरियं उद्दिसावेत्ता तओ पच्छा उवज्झायं । से किमाहुं भन्ते ? दुसंगहिए समणे निगन्थे, तं जहा आयरिएणं—उवज्झाएण य ।

१२. निगन्थीए णं नवडहरतरुणीए आयरियउवज्झाए वीसं भेज्जा; नो से कप्पइ अणायरिय-उवज्झाइयाए होत्तए । कप्पइ से पुवं आयरियं उद्दिसावेत्ता तओ उवज्झायं तओ पच्छा पवत्तिणिं । से किमाहुं भन्ते ? तिसंगहिया समणी निगन्थी, तं जहा—आंयरिएणं उवज्झाएणं पवत्तिणीए य । 20

१३. भिक्खू य गणाओ अवकम्म मेहुणं पडिसेवेज्जा, तिणिण संवच्छराणि तस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा । तिहिं संवच्छेरेहिं वीइक्कन्तेहिं चउत्थंगांसि संवच्छरांसि पट्ठियंसि ठियस्स उवसन्तस्स उवरयस्स पडिविरयस्स एवं से कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ।

१४. गणावच्छेइए गणावच्छेइयत्तं अनिक्खविता मेहुणधम्मं पडिसेवेज्जा, जावज्जीवाए तस्स तप्प-25 तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ।

१५. गणावच्छेइए गणावच्छेइयत्तं निक्खविता मेहुणधम्मं पडिसेवेज्जा, तिणिण संवच्छराणि(जहा १३)....धारेत्तए वा ।

१६. १७. आयरियउवज्झाए आयरियउवज्झायत्तं....(जहा १४, १९)....धारेत्तए वा ।

१८. भिक्खू य गणाओ अवकम्म ओहायइ तिणिण संवच्छराणि....(जहा १३)....धारेत्तए वा । 30

१९. २०. गणावच्छेइए गणावच्छेइयत्तं (अ) निक्खिवित्ता ओहाएज्जा (जहा १४-१९)
....धारेत्तए वा ।
२१. २२. आयरियउवज्झाए आयरियउवज्झायत्तं (अ) निक्खिवित्ता ओहाएज्जा
....(जहा १४ १९)....धारेत्तए वा ।
- 5 २३. भिक्खू बहुस्सुए बढभागमे बहुसो बहु-आगाढागाढेसु कारणेसु माई मुसावाई असुई
पावजीवी, जावज्जीवाए....(जहा १४)....धारेत्तए वा ।
२४. गणावच्छेइए....(जहा २३)....धारेत्तए वा ।
२५. आयरियउवज्झाए....(जहा २३)....धारेत्तए वा ।
२६. बहवे भिक्खुणो बहुस्सुया बढभागमा बहुसो....(जहा २३ गवरं तेसिं तस्स)....धारेत्तए वा
- 10 २७. बहवे गणावच्छेइया....(जहा २६)....धारेत्तए वा ।
२८. बहवे आयरियउवज्झाया....(जहा २६)....धारेत्तए वा ।
२९. बहवे भिक्खुणो बहवे गणावच्छेइया बहवे आयरियउवज्झाया....(जहा २६)....
धारेत्तए वा ।

॥ ववहारस्स तइओ उद्देसओ समत्तो. ॥

15

॥ चउत्थो उद्देसओ ॥

१. नो कप्पइ आयरियउवज्झायस्स एगाणियस्स हेमन्तगिम्हासु चरिए । २. कप्पइ आयरि-
यउवज्झायस्स अप्पबिइयस्स हेमन्तगिम्हासु चरिए ।
३. नो कप्पइ गणावच्छेइयस्स अप्पबिइयस्स हेमन्तगिम्हासु चरिए । ४. कप्पइ गणाव-
च्छेइयस्स अप्पतइयस्स हेमन्तगिम्हासु चरिए ।
- 20 ५. नो कप्पइ आयरियउवज्झायस्स अप्पबिइयस्स वासा-वासं वत्थए । ६. कप्पइ आयरि-
यउवज्झायस्स अप्पतइयस्स वासा-वासं वत्थए ।
७. नो कप्पइ गणावच्छेइयस्स अप्पतइयस्स वासा-वासं वत्थए । ८. कप्पइ गणावच्छेइयस्स
अप्पचउत्थस्स वासा-वासं वत्थए ।
९. से गामंसि वा....(जहा १, ३४)....संनिवेसंसि वा बहूणं आयरियउवज्झायाणं अप्प-
25 बिइयाणं बहूणं गणावच्छेइयाणं अप्पतइयाणं कप्पइ हेमन्तगिम्हासु चरिए अन्नमन्नं निस्साए ।
१०. से गामंसि वा....(जहा १, ३४)....संनिवेसंसि वा बहूणं आयरियउवज्झायाणं
अप्पतइयाणं बहूणं गणावच्छेइयाणं अप्पचउत्थाणं कप्पइ वासावासं वत्थए अन्नमन्नं निस्साए ।
११. गामाणुगामं दूइज्जमाणो भिक्खू य जं पुरओ कट्ठु विहरइ आहच्च वीसम्भेज्जा,
अत्थि याइं थ अन्ने केइ उवसंपज्जणारिहे, से उवसंपज्जियव्वे; नत्थि याइं थ अन्ने केइ उवसंपज्ज-

णारिहे, तस्स अप्पणो कप्पाए असमत्ते कप्पइ से एगराइयाए पाडिमाए जणं जणं दिसं अन्ने साह-
म्मिया विहरन्ति तणं तणं दिसं....(जहा १, २२)....छेए वा परिहारे वा ।

१२. वासा वासं पज्जोसविओ भिक्खू....(जहा ११)....छेए वा परिहारे वा ।

१३. आयरियउवज्झाए गिलायमाणे अन्नयरं वएज्जा ‘अज्जो, मामंसि णं कालगयंसि
समाणंसि अयं समुक्कसियव्वे । से य समुक्कसणारिहे, समुक्कसियव्वे; से य नो समुक्कसणारिहे, नो समुक्कसि- 5
यव्वे । अत्थि याइं थ अन्ने केइ समुक्कसणारिहे, से समुक्कसियव्वे; नत्थि याइं थ अन्ने केइ समुक्कसणारिहे,
से चेव समुक्कसियव्वे । तंसि व णं समुक्किट्ठंसि परो वएज्जा ‘दुस्समुक्किट्ठं ते, अज्जो; निक्खिवाहि !’
तस्स णं निक्खिक्कमाणस्स नत्थि केइ छेए वा परिहारे वा । जे साहम्मिया अहाकप्पेणं नो उट्ठाए विह-
रन्ति, सव्वेसिं तेसिं तप्पत्तिं छेए वा परिहारे वा ।

१४. आयरियउवज्झाए ओहायमाणे....(जहा १३ णवरं ओहावियांसि जाव कालगयंसि).... 10
छेए वा परिहारे वा ।

१५. आयरियउवज्झाए सरमाणे जाव चउरायपंचरायाओ कप्पागं भिक्खुं नो उवट्ठावेइ । कप्पाए
अत्थि याइं से केइ माणणिज्जे कप्पाए, नत्थि से केइ छेए वा परिहारे वा; नत्थि याइं से केइ माण-
णिज्जे कप्पाए, से सन्तरा छेए वा परिहारे वा ।

१६. आयरियउवज्झाए असरमाणे परं चउरायाओ कप्पागं....(जहा १५).... 15
छेए वा परिहारे वा ।


१७. आयरियउवज्झाए सरमाणे वा असरमाणे वा परं दसरायकप्पाओ कप्पागं भिक्खुं नो
उवट्ठावेइ । कप्पाए अत्थि याइं से केइ माणणिज्जे कप्पाए, नत्थि से केइ छेए वा परिहारे वा; नत्थि याइं
से केइ माणणिज्जे कप्पाए, संवच्छंरं तस्स तप्पत्तिं नो कप्पइ आयारियत्तं उद्दिस्सिए ।

१८. भिक्खू य गणाओ अवकम्म अन्नं गणं उवसंपज्जित्ताणं विहरेज्जा, तं च केइ साहम्मिए 20
पासित्ता वएज्जा ‘कं अज्जो उवसंपज्जित्ताणं विहरसि?’ जे तत्थ सव्वराइणीए तं वएज्जा । राइणीए तं
वएज्जा ‘अहं भंते कस्स कप्पाए?’ जे तत्थ सव्व बहुसुए तं वएज्जा । ‘जं वा से भगवं
वक्खइ, तस्स आणा-उववायवयणनिदेसे चिट्ठिस्सामि ।’

१९. बह्वे साहम्मिया इच्छेज्जा एगयओ अभिनिचारियं चारए; कप्पइ नो ण्हं थेरे अणा-
पुच्छित्ता एगयओ अभिनिचारियं चारए, कप्पइ ण्हं थेरे आपुच्छित्ता एगयओ अभिनिचारियं चारए । 25
थेरा य से वियरेज्जा, एव ण्हं कप्पइ एगयओ अभिनिचारियं चारए; थेरा य से नो वियरेज्जा, एव ण्हं
नो कप्पइ एगयओ अभिनिचारियं चारए । जं तत्थ थेरेहिं अविइण्णे एगयओ अभिनिचारियं चरन्ति,
से अन्तरा छेए वा परिहारे वा ।

२०. चरियापविडे भिक्खू जाव चउरायपञ्चरायाओ थेरे पासेज्जा, स च्चेव आलोयणा स च्चेव
पडिक्कमणा स च्चेव ओग्गहस्स पुब्बाणुन्नवणा चिट्ठइ अहालन्दमवि ओग्गहे । 30

२१. चरियापविडे भिक्खू परं चउरायपञ्चरायाओ थेरे पासेज्जा, पुणो आलोएज्जा पुणो पाडि-
क्केज्जा पुणो छेयपरिहारस्स उवट्ठाएज्जा । भिक्खुभावस्स अट्ठाए दोच्चं पि ओग्गहे अणुन्नवेयव्वे सिया



‘अणुजाणह भन्ते मिओग्गहं अहालन्दं धुवं नितियं वेउड्डियं, तओ पच्छा कायसंफासं ।’

२२-२३. चरियानियट्ठे भिक्खू....(जहा २०, २१)....कायसंफासं ।

२४. दो साहम्मिया एगयओ विहरन्ति, तं जहा-सेहे य राइणीए य । तत्थ सेहतराए पलिच्छन्ने, राइणीए अपलिच्छन्ने । सेहतराएणं राइणीए उवसंपज्जियन्वे, भिक्खोववायं च दलयइ कप्पागं ।

२५. दो साहम्मिया एगयओ विहरन्ति, तं जहा-सेहे य राइणीए य । तत्थ राइणीए पलिच्छन्ने, सेहतराए अपलिच्छन्ने । इच्छा राइणीए सेहतरागं उवसंपज्जइ, इच्छा नो उवसंपज्जइ; इच्छा भिक्खोववायं दलयइ कप्पागं, इच्छा नो दलयइ कप्पागं ।

२६. दो भिक्खुणो एगयओ विहरन्ति; नो ण्हं कप्पइ अन्नमन्नं उवसंपज्जिताणं विहरित्ते । कप्पइ ण्हं अहाराइणियाए अन्नमन्नं उवसंपज्जिताणं विहरित्ते ।

१० २७. दो गणावच्छेइया....(जहा २६)....विहरित्ते ।

२८. दो आयरियउवज्झाया....(जहा २६)....विहरित्ते ।

२९. बहवे भिक्खुणो....(जहा २६)....विहरित्ते ।

३०. बहवे गणावच्छेइया....(जहा २६)....विहरित्ते ।

३१. बहवे आयरियउवज्झाया (जहा २६) विहरित्ते ।

१५ ३२. बहवे भिक्खुणो बहवे गणावच्छेइया बहवे आयरियउवज्झाया....(जहा २६) विहरित्ते ।

॥ ववहारस्स चउत्थो उद्देशो समत्तो ॥

॥ पंचमो उद्देशो ॥

२० १. नो कप्पइ पवत्तिणीए अप्पबिइयाए हेमन्तगिम्हासु चारए । २. कप्पइ पवत्तिणीए अप्पतइयाए हेमन्तगिम्हासु चारए ।

३. नो कप्पइ गणावच्छेइणीए अप्पतइयाए हेमन्तगिम्हासु चारए । ४. कप्पइ गणावच्छेइणीए अप्पचउत्थाए हेमन्तगिम्हासु चारए ।

५. नो कप्पइ पवत्तिणीए अप्पतइयाए वासावासं वत्थए । ६. कप्पइ पवत्तिणीए अप्पचउत्थाए २५ वासावासं वत्थए ।

७. नो कप्पइ गणावच्छेइणीए अप्पचउत्थाए वासावासं वत्थए । ८. कप्पइ गणावच्छेइणीए अप्पपञ्चमाए वासावासं वत्थए ।

९. से गामंसि वा....(जहा १, ३४)....रायहाणिसि वा बहूणं पवत्तिणीणं अप्पतइयाणं बहूणं गणावच्छेइणीणं अप्पचउत्थाणं कप्पइ हेमन्तगिम्हासु चारए अन्नमन्नं नीसाए ।

३० १०. से गामंसि वा....(जहा १, ३४)....रायहाणिसि वा बहूणं पवत्तिणीणं अप्पचउत्थाणं बहूणं गणावच्छेइणीणं अप्पपञ्चमाणं कप्पइ वासावासं वत्थए अन्नमन्नं नीसाए ।

११. गामाणुगामं दूज्जमाणा निग्गन्धी य जं पुरओ काउं विहरइ सा आहच्च वीसम्भेज्जा, अत्थि याइं थ काइ अन्ना उवसंपज्जणारिहा, सा उवसंपज्जियव्वा; नात्थि याइं थ काइ अन्ना उवसंपज्जणारिहा, तीसेय अप्पणो कप्पए असमत्ते कप्पइ सा एगराइयाए पडिमाए जण्णं जण्णं दिसं अन्नाओ साहमिणीओ विहरन्ति तण्णं तण्णं दिसं....(जहा १, २२)....छेए वा परिहारे वा ।

१२. वासावासं पज्जोसविया निग्गन्धी....(जहा ११)....छेए वा परिहारे वा ।

5

१३. पवत्तिणी य गिलायमीणा अन्नयरं वएज्जा 'मए णं, अज्जो, कालगयाए समाणीए अयं समुक्कसियव्वा' । सा य समुक्कसणारिहा (जहा ४, १३)....छेए वा परिहारे वा ।

१४. पवत्तिणी य ओहायमीणा....(जहा १३)....छेए वा परिहारे वा ।

१५. निग्गन्थस्स नवडहरतरुणस्स आयारपकप्पे नामं अज्झयणे परिब्भट्ठे सिया, से य पुच्छियव्वे 'केण ते, अज्जो, कारणेणं आयारपकप्पे नामं अज्झयणे परिब्भट्ठे, किं आबाहेणं पमाएणं' ? 10 से य वएज्जा 'नो आबाहेणं, पमाएणं', जावज्जीवंतस्स तप्पत्तियं नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा । से य वएज्जा 'आबाहेणं, नो पमाएणं', से य 'संठवेस्सामीति' संठवेज्जा, एवं से कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा; से य 'संठवेस्सामीति' नो संठवेज्जा, एवं से नो कप्पइ आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ।

15

१६. निग्गन्धीए नवडहरतरुणाए आयारपकप्पे नामं अज्झयणे परिब्भट्ठे सिया, सा य पुच्छियव्वा 'केण मे कारणेणं आयारपकप्पे नामं अज्झयणे परिब्भट्ठे, किं आबाहेणं पमाएणं' ? सा य वएज्जा 'नो आबाहेणं पमाएणं', जावज्जीवं तीसे तप्पत्तियं नो कप्पइ पवत्तिणित्तं वा गणावच्छेइयत्तं वा उद्दिसित्तए वा धारेत्तए वा । सा य वएज्जा 'आबाहेणं नो पमाएणं', सा य 'संठवेस्सामीति' संठवेज्जा, एवं से कप्पइ पवत्तिणित्तं वा गणावच्छेइयत्तं वा उद्दिसित्तए वा धारेत्तए वा; सा य 'संठवेस्सामीति' 20 नो संठवेज्जा, एवं से नो कप्पइ पवत्तिणित्तं वा गणावच्छेइयत्तं वा उद्दिसित्तए वा धारेत्तए वा ।

१७. थेराणं थेरभूमिपत्ताणं आयारपकप्पे नामं अज्झयणे परिब्भट्ठे सिया; कप्पइ तेसिं संठवेत्ताण वा असंठवेत्ताण वा आयरियत्तं वा जाव गणावच्छेइयत्तं वा उद्दिसित्तए वा धारेत्तए वा ।

१८. थेराणं थेरभूमिपत्ताणं आयारपकप्पे नामं अज्झयणे परिब्भट्ठे सिया; कप्पइ तेसिं संनिसण्णाण वा संतुयट्ठाण वा उत्ताणयाण वा पासिल्लयाण वा आयारपकप्पे नामं अज्झयणं दोच्चं पि तच्चं पी 25 पडिपुच्छित्तए वा पडिसारेत्तए ।

१९. जे निग्गन्था र निग्गन्धीओ य संभोइया सिया, नो ण्हं कप्पइ अन्नमन्नस्स अन्तिए आलोएत्तए । अत्थि याइं ण्हं केइ आलोयणारिहे, कप्पइ ण्हं तस्स अन्तिए आलोएत्तए; नत्थि याइं ण्हं केइ आलोयणारिहे, एव ण्हं कप्पइ अनमन्नस्स अन्तिए आलोएत्तए ।

२०. जे निग्गन्था य निग्गन्धीओ य संभोइया सिया, नो ण्हं कप्पइ अन्नमन्नेणं वेयावच्चं 30

कारवेत्तए । अत्थि याइ ण्हं केइ वेयावच्चकरे, कप्पइ ण्हं वेयावच्चं कारवेत्तए; नत्थि याइ ण्हं केइ वेयावच्चकरे, एव ण्हं कप्पइ अन्नमन्नेणं वेयावच्चं कारवेत्तए ।

२१. निगन्थं च णं राओ वा वियाले वा दिहपट्ठो लूसेज्जा; इत्थी वा पुरिसस्स ओमावेज्जा पुरिसो वा इत्थीए ओमावेज्जा । एवं से कप्पइ, एवं से चिट्ठइ, परिहारं च से न पाउणइ—एस कप्पे
5 थेरकप्पियाणं; एवं से नो कप्पइ, एवं से नो चिट्ठइ, परिहारं च नो पाउणइ—एस कप्पे जिणकप्पियाणं—ति बेमि ।

॥ ववहारस्स पञ्चमो उद्देसओ समत्तो ॥

॥ छट्ठो उद्देसओ ॥

१. भिक्खू य इच्छेज्जा नाय-विहिं एत्तए, नो कप्पइ थेरे अणापुच्छिता नायविहिं एत्तए; कप्पइ थेरे आपुच्छिता नायविहिं एत्तए । थेरा य से वियरेज्जा, एवं से कप्पइ नायविहिं एत्तए; थेरा य से
10 नो वियरेज्जा, एवं से नो कप्पइ नायविहिं एत्तए । जं तत्थ थेरेहिं अविइण्णे नायविहिं एइ, से सन्तरा छेए वा पहिरे वा । नो से कप्पइ अप्पसुयस्स अप्पागयस्स एगाणियस्स नायविहिं एत्तए; कप्पइ से जे तत्थ बहुस्सुए बढभागमे तेण सद्धि नायविहिं एत्तए । तस्स तत्थ पुव्वागमणेणं पुव्वाउत्ते चाउलोदणे कप्पइ पडिगाहेत्तए; से जे तत्थ पुव्वागमणेणं पच्छाउत्ते चाउलोदणे, नो से कप्पइ पडिगाहेत्तए ।

२. आयरियउज्झायस्स गणांसि पञ्च अइसेसा पन्नता, तं जहा—आयरियउवज्झाए अन्तो
15 उवस्सयस्स पाए निगिज्झिय निगिज्झिय पप्फोडेमाणे वा पमज्जेमाणे वा नो अइक्कमइ; आयरियउज्झाए अन्तो उवस्सयस्स उच्चारपासवणं विगिञ्चमाणे वा विसोहेमाणे वा नो अइक्कमइ, आयरियउवज्झाए पभू वेयावडिय इच्छा करेज्जा इच्छा नो करेज्जा, आयरियउवज्झाए अन्तो उवस्सयस्स एगरायं वा दुरायं वा वसमाणे नो अइक्कमइ; आयरियउवज्झाए बाहिं उवस्सयस्स एगरायं वा दुरायं वा वसमाणे नो अइक्कमइ ।

३. गणावच्छेइयस्स णं गणांसि दो अइसेसा पन्नता, तं जहा—गणावच्छेइए अन्तो उवस्सयस्स
20 एगरायं वा दुरायं वा वसमाणे नो अइक्कमइ; गणावच्छेइए बाहिं उवस्सयस्स एगरायं वा दुरायं वा वसमाणे नो अइक्कमइ ।

४. से गामंसि वा....(जहा १, ३४)....रायहाणिंसि वा एगवगडाए एगदुवाराए एग-
निकखमणपवेसाए नो कप्पइ बहूणं अगडसुयाणं एगयओ वत्थए । अत्थि याइ ण्हं केइ आयारपकप्पधरे,
नत्थि याइ ण्हं केइ छेए वा परिहारे वा; नत्थि याइ ण्हं केइ आयारकप्पधरे, से सन्तरा
25 छेए वा परिहारे वा ।

५. से गामंसि वा (जहा १, ३४) रायहाणिंसि वा अभिनिव्वगडाए अभिनिव्वाराए अभिनिव्वमण-
पवेसाए नो कप्पइ बहूणं वि अगडसुयाणं एगयओ । वत्थए अत्थि याइ ण्हं केइ आयारपकप्पधरे, जे

तत्तियं रयणिं संवसइ, नात्थि याइ ण्ह केइ छेए वा परिहारे वा; नत्थि याइ ण्ह केइ आयारपकप्पधरे, जे तत्तियं रयणिं संवसइ, सव्वेसिं तेसिं तप्पात्तियं छेए वा परिहारे वा ।

६. से गामांसि वा....(जहा १, १४)....रायहार्णिंसि वा अभिनिव्वगडाए अभिनिदुवाराए अभि-
निक्खमणपवेसणाए नो कप्पइ बहुसुयस्स बढभागमस्स एगाणियस्स भिक्खुस्स वत्थए, किमङ्ग पुणं
अप्पागमस्स अप्पसुयस्स । 5

७. से गामांसि वा....(जहा १, ३४)....रायहार्णिंसि वा एगवगडाए एगदुवाराए एगनिक्खम
णपवेसाए कप्पइ बहुसुयस्स बढभागमस्स एगाणियस्स भिक्खुस्स वत्थए दुहओ कालं भिक्खुभावं
पडिजागरमाणस्स ।

८. जत्थ एए बह्वे इत्थीओ य पुरिसा य पण्हावेन्ति, तत्थ से समणे निग्गन्थे अन्नयरंसि अ-
चित्तंसि सोयांसि सुक्कपोगले निग्घाएमाणे हत्थकम्मपडिसेवणपत्ते आवज्जइ मासियं परिहारट्ठाणं 10
अणुग्घाइयं ।

९. जत्थ....(जहा ८)....निग्घाएमाणे मेहुणपडिसेवणपत्ते आवज्जइ चाउम्मासियं परि-
हारट्ठाणं अणुग्घाइयं ।

१०. नो कप्पइ निग्गन्थाण वा निग्गन्थीण वा निग्गन्थि खुयायारं सबलायारं भिन्नायारं संकि-
लिट्ठायारचित्तं तस्स ठाणस्स अणालोयावेत्ता अपडिक्कमावेत्ता अनिन्दावेत्ता अगरहावेत्ता अविउट्ठावेत्ता 15
अविसोहावेत्ता अकरणाए अणब्भुट्ठावेत्ता अहारिहं पायच्छित्तं अपडिवज्जावेत्ता उवट्ठावेत्तए वा संभुज्जि-
त्तए वा संवसित्तए वा तेसिं इत्तरियं दिसं वा अणुदिसं वा उद्दिसित्तए वा धारेत्तए वा ।

११. कप्पइ निग्गन्थाण वा निग्गन्थीण वा निग्गन्थि अन्नगणाओ आगयं खुयायारं....(जहा १०)....
तस्स ठाणस्स आलोयावेत्ता पडिक्कमावेत्ता निन्दावेत्ता गरहावेत्ता विउट्ठावेत्ता विसोहावेत्ता अकरणाए
अब्भुट्ठावेत्ता अहारिहं पायच्छित्तं पडिवज्जावेत्ता उवट्ठावेत्तए वा....(जहा १०).... 20
धारेत्तए वा ।

॥ ववहारस्स छट्ठो उदेसओ समत्तो ॥

■ सत्तमो उदेसओ ■

१. जे निग्गन्था य निग्गन्थीओ य संभोइया सिया, नो कप्पइ निग्गन्थीणं निग्गन्थे अणापु-
च्छित्ता निग्गन्थि अन्नगणाओ आगयं खुयायारं सबलायारं भिन्नायारं संकिलिट्ठायारचित्तं तस्स ठाणस्स अ-
णालोयवेत्ता....(जहा ६, १०)....पायच्छित्तं अपडिवज्जावेत्ता पुच्छित्तए वा वाएत्तए वा उवट्ठावेत्तए वा 25
संभुज्जित्तए वा संवसित्तए वा तीसे इत्तरियं दिसं वा अणुदिसं वा उद्दिसित्तए वा धारेत्तए वा । कप्पइ निग्गन्थाणं
निग्गन्थीओ आपुच्छित्ता वा अणापुच्छित्ता वा निग्गन्थि अन्नगणाओ आगयं खुयायारं सबलायारं भिन्नायारं
संकिलिट्ठायारचित्तं तस्स ठाणस्स आलोयवेत्ता (जहा ९, ११) पायच्छित्तं पडिवज्जावेत्ता पुच्छित्तए वा

वाएत्तए वा उवट्ठावेत्तए वा संभुञ्जितए वा संवसितए वा तीसे इत्तरियं दिसं वा अणुदिसं वा उद्दिसि-
त्तए वा धारेत्तए वा । तं च निगन्थीओ नो इच्छेज्जा सेवमेव नियं ठाणं ।

२. जे निगन्था य निगन्थीओ य संभोइया सिया, नो ण्हं कप्पइ पारोक्खं पाडिएक्कं संभोइयं
विसंभोगं करेत्तए; कप्पइ ण्हं पच्चक्खं पाडिएक्कं संभोइयं विसंभोगं करेत्तए । जत्थेव अन्नमन्नं पासेज्जा, तत्थेव

५ एवं वएज्जा—‘अहणं, अज्जो, तुमाए सद्धिं इमाम्मि कारणम्मि पच्चक्खं संभोगं विसंभोगं करेमि’ । से य
पडितप्पेज्जा, एवं से नो कप्पइ पच्चक्खं पाडिएक्कं संभोइयं विसंभोगं करेत्तए; से य नो पडितप्पेज्जा, एवं
से कप्पइ पच्चक्खं पाडिएक्कं संभोइयं विसंभोगं करेत्तए ।

३. जाओ निगन्थीओ वा निगन्था वा संभोइया सिया, नो ण्हं कप्पइ पच्चक्खं पाडिएक्कं संभोइयं
विसंभोगं करेत्तए; कप्पइ ण्हं पारोक्खं पाडिएक्कं संभोइयं विसंभोगं करेत्तए । जत्थेव ताओ अप्पणो आयरि-
१० यउवज्झाए पासेज्जा, तत्थेव एवं वएज्जा—‘अह णं, भन्ते, अमुगीए अज्जाए सद्धिं इमाम्मि कारणम्मि पारोक्खं
पाडिएक्कं संभोगं विसंभोगं करेमि’ । सा य से पडितप्पेज्जा, एवं से नो कप्पइ पारोक्खं पाडिएक्कं संभोइयं
विसंभोगं करेत्तए; सा ये से नो पडितप्पेज्जा, एवं से कप्पइ पारोक्खं पाडिएक्कं संभोइयं विसंभोगं करेत्तए ।

४. नो कप्पइ निगन्थाणं निगन्थि अप्पणो अट्ठाए पन्वावेत्तए वा मुण्डावेत्तए वा सेहावेत्तए वा
उवट्ठावेत्तए वा संभुञ्जितए संवसितए वा तीसे इत्तरियं दिसं वा अणुदिसं वा उद्दिसि-
१५ त्तए वा धारेत्तए वा । ५. कप्पइ निगन्थाणं निगन्थि अन्नेसिं अट्ठाए पन्वावेत्तए वा....
धारेत्तए वा ।

६. नो कप्पइ निगन्थीणं विइकिट्ठियं दिसं वा अणुदिसं वा उद्दिसित्तए वा धारेत्तए वा ।

७. कप्पइ निगन्थाणं विइकिट्ठियं दिसं वा अणुदिसं वा उद्दिसित्तए वा धारेत्तए वा ।

८. नो कप्पइ निगन्थाणं विइकिट्ठाइं पाहुडाइं विओसवेत्तए । ९. कप्पइ निगन्थीणं
२० विइकिट्ठाइं पाहुडाइं विओसवेत्तए ।

१०. नो कप्पइ निगन्थाणं विइकिट्ठए काले सज्जायं करेत्तए । ११. कप्पइ निगन्थीणं
विइकिट्ठए काले सज्जायं करेत्तए निगन्थ-निस्साए ।

१२. नो कप्पइ निगन्थाण वा निगन्थीण वा असज्जाइए सज्जायं करेत्तए । १३. कप्पइ
निगन्थाण वा निगन्थीण वा सज्जाइए सज्जायं करेत्तए ।

१४. नो कप्पइ निगन्थाण वा निगन्थीण वा अप्पणो असज्जाइए सज्जायं करेत्तए; कप्पइ
२५ ण्हं अन्नमन्नस्स वायणं दलइत्तए ।

१५. तिवासपरियाए समणे निगन्थे तीसंवासपरियाए समणीए निगन्थीए कप्पइ उवज्झायत्ताए
उद्दिसित्तए ।

१६. पञ्चवासपरियाए समणे निगन्थे सट्ठिवासपरियाए समणीए निगन्थीए कप्पइ आयायित्त-
३० वज्झायत्ताए उद्दिसित्तए ।

१७. गामाणुगामं दूइज्जमाणे भिक्खू य आहच्च वसिम्भज्जा, तं च सररीरगं केइ साहम्मिए
पासेज्जा, कप्पइ ‘से तं सररीरगं से न सागारियमिति’ कट्ठु थाण्डिल्ले बहुफासुए पाडिल्लेहिता पमाजित्ता

परिट्टवेत्तए; अत्थि याइं थ केइ साहम्मिय सन्तिए उवगरणजाए परिहरणारिहे, कप्पइ से सागारकडं गहाय दोच्चं पि ओग्गहं अणुन्नवेत्ता परिहारं परिहारेत्तए ।

१८. सारिए उवस्सयं वक्कएणं पउज्जेज्जा, से य वक्कइयं वएज्जा—‘इमहिं य इमहिं य ओवासे समणा निगन्था परिवसन्ति’, से सारिए पारिहारिए; से य नो वएज्जा, वक्कइए वएज्जा, से सारिए पारिहारिए; दो वि ते वएज्जा, दो वि सारिया पारिहारिया । 5

१९. सारिए उवस्सयं विक्किणेज्जा, से य कइयं वएज्जा—‘इमहिं य इमहिं य ओवासे समणा निगन्था परिवसन्ति’, से सारिए पारिहारिए; से य नो वएज्जा, कइए वएज्जा, से सारिए पारिहारिए; दो वि ते वएज्जा, दो वि सारिया पारिहारिया ।

२०. विहवधूया नायकुलवासिणी; सा वि यावि ओग्गहं अणुन्नवेयव्वा । किमङ्ग पुण पिया वा भाया वा पुत्ते वा, से वि यावि ओग्गहे ओगेण्हियव्वे, २१. पहिए वि ओग्गहं अणुन्नवेयव्वे । 10

२२. से रज्जपरियट्ठेसु संथडेसु अव्वोगडेसु अव्वेच्छिन्नेसु अपरपरिग्गहिण्णसु स च्चेव ओग्गहस्स पुव्वाणुन्नवणा चिट्ठइ अहालन्दमवि ओग्गहे ।

२३. से रज्जपरियट्ठेसु असंथडेसु वोगडेसु वोच्छिन्नेसु परपरिग्गहिण्णसु भिक्खुभावस्स अट्ठाए दोच्चं पि ओग्गहे अणुन्नवेयव्वे सिया ।

॥ ववहारस्स सत्तमो उद्देसओ समत्तो ॥

॥ अट्ठमो उद्देसओ ॥

15

१. गाहा उट्ठ पज्जोसविए । ताए गाहाए ताए पएसाए ताए उवासन्तराए जमिणं सेज्जासं-
थारगं लभेज्जा, ‘तमिणं तमिणं ममेव’ सिया । थेरा य से अणुजाणेज्जा, तस्सेव सिया; थेरा य से नो
अणुजाणेज्जा, एवं से कप्पइ आहाराइणियाए सेज्जासंथारगं पडिग्गहेत्तए । २. से य अहालहुसगं से-
ज्जासंथारगं गवेसेज्जा, जं चक्किया एगेणं हत्थेणं ओगिज्झ जाव एगाहं एगाहं अध्दाणं परिवहित्तए, ‘एस
मे वामावासुं भविस्सइ’ । ३. से अहालहुसगं सेज्जासंथारगं गवेसेज्जा, जं चक्किया एगेणं हत्थेणं ओगिज्झ 20
जाव एगाहं वा दुयाहं वा तियाहं वा परिवहित्तए, ‘एस मे हेमन्तगिम्हासु भविस्सइ’ । ४. से अहाल-
हुसगं सेज्जासंथारगं जाएज्जा, जं चक्किया एगेणं हत्थेणं ओगिज्झ जाव एगाहं वा दुयाहं वा तियाहं वा
चउयाहं वा पच्चगाहं वा अट्ठाणं परिवहित्तए, ‘एस मे बुद्धावासासु भविस्सइ’ ।

५. थेराणं थेरभूमिपत्ताणं कप्पइ दंडए वा भंडए वा छत्तए वा मत्तए वा लट्ठिया वा चेले
वा चम्मे वा चम्मपालिच्छेयणए वा अविरहिण्ण ओवासे ठवेत्ता गाहावइकुलं पिण्डवायपडियाए पवि- 25
सित्तए वा निक्खमित्तए वा । कप्पइ ण्हं संनियट्ठचारीणं दोच्चं पि ओग्गहं अणुन्नवेत्ता परिहारित्तए ।

६. नो कप्पइ निगन्थाण वा निगन्थीण वा पाडिहारियं सेज्जासंथारगं दोच्चं पि ओग्गहं अणु-
न्नवेत्ता बहिया नीहरित्तए; कप्पइ अणुन्नवेत्ता ।

७. नो कप्पइ निगन्थाण वा गिग्गन्थीण वा पाडिहारियं सेज्जासंथारगं सव्वप्पणा अप्पिणित्ता
दोच्चं पि ओग्गहं अणुन्नवेत्ता अहिट्ठित्तए; कप्पइ अणुन्नवेत्ता । 30

८-९. नो कप्पइ (जहा ६, ७ सागारियसन्तियं....पाडिहारियं).... कप्पइ अणुन्नवेत्ता ।

१०. नो कप्पइ निग्गन्थाण वा निग्गन्थीण वा पुव्वामेव ओग्गहं ओगिण्हित्ता तओ पच्छा-
अणुन्नवेत्तए । ११. कप्पइ निग्गन्थाण वा निग्गन्थीण वा पुव्वामेव ओग्गहं अणुन्नवेत्ता तओ पच्छा
ओगिण्हित्ताए । अह पुण एवं जाणेज्जा ' इह खलु निग्गन्थाण वा निग्गन्थीण वा नो सुलभे पाडिहा-
५ रिए सेज्जासंथारएत्ति ' कट्ठु एव ण्हं कप्पइ पुव्वामेव ओग्गहं ओगिण्हित्ता तओ पच्छा अणुन्नवेत्तए ।
' मा वहउ अज्जो, वइ अणुलोमेणं अणुलोमेयव्वे,' सिया ।

१२. निग्गन्थस्स णं गाहावइकुलं पिण्डवायपडियाए अणुपविट्ठस्स अहालहुसए उवगरणजाए
परिभट्ठे सिया; तं च केइ साहम्मिए पासेज्जा, कप्पइ से सागारकडं गहाय जत्थेव अन्नमन्नं पासेज्जा
तत्थेव एवं वएज्जा इमे भे अज्जो किं परिन्नाए ? से य वएज्जा ' परिन्नाए ' तस्सेव पडिणिज्जाएयव्वे
१० सिया । से य वएज्जा ' नो परिन्नाए ', तं नो अप्पणा परिभुज्जेज्जा नो अन्नमन्नस्स दावए; एगन्ते बहु
फामुए थाण्डिले परिट्ठवेयव्वे सिया ।

१३. निग्गन्थस्स णं बहिया वियारभूमिं वा विहारभूमिं वा निक्खन्तस्स अहालहुसए.... (जहा
१२).... परिट्ठवेयव्वे सिया ।

१४. निग्गन्थस्स णं गामाणुगामं दूइज्जमाणस्स अन्नयरे उवगरणजाए परिभट्ठे सिया; तं च
१५ केइ साहम्मिए पासेज्जा, कप्पइ से सागारकडं गहाय दूरमेवयद्धाणं परिवाहित्ताए । जत्थेव अन्नमन्नं पासेज्जा,
तत्थेव.... (जहा १२).... परिट्ठवेयव्वे सिया ।

१५. कप्पइ निग्गन्थाण वा निग्गन्थीण वा अइरेगपडिग्गहं अन्नमन्नस्स अट्ठाए धारेत्तए वा परिग्ग-
हित्ताए वा ' सो वा णं धारेस्सइ अहं वा णं धारेस्सामि अन्नो वा णं धारेस्सइ ' । नो से कप्पइ ते अणापुच्छिय
अणामान्तिय अन्नमन्नेसिं दाउं वा अणुप्पयाउं वा; कप्पइ से ते आपुच्छिय आमन्तिय अन्नमन्नेसिं दाउं वा
२० अणुप्पयाउं वा ।

१६. अट्ठ कुक्कुडिअण्डप्पमाणमेत्ते कवले आहारं आहारेमाणे निग्गन्थे अप्पाहारे; बारस
कुक्कुडिअण्डप्पमाण मेत्ते कवले आहारं आहारेमाणे निग्गन्थे अवड्ढोमोयरिया; सोलस....दुभागपत्ते;
चउवीसं....ओमोयरिया; एगतीसं....किंचूणोमोयरिया; बत्तीसं.... पमाणपत्ते । एत्तो एगेण वि कउलेणं
उणगं आहारं आहारेमाणे समणे निग्गन्थे नो पकामभोइ ति वत्तव्वं सिया ।

॥ ववहारस्स अट्ठमो उद्देशो समत्तो ॥

॥ नवमो उद्देशो ॥

२५ १. सारियस्स आएसे अन्तो वगडाए भुज्जइ निट्ठिए निसट्ठे पाडिहारिए; तम्हा दावए, नो से
कप्पइ पडिगाहेत्तए । २. सारियस्स आएसे अन्तो वगडाए भुज्जइ निट्ठिए निसट्ठे अपाडिहारिए; तम्हा
दावए, एवं से कप्पइ पडिगाहेत्तए ।

३. सारियस्स आएसे बाहिं वगडाए भुज्जइ निट्ठिए निसट्ठे पाडिहारिए; तम्हा दावए, नो से
कप्पइ पडिगाहेत्तए । ४. सारियस्स आएसे बाहिं वगडाए निट्ठिए निसट्ठे अपाडिहारिए, तम्हा
३० दावए, एवं से कप्पइ पडिगाहेत्तए ।

५-८. सारियस्स दासे वा वेसे वा भयए वा भइण्णए वा....भुज्जइ....(जहा १,४)....
पडिगाहेत्तए ।

९. सारियनायए सिया सारियस्स एगवगडाए अन्तो एगपयाए सारियं चोवजीवइ, तम्हा दावए, नो से कप्पइ पडिगाहेत्तए । १०. सारियनायए सिया सारियस्स एगवगडाए अन्तो अभिनि-
पयाए सारियं चोवजीवइ, तम्हा दावए, नो से कप्पइ पडिगाहेत्तए । ११. सारियनायए सिया 5
सारियस्स एगवगडाए बाहिं एगपयाए सारियं चोवजीवइ, तम्हा दावए, नो से कप्पइ पडिगाहे-
त्तए । १२. सारियनायए सिया सारियस्स एगवगडाए बाहिं अभिनिपयाए सारियं चोवजीवइ,
तम्हा दावए, नो से कप्पइ पडिगाहेत्तए । १३. सारियनायए सिया सारियस्स अभिनिव्वगडाए
एगदुवाराए एगनिक्खमणपवेसाए अन्तो एगपयाए सारियं चोवजीवइ, तम्हा दावए, नो से कप्पइ
पडिगाहेत्तए । १४. सारियनायए सिया सारियस्स अभिनिव्वगडाए एगदुवाराए एगनिक्खमणपवेसाए 10
अभिनिपयाए सारियं चोवजीवइ, तम्हा दावए, नो से कप्पइ पडिगाहेत्तए । १५. सारि-
यनायए सिया सारियस्स अभिनिव्वगडाए एगदुवाराए एगनिक्खमणपवेसाए बाहिं एगपयाए सारियं
चोवजीवइ, तम्हा दावए, नो से कप्पइ पडिगाहेत्तए । १६. सारियनायए सिया सारियस्स अभिनि-
व्वगडाए एगदुवाराए एगनिक्खमणपवेसाए बाहिं अभिनिपयाए सारियं चोवजीवइ, तम्हा दावए, नो
से कप्पइ पडिगाहेत्तए ।

15

१७. सारियस्स चक्कियासाला साहारणवक्कयपउत्ता, तम्हा दावए, नो से कप्पइ पडि-
गाहेत्तए । १८. सारियस्स चक्कियासाला निस्साहारणवक्कयपउत्ता, तम्हा दावए, एवं से कप्पइ
पडिगाहेत्तए ।

१९-२६. सारियस्स गोलिय-साला,....बोधिय-साला,....दोसिय-साला,....गन्धिय-साला
....(जहा १७,१८)....एवं से कप्पइ पडिगाहेत्तए ।

20

२७. सारियस्स ओसहीओ संथडाओ, तम्हा दावए, नो से कप्पइ पडिगाहेत्तए । २८. सारि-
यस्स ओसहीओ असंथडाओ, तम्हा दावए, एवं से कप्पइ पडिगाहेत्तए ।

२९-३०. सारियस्स अम्बफला....(जहा २७,२८)....एवं से कप्पइ पडिगाहेत्तए ।

३१. सत्तसत्तमिया णं भिक्खुपडिमा एगूणपन्नाए राइंदिएहिं एगेण छन्नउएणं भिक्खा-
सएणं अहासुत्तं अहाकप्पं अहामग्गं अहातच्चं अहासम्मं फासिया पालिया तीरिया किट्टिया 25
अणुपालिया भवइ ।

३२. अट्ठअट्ठमिया णं भिक्खुपडिमा चउसट्ठिए राइंदिएहिं दोहि य अट्ठासीएहिं
भिक्खासएहिं अहासुत्तं....(जहा ३१)....अणु पालिया भवइ ।

३३. नवनंममिया णं भिक्खुपडिमा एगासीए राइंदिएहिं चउहि य पञ्चुत्तरेहिं भिक्खास-
एहिं अहासुत्तं....(जहा ३१)....अणुपालिया भवइ ।

30

३४. दसदसमिया णं भिक्खुपडिमा एगेणं राइंदियसएणं अद्धछट्ठेहिं य भिक्खासएहिं अहासुत्तं
....(जहा ३१)....अणुपालिया भवइ ।

३५. दो पडिमाओ पन्नताओ, तं-जहा खुड्डिया वा मोयपडिमा महल्लिया वा मोयपडिमा । खुड्डियणं मोयपडिमं पडिवन्नस्स अणगारस्स कप्पइ से पढम-निदाहकालसमयंसि वा चरिमनिदाहकालसमयंसि वा बहिया गामस्स वा(जहा १, ३४) रायहाणीए वा वणंसि वा वणदुग्गंसि वा पव्व-यंसि वा पव्वयदुग्गंसि वा । भोच्चा आरुभइ, चोदसमेणं पारेइ; अभोच्चा आरुभइ, सोलसमेणं पारेइ ।
 5 जाए जाए मोए आईयव्वे; दिया आगच्छइ । महल्लियणं मोय पडिमं जाव पव्वयदुग्गंसि । भोच्चा आरुभइ, सोलसमेणं पारेइ; अभोच्चा आरुभइ, अट्ठारसमेणं पारेइ । जाए जाए मोए आईयव्वे; दिया आगच्छइ ।

३६. सागारियनायए सिया सागारियस्स एगवगडाए एगदुवाराए एगनिकस्वमणपवेसाए सागारियस्स एगवयू; सागारियं च उवजीवइ, तम्हा दावए, नो से कप्पइ पडिगाहेत्तए ।
 10 ३७. सागारियनायए सिया सागारियस्स एगवगडाए एगदुवाराए एगनिकस्वमणपवेसाए सागारियस्स अभिनिवयू; सागारियं च उवजीवइ, तम्हा दावए, नो से कप्पइ पडिगाहेत्तए ।
 ३८. सागारियनायए सिया सागारियस्स अभिनिव्वगडाए अभिनिदुवाराए अभिनिकस्वमण-पवेसाए सागारियस्स एगवयू; तम्हा दावए, नो से कप्पइ पडिगाहेत्तए । ३९. सागारियनायए सिया सागारियस्स अभिनिव्वगडाए अभिनिदुवाराए अभिनिकस्वमणपवेसाए
 15 सागारियस्स अभिनिवयू; तम्हा दावए, नो से कप्पइ पडिगाहेत्तए ।

४०. संखादत्तियस्स णं जावइयं केइ अन्तो पडिग्गहंसि उवइत्तु दलएज्जा, तावइयाओ दत्तीओ वत्तव्वं सिया । तत्थ से केइ छप्पएण वा दूसएण वा वालएण वा अन्तो पडिग्गहंसि उवित्ता दलएज्जा, सा वि णं सा एगा दत्ती वत्तव्वं सिया । तत्थ से बहवे भुज्जमाणा सव्वे ते सयं पिण्डं अन्तो पडिग्गहंसि उवित्ता दलएज्जा; सव्वा वि णं सा एगा दत्ती वत्तव्वं सिया ।

20 ४१. पाणिपडिग्गहियस्स णं(जहा ३६, पाणिंसि पडिग्गहंसि)....वत्तव्वं सिया ।

४२. तिविहे उवहडे पन्नत्ते, तंजहा—सुद्धोवहडे फलिओवहडे संसट्ठोवहडे ।

४३. तिविहे ओग्गहिए पन्नत्ते, तंजहा जं च ओगिण्हइ, जं च साहरइ, जं च आसगंसि पक्खिवइ । एगे एवमाहंसु—दुविहे ओग्गहिए पन्नत्ते, तंजहा—जं च ओगिण्हइ, जं च आसगंसि पक्खिवइ ।

॥ ववहारस्स नवमो उद्देशओ समत्तो ॥

१. दो पडिमाओ पन्नताओ, तं जहा—जवमज्झा य चन्दपडिमा वइरमज्झा य चन्दपडिमा । जवमज्झणं चन्दपडिमं पडिवन्नस्स अणगारस्स निच्चं वोसट्ठकाए चियत्तदेहे जे केई परीसहोवसग्गा समुप्पज्जन्ति दिव्वा वा माणुस्सगा वा तिरिक्खजोणिया वा, ते उप्पन्ने सम्मं सहइ खमइ तिइक्खेइ अहि-यासेइ । जवमज्झणं चन्दपडिमं पडिवन्नस्स अणगारस्स सुक्कपक्खस्स से पाडिवए कप्पइ एगा दत्ती
 30 भोयणस्स पडिगाहेत्तए एगा पाणस्स । अन्नायउच्चं सुद्धोवहडं निज्जुहिता बहवे समणमाहणअइहिकिवण-

वणीमगा; कप्पइ से एगस्स भुञ्जमाणस्स पडिगाहेत्तए, नो दोण्हं, नो तिण्हं, नो चउण्हं, नो पच्चण्हं, नो गुव्वीणीए, नो बालवत्थाए, नो दारगं पेज्जमाणीए, नो अन्तो एलुयस्स दो वि पाए साहट्टु दलमाणीए, नो बाहिं एलुयस्स दो वि पाए साहट्टु दलमाणीए, एगं पायं अन्तो किञ्चा एगं पायं बाहिं किञ्चा एलुयं विक्खम्भइत्ता एवं दलयइ, एवं से कप्पइ पडिगाहेत्तए; एवं नो दलयइ, एवं से नो कप्पइ पडिगाहेत्तए । बिइज्जाए से कप्पइ दोणिण दत्तीओ भोयणस्स पडिगाहेत्तए, दोणिण पाणस्स; तइयाए^५ से कप्पइ तिणिण दत्तीओ भोयणस्स पडिगाहेत्तए, तिणिण पाणस्स;....पन्नरसमीए से कप्पइ पन्नरस दत्तीओ भोयणस्स पडिगाहेत्तए, पन्नरस पाणस्स । बहुलपक्खस्स से पाडिवए कप्पन्ति चोइस्स ।

२. पच्चविहे ववहारे पन्नत्ते, तं जहा—आगमे सुए आणा धारणा जीए ।

३. चत्तारि पुरिसज्जाया पन्नत्ता, तं जहा—अट्टकरे नामं एगे, नो माणकरे; माणकरे नामं एगे, नो अट्टकरे; एगे अट्टकरे वि माणकरे वि; एगे नो अट्टकरे नो माणकरे । 10

४. चत्तारि पुरिसज्जाया पन्नत्ता, तं जहा—गणट्ठकरे नामं एगे, नो माणकरे; माणकरे नामं एगे, नो गणट्ठकरे; एगे गणट्ठकरे वि माणकरे वि; एगे नो गणट्ठकरे नो माणकरे ।

५. चत्तारि पुरिसज्जाया पन्नत्ता, तं जहा—गणसंगहकरे नामं एगे, नो माणकरे; माणकरे नामं एगे नो गणसंगहकरे; एगे गणसंगहकरे वि माणकरे वि; एगे नो गणसंगहकरे नो माणकरे ।

६. चत्तारि पुरिसज्जाया पन्नत्ता, तं जहा—गणसोहकरे नामं एगे, नो माणकरे; माणकरे नामं^{१५} एगे, नो गणसोहकरे; एगे गणसोहकरे वि माणकरे वि; एगे नो गणसोहकरे नो माणकरे ।

७. चत्तारि पुरिसज्जाया पन्नत्ता, तं जहा—गणसोहिकरे नामं एगे, नो माणकरे; माणकरे नामं एगे, नो गणसोहिकरे; एगे गणसोहिकरे वि माणकरे वि; एगे नो गणसोहिकरे नो माणकरे ।

८. चत्तारि पुरिसज्जाया पन्नत्ता, तं जहा—रूवं नामेगे जहइ, नो धम्मं; धम्मं नामेगे जहइ, नो रूवं; एगे रूवं पि जहइ धम्मं पि जहइ; एगे नो रूवं जहइ नो धम्मं जहइ ।

९. चत्तारि पुरिसज्जाया पन्नत्ता, तं जहा—धम्मं नामेगे जहइ, नो गणसंठिइं; गणसंठिइं नामेगे^{२०} जहइ, नो धम्मं; एगे गणसंठिइं पि जहइ धम्मं पि जहइ; एगे नो गणसंठिइं जहइ नो धम्मं जहइ ।

१०. चत्तारि पुरिसज्जाया पन्नत्ता, तं जहा—पियधम्मे नामेगे, नो दढधम्मे; दढधम्मे नामेगे, नो पियधम्मे; एगे पियधम्मे वि दढधम्मे वि; एगे नो पियधम्मे नो दढधम्मे ।

११. चत्तारि आयरिया पन्नत्ता, तं जहा—पव्वावणायरिए नामेगे, नो उवट्ठावणायरिए; उवट्ठा-^{२५}वणायरिए नामेगे, नो पव्वावणायरिए; एगे पव्वावणायरिए वि उवट्ठावणायरिए वि; एगे नो पव्वावणायरिए नो उवट्ठावणायरिए, धम्मायरिए ।

१२. चत्तारि आयरिया पन्नत्ता, तं जहा—उद्देसणायरिए नामेगे, नो वायणायरिए; वायणायरिए नामेगे, नो उद्देसणायरिए; एगे उद्देसणायरिए वि वायणायरिए वि; एगे नो उद्देसणायरिए नो वायणायरिए; धम्मायरिए ।

१३. चत्तारि अन्तेवासी पन्नत्ता; तं जहा—उद्देसणन्तेवासी नामेगे, नो वायणन्तेवासी; वायणन्ते-^{३०}वासी नामेगे, नो उद्देसणन्तेवासी; एगे उद्देसणन्तेवासी वि वायणन्तेवासी वि; एगे नो उद्देसणन्तेवासी नो वायणन्तेवासी, धम्मन्तेवासी ।

१४. तओ थेर भूमीओ पत्तताओ, तं जहा—जाइथेरे सुयथेरे पारियायथेरे । सट्टिवासजाए जाइथेरे, समवायङ्गं जाव सुयधारए सुयथेरे, वीसवासपरियाए पारियायथेरे ।

१५. तओ सेहभूमीओ पत्तताओ, तं जहा—सत्तराइंदिया चाउम्मासिया छम्मासिया । छम्मासिया उक्कोसिया, चाउम्मासिया मज्झमिया, सत्तराइणो जहन्निया ।

5 १६. नो कप्पइ निगन्थाण वा निगन्थीण वा खुड्डुगं वा खुड्डियं वा उणट्टवासजायं उवट्ठा-वेत्तए वा संभुज्जित्तए वा । १७. कप्पइ निगन्थाण वा निगन्थीण वा खुड्डुगं वा खुड्डियं वा साइरे-गट्टवासजायं उवट्ठावेत्तए वा संभुज्जित्तए वा ।

१८. नो कप्पइ निगन्थाण वा निगन्थीण वा खुड्डुगस्स वा खुड्डियाए वा अव्वज्जणजायस्स आचारपकप्पे नामं अज्झयणे उद्दिसित्तए । १९. कप्पइ निगन्थाण वा निगन्थीण वा खुड्डुगस्स वा 10 खुड्डियाए वा वज्जणजायस्स आचारपकप्पे नामं अज्झयणे उद्दिसित्तए ।

२०. तिवासपरियायस्स समणस्स निगन्थस्स कप्पइ आचारपकप्पे नामं अज्झयणे उद्दिसि-
त्तए । २१. चउवास परियाए कप्पइ सूयगडे नामं अङ्गे उद्दिसित्तए । २२. पच्चवासपरियाए कप्पइ
दसकप्पववहारे उद्दिसित्तए । २३. अट्ठवासपरियाए कप्पइ ठाणसमवाए उद्दिसित्तए । २४. दसवा-
सपरियाए कप्पइ वियाहे नामं अङ्गे उद्दिसित्तए । २५. एक्कारसवासपरियाए कप्पइ खुड्डिया-
15 विमाणपविभत्ती महल्लियाविमाणपविभत्ती अङ्गचूलिया वग्गचूलिया वियाहचूलिया नामं अज्झयणे
उद्दिसित्तए । २६. बारसवासपरियाए कप्पइ अरुणोववाए गरुलोववाए धरणोववाए वेसमणोववाए
बेलंघरोववाए नामं अज्झयणे उद्दिसित्तए । २७. तेरसवासपरियाए कप्पइ उट्ठाणपरियावणिए समु-
ट्ठाणसुए देविन्दोववाए नागपरियावणिए नामं अज्झयणे उद्दिसित्तए । २८. चोइसवासपरियाए कप्पइ
ट्टिमिणभावणा नामं अज्झयणे उद्दिसित्तए । २९. पन्नरसवासपरियाए कप्पइ चारणभावणा नामं अज्झयणे
20 उद्दिसित्तए । ३०. सोलसवासपरियाए कप्पइ आसीविसभावणा नामं अज्झयणे उद्दिसित्तए । ३१. सत्तरस-
वास परियाए कप्पइ दिट्ठीविसभावणा नामं अज्झयणे उद्दिसित्तए । ३२. एगूणवीसवासपरियाए कप्पइ
दिट्ठिवाए नामं अङ्गे उद्दिसित्तए । ३३. वीसवासपरियाए समणे निगन्थे सन्वसुयाणुवाई भवइ ॥

३४. दसविहे बेयावच्चे पत्तते, तं जहा—आयरियवेयावच्चे उवज्झायवेयावच्चे थेरवेयावच्चे सेहवे-
यावच्चे गिलाणवेयावच्चे तवस्सिवेयावच्चे साहम्मियवेयावच्चे कुलवेयावच्चे गणवेयावच्चे सङ्घवेयावच्चे ।
25 आयरियवेयावच्चं करेमाणे समणे निगन्थे माहानिज्जे महापज्जवसाणे भवइ । एवं जाव सङ्घवे-
यावच्चं करेमाणे समणे निगन्थे माहानिज्जे महापज्जवसाणे भवइ ॥

॥ समत्तं व्यवहारसुत्तं ॥

॥ णमो त्थु णं सज्जनस्स भगवओ महावीरस्स ॥

॥ नि सी ह सु त्तं ॥

॥ पढमो उद्देसओ ॥

१. जे भिक्खू हत्थ-कम्मं करेइ;
जे भिक्खू अङ्गादाणं—
२. कट्ठेण वा कलिञ्चेण वा अङ्गुलियाए वा सलागाए वा संचालेइ;
३. संवाहेज्ज वा पल्लिमहेज्ज वा;
४. तेल्लेण वा घण्णेण वा वसाए वा नवणीएण वा अढ्मंगेज्ज वा मक्खेज्ज वा; 5
५. कक्केण वा लोद्धेण वा पउम-चुण्णेण वा प्हाणेण वा सिणाणेण वा चुण्णेहि वा वण्णेहि
वा उव्वट्ठेइ वा परिवट्ठेइ वा;
६. सीओदग-वियडेण वा उसिणोदग-वियडेण वा उच्छेलेज्ज वा पपोएज्ज वा;
७. निच्छलेइ, ८. जिग्घइ;
९. अन्नयरंसि अचित्तंसि सोयंसि अणुपवेसेत्ता सुक्क-पोणाले निग्घायइ; 10
जे भिक्खू
१०. सचित्त-पइट्ठियं गंधं जिग्घइ;
जे भिक्खू
११. पय-ममंगं वा संकमं वा अवलंबणं वा, १२. दग-वीणियं, १३. सिक्कं वा सिक्क-
गणंतगं वा, १४. सोत्थियं वा रज्जुयं वा चिलिमिणिं वा; 15
१५. सूईए, १६. पिप्पल्लगस्स, १७. नह-च्छेयणगस्स, १८. कण्णसाहेणगस्स उत्तरकरणं
अन्नउत्थिएण वा गारत्थिएण वा करेइ;
जे भिक्खू अणट्ठाए
१९. सूइं, २०. पिप्पल्लगं, २१. नह-च्छेयणगं, २२. कण्ण-साहेणगं जायइ;
जे भिक्खू अविहीए
२३-२६. सूइं....जाव....जायइ;

जे भिक्खू अप्पणो एगस्स अट्ठाए

३७-३०. सूइं.....जाइत्ता अन्नमन्नस्स अणुप्पदेइ;

जे भिक्खू पाडिहारियं

३१. सूइं जाइत्ता 'वत्थं सिन्विस्सामि'ति पायं सिन्वेइ, ३२. पिप्पलंगं जाइत्ता 'वत्थं छिंदि-
स्सामि'ति पायं छिंदइ, ३३. नह-च्छेयणगं जाइत्ता 'नहं छिंदिस्सामि'ति सल्लुद्धरणं करेइ;

३४. कण्ण-सोहणगं जाइत्ता 'कण्ण-मलं नीहरिस्सामि'ति दन्त-मलं वा नह-मलं वा नीहरइ;

जे भिक्खू अविहीए

३५-३८. सूइं.....पच्चप्पिणइ;

जे भिक्खू

१० ३९. लाउ-पायं वा दारु-पायं वा मट्ठिया-पायं वा अन्नउत्थिएण वा गारत्थिएण वा परित्र-
ट्ठावेइ वा संठवेइ वा जमावेइ वा अलमप्पणो करणयाए, 'सुहुमवि नो कप्पइ' जाणमाणे
सरमाणे अन्नमन्नस्स वियरइ;

४०. दण्डयं वा लट्ठियं वा अवलेहाणियं वा वेणु-सूइयं वा अन्नउत्थिएण वा गारत्थिएण वा
परित्रट्ठावेइ वा.....वियरइ;

१५ ४१. पायस्स एक्कं तुण्डियं तड्डेइ;

४२. पायस्स परं तिण्हं तुण्डियाणं तड्डेइ;

४३. पायं अविहीए बंधइ;

४४. पायं एगेणं बंधेणं बंधइ;

४५. पायं परं तिण्हं बंधाणं बंधइ;

२० ४६. अइरेग-बंधण-पायं दिवड्ढाओ मासाओ परेण धरेइ;

४७. वत्थस्स एगं पडियाणियं देइ;

४८. वत्थस्स परं तिण्हं पडियाणियाणं देइ;

४९. अविहीए वत्थं सिन्वेइ;

५०. वत्थस्स एगं फालि-गण्ठियं करेइ;

२५ ५१. वत्थस्स परं तिण्हं फालि-गण्ठियाणं करेइ;

५२. वत्थस्स एगं फालियं गण्ठेइ;

५३. वत्थस्स परं तिण्हं फालियाणं गण्ठेइ;

५४. वत्थं अविहीए गण्ठेइ;

५५. वत्थं अतज्जाएणं गहेइ;

३० ५६. अइरेग-गहियं वत्थं परं दिवड्ढाओ मासाओ धरेइ;

५७. गिह-धूमं अन्नउत्थिएण वा गारत्थिएण वा परिसाढावेइ;

५८. पूइ-कम्मं भुज्जइ; २ तं वा साइज्जइ, तं सेवमाणे आवज्जइ मासियं परिहार-ट्ठाणं अणुग्घाइयं।

॥ बिइओ उद्देसओ ॥

जे भिक्खू दारु दण्डगं पाय-पुञ्छणगं

१. करेइ, २. गिण्हइ, ३. धरेइ, ४. वियरइ, ५. परिभाएइ, ६. परिभुज्जइ,
७. परं दिवड्ढाओ मासाओ धरेइ, ८. विसुयावेइ;

जे भिक्खू

९. आचित्त-पइट्ठियं गंधं जिग्घइ;

१०. पय-मग्गं वा संकमं वा अवलंबणं वा, ११. दग्घीणियं, १२. सिक्कगं वा सिक्कग-
णंतगं वा, १३. सोत्तियं वा रज्जुयं वा;

१४. सूइए, १५. पिप्पलगस्स, १६. नह-च्छेयणगस्स, १७. कण्ण-सोहणगस्स उत्तर-करणं
सयमेव करेइ;

जे भिक्खू लहुसगं

१८. फरुसं वयइ, १९. मुसं वयइ, २०. अदत्तं आइयइ;

जे भिक्खू

२१. लहुसएण्णं सीओदग-वियडेण वा उसिणोदग-वियडेण वा हत्थाणि वा पायाणि वा कण्णाणि
वा अच्छीणि वा दन्ताणि वा नहाणि वा मुहं वा उच्छेलेज्ज वा पधोएज्ज वा;

२२. कसिणाइं चम्माइं, २३. कसिणाइं वत्थाइं, २४. अभिन्नाइं वत्थाइं धरेइ; —

२५. लाउय पायं वा दारु-पायं वा मट्ठिया-पायं वा, २६. दण्डगं वा लट्ठियं वा अवलेहणं वा
वेणु-सूइयं वा सयमेव परिघट्टेइ वा संठवेइ वा जमावेइ वा;

२७. नियग-गवेसियं, २८ पर-गवेसियं, २९. वर-गवेसियं, ३०. बल-गवेसियं, ३१. लव-गवे-
सियं पडिग्गहगं धरेइ;

जे भिक्खू नितियं

३२. अग्ग-पिण्डं, ३३. पिण्डं, ३४. अवड्ढ-भागं, ३५. भागं, ३६. ऊणड्ढ-भागं भुज्जइ,
३७. वासं वसइ;

जे भिक्खू

३८. पुरे-संथवं पच्छा-संथवं वा करेइ;

३९. समेमाणे वा वसमाणे वा गामाणुगामं दूइज्जमाणे पुरे-संथुइयाणि वा पच्छा-संथुइयाणि
वा कुलाइं पुव्वामेव पच्छा वा भिक्खवायरियाए अणुपविसइ;

जे भिक्खू अन्नउत्थिएण वा गारित्थिएण वा परिहारिओ वा अपरिहारिएण सद्धिं;

४०. गाहावइ-कुलं पिण्डवाय-पडियाए अणुपविसइ वा निक्खमइ वा, ४१. बहिया विहार-
भूमिं वा वियार-भूमिं वा निक्खमइ वा पविसइ वा, ४२. गामाणुगामं दूइज्जइ;

जे भिक्खू

४३. अन्नयरं भोयण-जायं पडिग्गाहेत्ता सुब्भिं सुब्भिं भुज्जइ, दुब्भिं दुब्भिं पारिट्ठवेइ;

४४. अन्नयरं पाणग-जायं पडिग्गाहेत्ता पुप्फगं पुप्फगं आइयइ, कसायं कसायं
पारिट्ठवेइ;

૪૫. મણુનં મોયણ-જાયં પડિગ્ગાહેતાં બહુ-પારિયાવન્નં સિયા અદૂરે તત્થ સાહમ્મિયા સંમોદયા સમણુના અપરિહારિયા પરિવસન્તિ, જે અણાપુચ્છિય અનિમેતિય પારિટ્ઠવેહ;
૪૬. સાગારિય-પિણ્ડં ગિણ્હઈ, ૪૭. યુજ્જઈ;
૪૮. સાગારિય-કુલં અજાણિય અપુચ્છિય અગેવસિય પુન્વામેવ પિણ્ડવાય-પડિયાણ અણુપવિસઈ;
૪૯. સાગારિય-નીસાણ અસણં વા પાણં વા સ્વાદમં વા સાદમં વા ઓમાસિય જાયઈ;
૫૦. ઉદુબ્ધિયં સેજ્જા-સંથારગં પરં પજ્જોસવણાઓ, ૫૧. વાસાવાસિયં સેજ્જા-સંથારગં પરં દસરાય-કપ્પાઓ ઉવાણાવેહ;
૫૨. ઉદુબ્ધિયં વા વાસાવાસિયં વા સેજ્જા-સંથારગં ઉવરિ સિજ્જામાણં પેહાણ ન ઓસારેઈ;
૫૩. પાહિહારિયં, ૫૪. સાગારિય-સંતિયં, ૫૫. પાહિહારિયં વા સાગારિય-સંતિયં વા સેજ્જા-સંથારગં [૫૫ દોષ્ઠં પિ] અણુન્નવેક્તાં બાહિં નીણેઈ;
૫૬. પાહિહારિયં સેજ્જા-સંથારગં આયાણ અપહિહટ્ટુ સંપન્વયઈ;
૫૭. સાગારિય-સંતિયં સેજ્જા-સંથારગં આયાણ અવિગરણં કટ્ટુ અણપ્પિણિતા સંપન્વયઈ;
૫૮. પાહિહારિયં વા સાગારિય-સંતિયં વા સેજ્જા-સંથારગં વિપ્પણટ્ઠં ન ગવેસઈ;
૫૯. ઇત્તિરિયં પિ ઉર્વાહિં ન પહિલેહેઈ;
- ૨ તં વા સાદ્દજ્જઈ, તં સેવમાણે આવજ્જઈ માસિયં પરિહાર-ટ્ઠાણં ઉગ્ગાઈયં ।

॥ તહઓ ઉદેસઓ ॥

જે ભિક્ખુ આગંતારેસુ વા આરામાગારેસુ વા ગાહાવડ-કુલેસુ વા પરિયાવસહેસુ વા:

- ૧-૪. અન્નઉત્થિયં વા ગારત્થિયં વા, અન્નઉત્થિયા વા ગારત્થિયા વા, અન્નઉત્થિણિં વા ગારત્થિણિં વા, અન્નઉત્થિણીઓ વા ગારત્થિણીઓ વા અસણં વા પાણં વા સ્વાદમં વા સાદમં વા ઓમાસિય ઓમાસિય જાયઈ;
- ૫-૮. કોઉહલ-પડિયાણ પડિયાગયં સમાણં અન્નઉત્થિયં વા ગારત્થિયં વા....(જહા ૧-૪)....ઓમાસિય ઓમાસિય જાયઈ;
- ૯-૧૨. અન્નઉત્થિણ વા ગારત્થિણ વા, અન્નઉત્થિણિ વા ગારત્થિણિ વા, અન્નઉત્થિયાણ વા ગારત્થિયાણ વા, અન્નઉત્થિણીહિ વા ગારત્થિણીહિ વા, અસણં વા....અપિહંડં, આહટ્ટુ દિજ્જમાણં પડિગ્ગાહેતાં તમેવ અણુવસિય અણુવસિય પરિવેદિય પરિવેદિય પરિજવિય પરિજવિય ઓમાસિય ઓમાસિય જાયઈ;

જે ભિક્ખુ

૧૩. ગાહાવડ-કુલં પિણ્ડવાય-પડિયાણ પવિટ્ઠે પડિયાદક્ખિત્તે સમાણે દોષ્ઠં તમેવ કુલં અણુપવિસઈ;

१४. संखडि-पलोयणाए असणं वा....पडिगाहेइ;

१५. गाहावइ-कुलं पिण्डवाय-पडियाए अणुपविट्ठे समाणे परं ति-वरंतराओ असणं वा....
अभिहडं आहट्ठु दिज्जमाणं पडिगाहेइ;

जे भिक्खू अप्पणो पाए

१६. आमज्जेज्ज वा पमज्जेज्ज वा;

5

१७. संवाहेज्ज वा पलिमहेज्ज वा;

१८. तेहेण वा घएण वा वसाए वा नवणीएण वा मक्खेज्ज वा भिलिङ्गेज्ज वा;

१९. लोद्वेण वा कक्केण वा उल्लोलेज्ज वा उव्वट्टेज्ज वा;

२०. सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा;

२१. फुमेज्ज वा रएज्ज वा;

10

२२-२७. जे भिक्खू अप्पणो कायं....(जहा १६-२१)....

२८-३३. जे भिक्खू अप्पणो कायंसि वणं(जहा १६-२१)....

जे भिक्खू अप्पणो कायंसि गंडं वा पिलगं वा अरइयं वा असियं वा भगंदलं
वा अन्नयरेणं तिकखेणं सत्थ-जाएणं;

३४. अच्छिंदेज्ज वा विच्छिंदेज्ज वा, ३५. अच्छिदिता विच्छिदिता पूयं वा सोणियं वा नीह- 15
रेज्ज वा विसोहेज्ज वा, ३६. अच्छि०....नीहारिता विसोहेता सीओदग-वियडेणं वा उसि-
णोदगवियडेणं वा उच्छोलेज्ज वा पधोएज्ज वा, ३७. अच्छि०....पधोइता अन्नयरेणं आले-
वणं-जाएणं आलिपेज्ज वा विलिपेज्ज वा, ३८. अच्छि०....विलिपिता तेहेण वा घएण वा
वसाए वा नवणीएण वा अठ्ठभङ्गेज्ज वा मक्खेज्ज वा, ३९. अच्छि०....मक्खेता अन्नयरेण
धूवण-जाएण धूवेज्ज वा पधूवेज्ज वा;

20

जे भिक्खू अप्पणो

१०. पालु-किमियं वा कुच्छि-किमियं वा अङ्गुलीए निवेसिय निवेसिय नीहरइ;

४१. दीहाओ नह-सिहाओ, दीहाइं; ४२. जङ्घ, ४३. कक्ख, ४४. मंसु, ४५. वत्थि,

४६. चक्खु-रोमाइं कप्पेज्ज वा संठवेज्ज वा;

४७. दन्ते आघंसेज्ज वा पघंसेज्ज वा, ४८. उच्छोलेज्ज वा पधोएज्ज वा, ४९. फुमेज्ज वा रएज्ज वा; 25

५०-५५. उट्ठे....(जहा १६-२१)....

दीहाइं, ५६. उत्तरोट्ठाइं, ५७. अच्छिपत्ताइं कप्पेज्ज वा संठवेज्ज वा;

५८-६३. अच्छीणि....(जहा १६-२१)....

दीहाइं, ६४. भुमग-रोमाइं, ६५. पास-रोमाइं कप्पेज्ज वा संठवेज्ज वा;

६६. अच्छि-मलं वा कण्ण-मलं वा दन्त-मलं वा नह-मलं वा, ६७. कायाओ सेयं वा 30

जल्लं वा पङ्कं वा मलं वा नीहरेज्ज वा विसोहेज्ज वा;

जे भिक्खू

६८. गामाणुगामं दुइज्जमाणे अप्पणो सीस-दुवारियं करेइ;
 ६९. सण-कप्पासाओ वा उण्ण-क० वा पोण्ड-क० वा अमिल-क० वा वसी-करण-सोत्तियं करेइ;
 ७०. गिहंसि वा गिह-मुहंसि वा गिह-दुवारियंसि वा गिह-पडिदुवारंसि वा गिहेलुयंसि वा
 ५ गिहंगणंसि वा गिह-वच्चंसि वा;
 ७१. मडग-गिहंसि वा मडगच्छारियंसि वा मडग-थूभियांसि वा मडग-आसयांसि वा मडग-
 लेणंसि वा मडग-थण्डिलंसि वा मडग-वच्चंसि वा;
 ७२. इङ्गाल-दाहंसि वा खार-दाहंसि वा गाय-दाहंसि वा तुस-दाहंसि वा ऊस-दाहंसि वा;
 ७३. आययणांसि वा पंकांसि वा पणगांसि वा;
 १० ७४. नवियासु वा गोलेहणियासु नवियासु वा मट्टिया-खाणीसु परिभुज्जमाणियासु वा अप-
 रिभुज्जमाणियासु वा;
 ७५. उंबर-वच्चंसि वा नगोह-वच्चंसि वा आसत्थ-वच्चंसि वा;
 ७६. इक्खु-वणांसि वा सालि-वणांसि वा कुसुम-वणांसि वा कप्पास-वणांसि वा;
 ७७. डाग-वच्चंसि वा साग-वच्चंसि वा मूलय-वच्चंसि वा कोत्थुंबरि-वच्चंसि वा स्सार-
 १५ वच्चंसि वा जीरिय-वच्चंसि वा दमणग-वच्चंसि वा मरुग-वच्चंसि वा;
 ७८. असोग-वणांसि वा सत्तिवण्ण-वणांसि वा चंपग-वणांसि वा चूय-वणांसि वा अन्नयरेसु वा
 तह-प्पगारेसु पत्तोवएसु पुप्फोवएसु फलोवएसु बीओ-वएसु;
 उच्चार-पासवणं परिट्ठवेइ
 ७९. स-पायांसि वा पर-पायांसि वा दीया वा राओ वा वियाले वा उब्बाहिज्जमाणे स-पायं
 २० गहाय पर-पायं वा जाइत्ता उच्चार-पासवणं परिट्ठवेत्ता अणुगाए सूरिए एडेइ;
 २ तं वा साइज्जइ, तं सेवमाणे आवज्जइ मासियं परिहार-ट्ठाणं उग्गाइयं;

॥ चउत्थो उद्देसओ ॥

जे भिक्खू

- १-३. रायं अत्तीकरेइ, अच्चीकरेइ अत्थीकरेइ;
 २५ ४-६. रायारक्खियं, ७-९. नगरारक्खियं, १०-१२, निगमारक्खियं, १३-१५.
 देसारक्खियं, १६-१८. सन्वारक्खियं अत्तीकरेइ, अच्चीकरेइ, अत्थीकरेइ;
 १९. कसिणाओ ओसहीओ आहारेइ;
 २०. आयरिय-अदिन्नं आहारेइ;
 २१. आयरिय-उवज्जाएहिं अविइन्नं विगइं आहारेइ;

२२. ठवण-कुलाइं अजणिय अपुच्छिय अगवेसिय पुन्वामेव पिण्डवाय-पडियाए अणुपविसइ;
 २३. निग्गन्धीणं उवस्सयंसि अविहीए अणुपविसइ;
 २४. निग्गन्धीणं आगमण-पहंसि दण्डगं वा लट्ठियं वा रयहरणं वा मुहपोत्तियं वा अन्नयरं वा उवगरण-जायं ठवेइ;

२५. नवाइं अणुप्पन्नाइं अहिगरणाइं उप्पाएइ;

5

२६. पोराणाइं अहिगरणाइं खामिय-विओसमियाइं पुणो उदीरेइ;

२७. मुहं विप्फालिय विप्फालिय हसइ;

२८-३७. पासत्थस्स, ओसन्नस्स, कुसीलस्स, नितियस्स, संसत्तस्स संन्नाडियं देइ, पडिच्छइ;

३८. उदओल्लेण वा ससिणिद्धेण वा हत्थेण वा दब्बीए वा भायणेण वा असणं वा पाणं वा खाइमं वा साइमं वा पडिग्गाहेइ;

10

३९. ससरक्खेण वा मट्टिया-संसट्ठेण वा ऊसा-सं० वा लोनिय-सं० वा हरियाल-सं० वा मणोसिला-सं० वा वण्णिय-सं० वा गेरुय-सं० वा सेडिय-सं० वा हिङ्गुलग-सं० वा अञ्जण-सं० वा लोद्ध-सं० वा कुक्कुस-सं० वा पिट्ठ-सं० वा कंतव-सं० वा कंदमूल-सं० वा सिङ्गबेर-सं० वा पुप्फग-सं० वा उक्कुड-सं० वा हत्थेण वा....(जहा ३८)....पडिग्गाहेइ;

15

४०-४२. गामारक्खियं, ४३-४५. सीमारक्खियं, ४६-४८. रण्णारक्खियं अत्तीकरेइ, अच्चीकरेइ, अत्थीकरेइ;

४९-१०१. अन्नमन्नस्स पाए....(जहा ३, १६-१८, अन्नमन्नस्स नवरं अप्पणो).... सीस-दुवारियं करेइ;

१०२. साणुप्पाए उच्चार-पासवण-भूमिं न पडिलेहेइ;

20

१०३. तओ उच्चार-पासवण-भूमीओ न पडिलेहेइ;

१०४. खुड्ढागंसि थंण्डिलंसि उच्चार-पासवणं पारिट्ठवेइ;

१०५. उच्चार-पासवणं अविहीए पारिट्ठवेइ;

उच्चार-पासवणं पारिट्ठवेत्ता, १०६. न पुञ्छइ, १०७. कट्ठेण वा कलिञ्चेण वा अङ्गु-

लियाए वा सलागाए वा पुञ्छइ, १०८. नायमइ, १०९. तत्थेव आयमइ, २५

११०. दूरे आयमइ, १११. परं तिहं नावा-पूराणं आयमइ;

२ तं वा साइज्जइ, तं सेवमाणे आवज्जइ मासियं पारिहार-ट्ठाणं उग्वाइयं

११२. अपरिहारिए न परिहारियं वएज्जा, 'एहि अज्जो, तुमं च अहं च एगओ असणं वा पाणं वा खाइमं वा साइमं वा पडिग्गाहेत्ता तओ पच्छा पत्तेयं पत्तयं भोक्खामो वा पाहामो वा' । जो तमेवं वयइ वयंतं वा साइज्जइ तं....जाव....उग्वाइयं;

30

॥ पञ्चमो उद्देशो ॥

जे भिक्खू सचित्त-रुक्ख-मूलंसि ठिच्चा

१. ठाणं वा सेज्जं वा निसीहियं वा चेएइ;

२. आलोएज्ज वा पलोएज्ज वा;

५ ३. असणं वा पाणं वा खाइमं वा साइमं वा आहारेइ;

४. उच्चार-पासवणं परिट्ठवेइ;

सज्जायं ५. करेइ, ६. उद्दिंसइ, ७. समुद्दिंसइ, ८. अणुजाणइ, ९. वाएइ, १०. पडि-
च्छइ, ११. परियट्ठेइ;

जे भिक्खू

१० १२. अप्पणो संघाडिं अन्नउत्थिएण वा गारत्थिएण वा सिन्वावेइ;

१३. अप्पणो संघाडीए दीह-सुत्ताइं करेइ;

१४. पिउमंद-पलासयं वा पडोल-प० वा बिल्ल-प० वा सीओदग-वियडेण वा उसिणोदग-
वियडेण वा संफाणिय संफाणिय आहारेइ;

१५. पाडिहारियं पाय-पुञ्जणयं जाइत्ता 'तामेव रयणिं पच्चप्पिणइस्सामि' ति सुए पच्चप्पिणइ;

१५ १६. पाडिहारियं पाय-पुञ्जणयं जाइत्ता 'तामेव सुए पच्चप्पिणइस्सामि' ति रयणिं पच्चप्पिणइ;

१७-१८. सागारिय-संतिं पाय पुञ्जणयं....(जहा १९-१६)....पच्चप्पिणइ;

१९-२०. पाडिहारियं दण्डयं वा लट्ठियं वा अवलेहणियं वा वेलु-सूइं वा....(जहा
१९-१६)....पच्चप्पिणइ;

२१-२२. सागारिय-संतिं दण्डयं वा लट्ठियं वा अवलेहणियं वा वेलु-सूइं वा
....(जहा १९-१६)....पच्चप्पिणइ;

२० २३. पाडिहारियं वा सागारिय-संतिं वा सेज्जा-संथारगं पच्चप्पिणित्ता दोच्चं पि अणु-
न्नविय अहिट्ठेइ;

२४. सण-कप्पासाओ वा उण्ण-क० वा पोण्ड-क० वा अमिल-क० वा दीह-सुत्ताइं करेइ;

२५-२७. सचित्ताइं, २८-३०. चित्ताइं, ३१-३३. विचित्ताइं दारु-दण्डाणि वा वेलु-
दं० वा वेत्त-दं० वा करेइ, धरेइ, परिमुञ्जइ;

२५ ३४. नवम-निवेसंसि गाम्मंसि वा जाव संनिवेसंसि वा अणुपविसित्ता, ३५. नवग-निवेसंसि
अयागरंसि वा तंवागरंसि वा तउ-आ० वा सीस-आ० हिरण्ण-आ० वा सुवण्ण-
आ० वा रयण्ण-आ० वा वइर-आ० वा अणुप्पविसित्ता असणं वा पाणं वा खाइमं
वा साइमं वा पडिग्गमाहेइ;

३० ३६. मुह-वीणियं, ३७. दन्त-वी०, ३८. उट्ठ-वी०, ३९. नासा-वी०, ४०. कक्ख-वी०,
४१. हत्थ-वी०, ४२. नह-वी०, ४३. पत्त-वी०, ४४. पुप्फ-वी०, ४५. फल-वी०,
४६. बीय-वी०, ४७. हरिय-वी० करेइ;

४८-५९. मुह-वीणियं....जाव....हरिय वी० वाएइ;

६०. उद्देसियं, ६१. स-पाहुडियं, ६२. स-परिकम्मं सेज्जं अणूपविसइ;
 ६३. 'नत्थि संभोग-वत्तिया किरिय'त्ति वयइ;
 ६४. वत्थं वा पडिग्गहं वा कंबलं वा पाय-पुञ्छणं वा, ६५. लाउय-पायं वा दारु-पा० वा
 मट्टिय-पा० वा अलं थिरं धुवं धरणिज्जं पालिच्छिदिय पालिच्छिदिय परिट्ठवेइ;
 ६६. दण्डग वा लाट्ठियं वा अवलहेणियं वा वेलु-सूइं वा पालिभञ्जिय परिट्ठवेइ; 5
 ६७. अइरेग-पमाणं रयहरणं धरेइ;
 ६८. सुहुमाइं रयहरणं-सीसाइं करेइ;
 ६९. रयहरणस्स एककं बंधं देइ;
 ७०. रयहरणस्स परं तिण्हं बंधाणं देइ;
 रयहरणं; ७१. अविहीए बंधइं, ७२. कण्डूसग बंधणे बंधइ, ७३. वोसट्ठं धरेइ, 10
 ७४. अनिसट्ठं धरेइ, ७२. अभिक्खणं अभिक्खणं अहिट्ठइ, ७६. उस्सीस-मूले
 ठावेइ, ७७. तुडेइ;
 २ तं वा साइज्जइ, तं सेवमाणे आवज्जइ मासियं परिहार-ट्ठाणं उग्गाइयं

॥ छट्ठो उद्देसओ ॥

१. जे भिक्खू माउग्गामं मेहुण-वडियाए विनवेइ; 15
 जे भिक्खू माउग्गामस्स मेहुण-वडियाए
 २. हत्थ-कम्मं करेइ, ३-१०. अंगादाणं....(जहा १, २-९)....निग्गाएइ;
 ११. जे भिक्खू माउग्गामं मेहुण-वडियाए सयं कुज्जा सयं बूया;
 जे भिक्खू माउग्गामस्स मेहुण-वडियाए
 १२. कलहं कुज्जा, कलहं बूया, कलह-वडियाए गच्छइ; 20
 १३. लेहं लिहइ, लेहं लिहावेइ, लेह-वडियाए गच्छइ;
 १४. पिट्ठंतं वा पासंतं वा भल्लायएण उप्पाएइ, १५. पिट्ठंतं....भल्लायएण उप्पाएत्ता सीओदग
 वियडेण वा उसिणोदग-वियडेण वा उच्छोलेज्ज वा पधोएज्ज वा, १६. पिट्ठंतं....
 पधोएत्ता अन्नयरेणं आलेवण-जाएणं आलिपेज्ज वा विलिपेज्ज वा, १७. पिट्ठंतं....
 विलिपित्ता तेहेण वा घएण वा वसाए वा नवणीएण वा अब्भंजेज्ज वा मक्खेज्ज वा, 25
 १८. पिट्ठंतं....मक्खेत्ता अन्नयरेण धूवण-जाएण धूवेज्ज वा पधूवेज्ज वा;
 १९. कासिणाइं, २०. अहयाइं, २१. धोव-रत्ताइं, २२. चित्ताइं, २३. विचित्ताइं वत्थाइं धरेइ;
 २४-७६. अप्पणो पाए....(जहा ३, १६-६८)....सीस-दुवारियं करेइ;
 ७७. रवीरं वा दहिं वा नवणीयं वा गुलं वा खण्डं वा सक्करं वा मच्छाण्डियं वा अन्नयरं वा
 पणीयं वा आहारं आहारेइ; 30
 २ तं वा साइज्जइ, तं सेवमाणे आवज्जइ चाउम्मासियं परिहार-ट्ठाणं अणुग्गाइयं;

॥ સત્તમો ઉદ્દેસઓ ॥

જે મિક્સૂ માઝગામસ્સ મેહુણ-પાડિયાણ

૧-૩. તળ-માલિયં વા મુઝ-મા૦ વા મેળ-મા૦ વા મયણ-મા૦ વા પિંછ-મા૦ વા દન્ત-મા૦ વા સિંગ-મા૦ વા સંઘ-મા૦ વા હઙ્ગ-મા૦ વા કટ્ઠ-મા૦ વા પત્ત-મા૦ વા પુપ્ફ-મા૦ વા ફલ-મા૦ વા વીય-મા૦ વા હરિય-મા૦ વા કરેઈ, ધરેઈ પિંણ્ડદ્દઈ;

૪-૬. અય-લોહાણિ વા તંબ-લો૦ વા તણ-લો૦ વા સિંસ-લો૦ વા રુપ્પ-લો૦ વા સુવણ્ણ-લો૦ વા કરેઈ, ધરેઈ, પરિમુજ્જઈ;

૭-૯. હારાણિ વા અદ્ધ-હારાણિ વા ઇગાવલિં વા મુત્તાવલિં વા કળગાવલિં વા રયણાવલિં વા કહ્મણિ વા તુહિયાણિ વા કેઝરાણિ વા કુંડલાણિ વા પટ્ટાણિ વા મણ્ડાણિ વા પલંબ-સુત્તાણિ વા સુવણ્ણ-સુ૦ વા કરેઈ, ધરેઈ, પરિમુજ્જઈ;

૧૦-૧૨. આઈણાણિ વા આઈણ-પાવરાણિ વા કંબલાણિ વા કંબલ-પા૦ વા કોયરાણિ વા કોયર-પા૦ વા કાલ-મિયાણિ વા નીલ-મિ૦ વા સામાણિ વા મિહા-સા૦ વા ઉટ્ટાણિ વા ઉટ્ટ-લેસ્સાણિ વા વગ્ગાણિ વા વિવગ્ગાણિ વા પરવઙ્ગાણિ વા સહિણાણિ વા સહિણ-કહ્મણિ વા સોમાણિ વા દુગુહાણિ વા પળલાણિ વા આવરન્તાણિ વા ચીણાણિ વા અંસુયાણિ વા કળગ-કન્તાણિ વા કળગ-સ્વાંસિયાણિ વા કળગ-ચિત્તાણિ વા કળગ-વિચિ-ત્તાણિ વા આમરણ-વિચિત્તાણિ વા કરેઈ, ધરેઈ, પરિમુજ્જઈ;

જે મિક્સૂ માઝગામં મેહુણ-પાડિયાણ

૧૩. અક્કંસિ વા ઉક્કંસિ વા ઉયરંસિ વા થળંસિ વા ગહાય સં ચાલેઈ;

જે મિક્સૂ માઝગામસ્સ મેહુણ-પાડિયાણ

૧૪-૬૬. અન્નમન્નસ્સ પાણ....(જહા ૩, ૧૬-૬૮, અન્નમન્નસ્સ નવરં અપ્પણો)....સિંસિ દુવારિયં કરેઈ;

જે મિક્સૂ માઝગામસ્સ મેહુણ-પાડિયાણ

૬૭-૭૧. અળંતર-હિયાણ, સસાળિંદ્ધાણ સસરક્ષાણ, મટ્ટિયાકહ્મણ, ચિત્તમન્તાણ પુઢવીણ,

૭૨-૭૩. ચિત્તમન્તાણ સિલાણ, લેલૂણ, ૭૪. કોલાવાસંસિ વા દારુણ-જીવ-પટ્ટિટ્ટણ સ-અન્હે સ-પાળે સ-વીણ સ-હરિણ સ-ઓસ્સે સ-ઉદ્દણ સ-ઉત્તિહ્મ-પળગ-દગમટ્ટિય-મક્કહ્મ-સંતાળગંસિ, ૭૫. આગન્તારેસુ વા આરામાગારેસુ વા ગાહાવઙ્ગ-કુલેસુ વા પરિયાવસહેસુ વા;

નિસીયાવેજ્જ વા તુયટ્ટાવેજ્જ વા

૭૬. આગન્તારેસુ વા....પરિયાવસહેસુ વા નિસીયાવેજ્જા વા તુયટ્ટાવેજ્જા વા અસળં વા પાળં વા હાઈમં વા સાઈમં વા અણુગ્ધાસેજ્જ વા અણુપાણ્ણ વા;

૭૭-૭૮. અકંસિ વા પલિયંકાસિ વા....(જહા ૭૬-૭૬)....;

જે મિક્સૂ માઝગામસ્સ મેહુણ-પાડિયાણ

७९. तेइच्छं आउट्टइ;

८०. अमणुआइं पोमालाईं नीहरइ;

८१. मणुआइं पोमालाईं उवकिरइ;

जे भिक्खू माउग्गामस्स मेहुण-पडियाए अन्नयरं पसु-जाणं वा पक्खि-जायं वा;

८२. पार्यांसि वा पक्खांसि वा पुच्छांसि वा गहाय संचालेइ;

5

८३. सोयांसि कट्टं वा कलिच्चं वा अङ्गुलियं वा सलगं वा अणुप्पवेसेता संचालेइ;

८४. 'अयं थी' ति कट्टु आलिङ्गेज्ज वा परिस्सएज्ज वा परिचुन्नेज्ज वा;

जे भिक्खू माउग्गामस्स मेहुण-पडियाए

८५-८६. असणं वा पाणं वा खाइमं वा साइमं वा;

८७. वत्थं वा पडिमाहं वा कंबल वा पाय-पुच्छणं वा देइ, ८८. पडिच्छइ;

10

जे भिक्खू माउग्गामं मेहुण-पडियाए

८९. वाएइ, ९०. पडिच्छइ;

जे भिक्खू माउग्गामस्स मेहुण-पडियाए

९१. अन्नयेणं इंदिएणं आगारं करेइ;

२ तं वा साइज्जइ, तं सेवमाणे आवज्जइ चाउम्मासियं पारिहार-ट्ठाणं अणुग्वाइयं ।

15

॥ अट्ठमो उद्देसओ ॥

जे भिक्खू

१. आगन्तारेसु वा आरामागारेसु वा गाहावइ-कुलेसु वा परियावसहेसु वा;

२. उज्जाणंसि वा उज्जाण-गिहंसि वा उ०-सालंसि वा निज्जाणंसि वा निज्जाण-गिहंसि वा नि०-सालंसि वा;

20

३. अट्ठांसि वा अट्ठालयंसि वा चरियांसि वा पागारंसि वा दारंसि वा गोपुरंसि वा;

४. दगंसि वा दग-ममांसि वा द०-पहांसि वा द०-तीरांसि वा द०-ट्ठाणंसि वा;

५. सुन्न-गिहंसि वा सु०-सालंसि वा भिन्न-गि० वा भि०-सा० वा कूडामारंसि वा कोट्टागारंसि वा;

६. तण-गिहंसि वा त०-सालंसि वा तुस-गि० वा तु०-सा० वा छुस-गि० वा छु०-सा० वा; 25

७. जाण-सालंसि वा जा०-गिहंसि वा जुम-सा० वा जु०-गि० वा;

८. पणिय-सालंसि वा प०-गि० वा परिया-सा० वा प०-गि० वा कुविय-सा० वा कु०-गि० वा;

९. गोण-सालंसि वा गो०-गिहंसि वा महा-कुलंसि वा म०-गिहंसि वा एगो इत्थिए सद्धि

विहारं वा करेइ सज्जायं वा करेइ, असणं वा पाणं वा खाइमं वा साइमं वा आहारेइ,

उच्चारं वा पासवणं वा परिट्ठवेइ अन्नयरं वा अणारियं निट्ठुरं अस्समण-पाओमां

30

कहं कहेइ;

१०. राओ वा वियाले वा इत्थी-मज्झगए इ०-संसत्ते इ०- पारिवुडे अपरिमाणाए कंहं कहेइ;
 ११. स-गणिच्चियाए वा पर-गणिच्चियाए वा निगन्थीए सद्धि गामाणुगामं दूइज्जमाणे पुरओ-
 गच्छमाणे पिट्ठाओ रीयमाणे ओहय-मण-संकप्पे चिन्ता-सोय-सागर-संपविट्ठे करतल
 पल्हत्थमुहे अट्टज्जाणोवगए विहारं वा करेइ....(जहा १-९)....कंहं कहेइ;
 ५ १२. नायगं वा अनायगं वा उवासयं वा अणुवासयं वा अन्तो उवस्सयस्स अद्धं वा राइं
 कसिणं वा राइं संवसावेइ, तं न पडियाइक्खइ, तं पडुच्च निक्खमइ वा पविसइ वा;
 जे भिक्खू रत्तो खत्तियाणं मुदियाणं मुद्धाभिसित्ताणं;
 १३. समय-महेसु वा पिण्ड-म० वा, १४. उत्तर-सालंसि वा उ०-गिहंसि वा रीयमाणानं;
 १५. हयसाल-गयाण वा गयसा०-ग० वा मंतसा०-ग० वा गुज्जसा०-ग० वा रहस्ससा०-ग०
 १० वा मेहुणसा०-ग० वा;
 असणं वा पाणं वा खाइमं वा साइमं वा पडिग्गाहेइ;
 १६. संनिहि-संनिचयाओ खीरं वा दहिं वा नवणीयं वा सप्पिं वा गुलं वा खण्डं वा सक्करं
 वा मच्छण्डियं वा अन्नयरं वा भोयण-जायं पडिग्गाहेइ;
 १७. उस्सट्ठ-पिण्डं वा संसट्ठ-पि० वा अनाह-पि० वा किविण-पि० वा वणीमग-पि०
 १५ वा पडिग्गाहेइ;
 २ तं वा साइज्जइ, तं सेवमाणे आवज्जइ चाउम्मासियं परिहार-ट्ठाणं अणुग्गाइयं ।

॥ नवमो उद्देसओ ॥

जे भिक्खू

१. राय-पिण्डं गेण्हइ, २. भुज्जइ;
 २० ३. रायन्तेपुरं पविसइ;
 ४. रायन्तेपुरियं वएज्जा ‘आउसो रायन्तेपुरिए, नो खलु अम्हं कप्पइ रायन्तेपुरं निक्ख-
 मित्तए वा पविसित्तए वा; इमम्हं तुमं पडिग्गाहणं गहाय रायन्तेपुराओ असणं वा पाणं
 वा खाइमं वा साइमं वा अभिहणं आहट्ठु दलयाहि’—जो तं एवं वयइ;

जे नो भिक्खू वएज्जा

५. रायन्तेपुरिया वएज्जा ‘आउसन्तो समणा, नो खलु तुज्झं कप्पइ रायन्तेपुरं निक्खमि-
 २५ त्तए वा पविसित्तए वा; आहरेयं पडिग्गाहणं जाए अहं रायन्तेपुराओ असणं वा पाणं
 वा खाइमं वा साइमं वा अभिहणं आहट्ठु दलयामि’—जो तं पडिसुणेइ;

जे भिक्खू रत्तो खत्तियाणं मुदियाणं मुद्धाभिसित्ताणं

- ६, दुवारिय-भत्तं वा पसु-भ० वा भयग-भ० वा बल-भ० वा कय-भ० वा हय-भ०
 ३० वा रय-भ० वा कन्तार-भ० वा दुब्भिक्ख-भ० वा दमग-भ० वा गिलाण-भ० वा
 वदलिया-भ० वा पाहुण-भ० वा पडिग्गाहेइ;
 २ तं वा साइज्जइ

जे भिक्खू

७. इमाइं छद्दोसाययणाइं अजाणिय अपुच्छिय अगवेसिय परं चउराय-पञ्चरायाओ गह-
वइ-कुलं पिण्डवाय-पडियाए निक्खमइ वा पविसइ वा निक्खमन्तं वा पविसन्तं वा साइ-
ज्जइ, तं-जहा कोट्ठागार-सालाणि वा भण्डागार-सा० वा पाण-सा० वा खीर-सा० वा
वा गज्ज-सा० वा महाणस-सा० वा,

5

जे भिक्खू

८. अइगच्छमाणाण वा निगच्छमाणाण वा,
९. इत्थीओ सव्वालंकार-विभूसियाओ,
पायं अवि चक्खुदंसणपडियाए अभिसंधारेइ;
१०. मंस-खायाणां वा मच्छ-खा० वा छवि खा० बहिया निग्गयाणं असणं वा पाणं वा खाइमं 10
वा साइमं वा पडिग्गहेइ;
११. अन्नयरं उववूहणीयं समीहिंयं पेहाए तीसे परिसाए अणुट्ठियाए अंभिन्नाए अक्को-
च्छिन्नाए जो तं अन्नं पडिग्गहेइ पडिग्गहेन्तं वा साइज्जइ; अह पुण एवं जाणेज्जा
'इहज्ज राया खत्तिए परिवुसिए,' जे भिक्खू ताए गिहाए ताए पएसाए ताए उवास-
न्तराए विहारं वा करेइ....(जहा ८, १-९)....कहं कहेइ;

15

जे भिक्खू

१२. बहिया-जत्ता-संठियाणं, १३. बहिया-जत्ता-पडिणियत्ताणं, १४. नइ-जत्ता-पट्ठियाणं,
१५. नइ-जत्ता-पडिणियत्ताणं, १६. गिरि-जत्ता-पट्ठियाणं, १७. गिरि-जत्ता-पडिणि-
यत्ताणं असणं वा पाणं वा खाइमं वा साइमं वा पडिग्गहेइ;
१८. महाभिसेयांसि वट्ठमाणांसि निक्खमइ वा पविसइ वा,

20

२ तं वा साइज्जइ;

जे भिक्खू

१९. इमाओ दस आभिसेक्काओ रायहाणिओ उद्दिट्ठाओ गणियाओ वज्जियाओ अन्तो
मासस्स दुक्खुत्तो वा तिक्खुत्तो वा निक्खमइ वा पविसइ वा निक्खमन्तं वा पविसन्तं वा
साइज्जइ, तं-जहा-चम्पा महुरा बाणारसी सावत्थी साएयं कंपिल्लं कोसंबी मिहिल्ला 25
हत्थिणपुरं रायगिहं ।

जे भिक्खू रत्तो खत्तियाणं मुंदियाणं मुद्धाभिसित्ताणं असणं वा पाणं वा खाइमं वा

साइमं वा परस्स नीहडं पडिग्गहेइ पडिग्गहेन्तं वा साइज्जइ, तं-जहा—

२०. खत्तियाण वा राईण वा कुराइण वा राय-संसियाण वा राय-पेसियाण वा,
२१. नडाण वा नट्ठाण वा कच्छुयाण वा जल्लाण वा मल्लाण वा मुट्ठियाण वा वेल्म्वगाण 30
वा कहगाण वा पवगाण वा लासगाण वा दोखल्याण वा छत्ताणुयाण वा,

२२. आस-पोसयाण वा हत्थि पो० वा महिस-पो० वा वसह-पो० वा सीह-पो० वा बन्ध-पो० वा अय-पो० वा पोष-पो० वा मिग-पो० वा सुणह-पो० वा सूयर-पो० वा मेण्ड-पो० वा कुक्कुड-पो० वा तित्तिर-पो० वा वट्ठय-पो० वा लावय-पो० वा चीरल्ल-पो० वा हंस-पो० वा मयूर-पो० वा सुय-पो० वा,
 २३. आस-दमगाण वा हत्थि-द० वा, २४. आ०-मिंठाण वा ह०-मि० वा, २५. आ०-रोहाण वा ह०-रो० वा,
 २६. सत्थवाहाण वा संवाहावयाण वा अब्भंगावयाण वा उव्वट्ठावयाण वा मज्जावयाण वा मण्डावयाण वा छत्त-ग्गहाण वा चमर-ग्ग० वा हडप्प ग्ग० वा परियट्ठ-ग्ग० वा दीविय-ग्ग० वा असि-ग्ग० वा धणु-ग्ग० वा सत्ति-ग्ग० कोन्त-ग्ग० वा,
 २७. वरिसधराण वा कळ्ळुइज्जाण वा दोवारियाण वा,
 २८. खुज्जाण वा चिलाइयाण वा वामणीण वा वडभीण वा बब्बरीण वा पउसीण वा जोणि-याण वा परुह्वियाण वा इसिणीण वा थारुगिणीण वा लउसीण वा लासीण वा सिंहलीण वा आलवीण वा पुलिन्दीण वा सबरीण वा परिसिणीण वा,
 तं सेवमाणे आवज्जइ चाउम्मासियं परिहार-ट्ठाणं अणुग्गाइयं ।

15

॥ दसमो उद्देसओ ॥

ने भिक्खु मदन्तं

१. आगाढं, २. फरुसं, ३. आगाढं फरुसं वयइ;
 ४. अन्नयरीए अच्चासायणाए अच्चासाएइ;

ने भिक्खु

20

५. अणन्तकाय-संजुत्तं आहारं आहारेइ;
 ६. आहाकम्मं भुञ्जइ;
 ७. पडुप्पन्नं, ८. अणागयं निमित्तं वागरेइ;
 ९. सेहं विप्परिणामेइ, १०. अवहरइ;
 ११. दिसं विप्परिणामेइ, १२. अवहरइ;

25

१३. बहियावासियं आएसं परं ति-रायाओ अविफालेत्ता संबसावेइ;
 १४. साहिगरणं अविओसविय-पाहुडं अकड-पायच्छित्तं परं ति-रायाओ विफालिय अवि-फालिय संभुञ्जइ;
 १५. उग्गाइयं अणुग्गाइयं, १६. अणुग्गाइयं उग्गाइयं वयइ;
 १७. उग्गाइयं अणुग्गाइयं, १८. अणुग्गाइए उग्गाइयं देइ;

जे भिक्खू

१९. उग्घाइयं, २०. उग्घाइय-हेउं, २१. उग्घा०-संकप्पं; २२. उग्घाइयं वा उग्घाइय-हेउं वा उग्घा०-संकप्पं वा;

२३-२६. अणुग्घाइयं....अणुग्घा०-संकप्पं वा;

२७. उग्घाइयं वा अणुग्घाइयं वा, २८. उग्घाइय-हेउं वा अणुग्घाइय-हेउं वा, २९ 5 उग्घा०-संकप्पं वा अणुग्घा०-सं० वा ३०. उग्घाइयं वा अणुग्घाइयं वा उग्घाइय-हेउं वा अणुग्घाइय-हेउं वा उग्घा०-सं० वा अणुग्घा०-सं० वा;

सोच्चा नच्चा संभुज्जइ;

जे भिक्खू उग्घा-वित्तीए अणत्थमिय-संकप्पे

३१. संथडिए निव्विइगिच्छा-समावन्नेण अप्पाणेणं, ३२. सं०-विइगिच्छा-स० अ०, 10

३३. असंथडिए निव्विइगिच्छा-स० अ०, ३४. असं०-विइगिच्छा-स० अ०;

असणं वा पाणं वा खाइमं वा साइमं वा पडिग्गाहेत्ता संभुज्जइ संभुज्जन्तं वा साइज्जइ; अह पुण एवं जाणेज्जा 'अणुग्घाए सूरिए' 'अत्थमिए' वा, से जं च मुहे जं च पाणि-सि जं च पडिग्गाहे तं विगिच्चिय विसोहिय तं परिट्ठवेमाणे नाइक्कमइ; जो तं भुज्जइ भुज्जन्तं वा साइज्जइ;

15

जे भिक्खू

३५. राओ वा वियाले वा स-पाणं स-भोयणं उग्घालं उग्घालिप्पा पच्चोगिलइ;

जे भिक्खू गिलाणं सोच्चा

३६. न गवेसइ, ३७. उम्ममं वा पडिपहं वा गच्छइ;

जे भिक्खू

३८. गिलाण-वेयावच्चे अब्भुट्ठियस्स सएण लाभेण असंथरमाणस्स जो तस्स न पडित्तप्पइ;

३९. गि०-वे० अब्भुट्ठियं गिलाण-पाओग्गे दव्व-जाए अलभमाणे जो तं न पडियाइक्खेइ;

४०. पढम-पाउसंसि गामाणुगामं दूइज्जइ;

४१. वासावासं पज्जोसवियंसि दूइज्जइ;

४२. अपज्जोसवणाए पज्जोसवेइ;

४३. पज्जोसवणाए न पज्जोसवेइ;

४४. पज्जोसवणाए गो-लोमाइं पि वालाइं उवाइणावेइ;

४५. पज्जोसवणाए इत्तिरियं पि आहारं आहारेइ;

४६. अन्नउत्थियं वा गारत्थियं वा पज्जोसवेइ;

४७. पढम-समोसरणुद्देस-पत्ताइं चीवराइं पडिग्गाहेइ;

२ तं वा साइज्जइ, तं सेवमाणे आवज्जइ चाउम्मासियं परिहारट्ठाणं अणुग्घाइयं । 30

॥ एगारसमो उद्देसओ ॥

जे भिक्षु

- १ अय-पायाणि वा तंब-पा० वा तउय-पा० वा कंस-पा० वा रूप-पा० वा सुवण्ण-पा० वा जायरूव-पा० वा मणि-पा० वा कणम-पा० वा दन्त-पा० वा सिंग-पा० वा चम्म-पा० वा चेल-पा० वा संख-पा० वा वइर-पा० वा करेइ, २. धरेइ, ३. परिभुज्जइ;
- ५ ४-६. अय-बंधणाणि वा....(जहा १-३)....परिभुज्जइ;
७. परं अद्धजोयण-मेराओ पय-पाडियाए गच्छइ;
८. परं अद्धजोयण-मेराओ स-पच्चवायंसि पायं अभिहडं आहट्टु देज्जमाणं पडिग्गाहेइ;
९. धम्मस्स अवण्णं, १०. अधम्मस्स वण्णं वयइ;
- १० ११-६३. अन्नउत्थियस्स वा गारत्थियस्स वा पाए....(जहा ३, १६-६८; अन्नउत्थियस्स वा गारत्थियस्स वा नवरं अप्पणो)....सीस-दुवारियं करेइ;
६४. अप्पाणं, ६५. परं बीभावेइ;
६६. अप्पाणं, ६७. परं विम्हावेइ;
६८. अप्पाणं, ६९. परं विप्परियासेइ;
- १५ ७०. मुह-वण्णं करेइ;
७१. वेरज्ज-विरुद्ध-रज्जंसि सज्जं गमणं सज्जं आगमणं सज्जं गमणागमणं करेइ;
७२. दिया-भोयणस्स अवण्णं, ७३. राइ-भोयणस्स वण्णं वयइ;
७४. दिया असणं वा पाणं वा खाइमं वा साइमं वा पडिग्गाहेत्ता दिया भुज्जइ,
७५. दिया....प० रत्तिं भु०, ७६. रत्तिं....प० दिया भु०, ७७. रत्तिं....प० रत्तिं भु०;
- २० ७८. असणं वा पाणं वा खाइमं वा साइमं वा अणागादे परिवासेइ;
७९. परिवासियस्स असणस्स वा पाणस्स वा खाइमस्स वा साइमस्स वा तय-प्पमाणं वा भूइ-प्प० वा बिन्दु-प्प० वा आहारं आहारेइ;
८०. मंसाईयं वा मच्छाईयं वा मंस-खलं वा मच्छ-खलं वा आहेणं वा पहेणं वा सम्मेलं वा हिंगोलं वा अन्नयरं वा तह-प्पगारं विरूव-रूवं हीरमाणं पेहाए ताए आसाए ताए पिवासाए तं रयणिं अन्नत्थ उवाइणावेइ;
- २५ ८१. निवेयण-पिण्डं भुज्जइ;
८२. अहा-छन्दं पसंसइ, ८३. वन्दइ;
८४. नायगं वा अनायगं वा उवासगं वा अणुवासगं वा अणलं पत्वावेइ, ८५. उवट्ठावेइ;
- ३० ८६. नायएण वा अनायएण वा उवासएण वा अणुवासएण वा अणलेण वेयावच्चं कारावेइ;
८७. सचेले सचेलगाणं, ८८. अचेले-स०, ८९. सचेले अचेलगाणं, ९०. अचेले अ० मज्जे संवसइ;

९१. पारियासियं पिप्पलिं वा पिप्पलि-चुण्णं वा सिंगबेरं वा सिंगबेर-चुण्णं वा बिलं वा लोणं उज्जियं वा लोणं आहारेइ;
९२. गिरि-पडणाणि वा मरु-प० वा भिमु-प० वा तरु-प० वा गिरि-पक्खण्डणाणि वा मरु-प० वा तरु-प० जल-पवेसाणि वा जलण-प० वा जल-पक्खण्डणाणि वा जलण-प० वा विस-भक्खणाणि वा सत्थोवाडणाणि वा वेहाणसाणि वा गिद्ध-पट्ठाणि वा वलय-मरणाणि 5 वा अन्नयराणि वा तह-प्पगाराणि बालमरणाणि पसंसइ;
- २ तं वा साइज्जइ, तं सेवमाणे आवज्जइ चाउम्मासियं परिहार-ट्ठाणं अणुघाइयं ।

॥ बारसमो उद्देसओ ॥

जे भिक्खू

१. कोलुण-पडियाए अन्नयरिं तसपाण-जाइं तण-पासएण वा मुञ्ज-पा० वा कट्ट-पा० वा चम्प- 10 पा० वा वेत्त-पा० वा रज्जु-पा० वा सुत्त-पा० वा बंधइ; २. बद्धेच्छं वा मुयइ;
३. अभिक्खणं अभिक्खणं पच्चक्खणं भञ्जइ;
४. पारित्ताय-संजुत्तं आहारेइ;
५. स-लोमाइं चम्माइं धरेइ;
६. तण-पीढां वा पलाल-पी० वा छगण-पी० वा कट्ट-पी० वा पर-वत्थेणोच्छन्नं अहिट्ठेइ; 15
७. निमन्थीए संघाडिं अन्नउत्थिएण वा गारत्थिएण वा सिन्वावेइ;
८. पुढवि-कायस्स वा आउ-का० वा अगणि-का० वा वाउ-का० वा वणप्फइ-का० वा कळ मायं अवि समारभइ;
९. सचित्त-रुक्खं दुरुहइ;
१०. गिहि-मत्ते भुज्जइ, ११. गि०-वत्थं परिहेइ, १२. गि०-मिसेज्जं वाहेइ, १३. गि० 20 तिगिच्छं करेइ;
१४. पुरे-कडेण, १५. सीओदग-परिभोएण हत्थेण वा मत्तेण वा दब्बिएण वा भायणेण वा असणं वा पाणं वा खाइमं वा साइमं वा पाडिमाहेइ;
१६. कट्ठ-कम्माणि वा चित्त-क० वा पोत्थ-क० वा दन्त-क० वा मणि-क० वा सेल-क० वा गन्धिमाणि वा वेदिमाणि वा पूरिमाणि वा संघाइमाणि वा पत्त-च्छेज्जाणि वा 25 वाहीणि वा वेहिमाणि वा,
१७. वप्पाणि वा फलिहाणि वा उप्फलाणि वा पल्ललाणि वा उज्झराणि वा निज्झराणि वा वाक्कीणि वा पोक्खराणि वा दीहिियाणि वा सराणि वा सर-फत्तियाणि वा सरस्सर-प० वा;
१८. कच्छमाणि वा गहणाणि वा नूमाणि वा वणाणि वा वण-विदुग्गाणि वा पव्वयाणि वा पव्वय-वि० वा, 30
१९. गामाणि वा नगराणि वा खेडाणि वा कव्वडाणि वा मडम्बाणि वा दोणमुहाणि वा पट्टणाणि वा आगाराणि वा सम्बाहाणि वा संनिवेसाणि वा,

२०. गाम-महाणि वा....संनिवेस-म०वा, २१. गा०-वहाणि वा....सं०-व०वा, २२. गा०-पहाणि वा....सं०-प०वा,
२३. आस-करणाणि वा हत्थि-क०वा उट्ट-क०वा गोण-क०वा महिस-क०वा सूयर-क०वा;
२४. आस-जुद्धाणि वा हात्थि-जु० वा उट्ट-जु० वा गोण-जु०वा महिस-जु० वा,
२५. उज्जूहिय-ट्ठाणाणि वा हयजूहिय-ट्ठा० वा गयजूहिय-ट्ठा० वा,
२६. अभिसेय-ट्ठाणाणि वा अक्खाइय-ट्ठा० वा माणुम्माणिय-ट्ठा० वा महया हय-नट्ट-गीय-वाइय-तन्ती-तल-ताल-तुडिय-पडुप्पवाइय-ट्ठा० वा,
२७. डिम्माणि वा डमराणि वा खाराणि वा वेराणि वा महा-जुद्धाणि वा महा-संगामाणि वा कलहाणि वा बोलाणि वा,
२८. विरुव-रूवेसु महुस्सवेसु इत्थीणि वा पुरिसाणि वा थेराणि वा मज्झिमाणि वा डहराणि वा अणलंकियाणि वा सुअलंकियाणि वा गायन्ताणि वा वायन्ताणि वा नच्चन्ताणि वा हसन्ताणि वा रमन्ताणि वा मोहन्ताणि वा विउलं असणं वा पाणं वा खाइमं वा साइमं वा परिभायन्ताणि वा परिभुज्जन्ताणि वा,
- चक्खुदंसण-पडियाए अभिसंधारेइ;
२९. इह-लोइएसु वा रूवेसु पर-लोइएसु वा रू० दिट्ठेसु वा रू० अदिट्ठेसु वा रू० सुएसु वा रू० असुएसु वा रू० विन्नाएसु वा रू० अविन्नाएसु वा रू० सज्जइ रज्जइ गिज्जइ अज्झोववज्जइ;
३०. पढमाए पोरिसीए असणं वा पाणं वा खाइमं वा साइमं वा पडिग्गाहेत्ता पच्छिमं पोरिसिं उवाइणावेइ;
३१. परं अद्धजोयण-मेराओ असणं वा पाणं वा खाइमं वा साइमं वा उवाइणावेइ;
३२. दिया गोमयं पडिग्गाहेत्ता दिया कायंसि वणं आलिम्पेज्ज वा विलिम्पेज्ज वा, ३३. दिया गो० प० रत्तिं....व० वि०, ३४. रत्तिं गो०प०दियाव०वि०, ३५. रत्तिं गो० प० रत्तिं....व० वि०;
- ३६-३९. दिया आलेवण-जायं....(जहा ३२-३९)....रत्तिं....व० वि०;
४०. अन्नउत्थिएण वा गारत्थिएण वा उवहिं वहावेइ;
४१. तं-नीसाए असणं वा पाणं वा खाइमं वा साइमं वा देइ;
- २ तं वा साइज्जइ;

जे भिक्खू

४२. पश्चिमाओ महण्णवाओ महा-नईओ उद्दिट्ठाओ गणियाओ वज्जियाओ अन्तो मासस्स दुक्खुत्तो वा तिक्खुत्तो वा उत्तरइ वा संतरइ वा उत्तरन्तं वा संतरन्तं वा साइज्जइ, तं जहा-गंगा जउणा सरउ एरावई मही;
- तं सेवमाणे आवज्जइ चाउम्मासियं परिहारट्ठाणं उग्वाइयं ।

॥ तेरसधो उदेसओ ॥

जे भिक्खू

१-८. अनन्तर-हियाए पुढवाए....(जहा ७, ६७-७४)....संताणगंसि,

९. थूणंसि वा गिहेलुयंसि वा उसुयालंसि वा झाम-वलंसि वा, १०. कुलियंसि वा भित्तिसि
वा सिलंसि वा लेलुंसि वा अन्तलिकव-जायंसि वा, ११. संधंसि वा फलहंसि वा मच्चंसि 5
वा मण्डवंसि वा मालंसि वा पासायंसि वा ' दुब्बद्धे दुण्णिखित्ते अनिकम्पे चलाचले '

ठाणं वा सेज्जं वा निसीहियं वा चेएइ;

जे भिक्खू अन्नउत्थियं वा गारत्थियं वा

१२. सिप्पं वा सिलोगं वा अट्ठापयं वा कक्कडगं वा सिकखावेइ;

१३-१६. आगाढं....(जहा १०, १-४)....अप्पासाएइ;

10

जे भिक्खू अन्नउत्थियाण वा गारत्थियाण वा

१७. कोउग-कम्मं, १८. भूइ-कम्मं, १९. पसिणं, २०. पसिणा-पसिणं, २१. तीयं
निमित्तं, २२. लक्खणं, २३. मुमिणं करेइ;

२४. विज्जं, २५. मन्तं, २६. जोगं पउज्जइ;

२७. नट्ठाणं मूढाणं विप्परियासियाणं मगं वा पवेएइ, संधिं वा प०-मग्गेण वा संधिं प० 15
संधीओ वा मगं प०;

२८. धाउं, २९. निहिं पवेएइ;

जे भिक्खू

३०. मत्तए, ३१. अद्दाए, ३२. असीए, ३३. मणिए, ३४. उट्ठापाणै, ३५. तेहे,
३६. फाणिए, ३७. वसाए अप्पाणं देहइ;

20

३८. वमणं, ३९. विरेयणं, ४०. वमण-विरेयणं, ४१. अरोगिय-पडिकम्मं करेइ;

४२. पासत्थं, ४३. ओसन्नं, ४४. कुसीलं, ४५. नितियं, ४६. संसत्तं, ४७. काहियं,
४८. पासाणियं, ४९. मामगं, ५०. संपसारगं वंदइ;

५१-५९. पासत्थं....(जाव)....संपसारगं पसंसइ;

६०. धाइ-पिण्डं, ६१. दूइ-पि०, ६२. निमित्त-पि०, ६३. आजीविय-पि०, ६४. वणी-25
मग-पि०, ६५. तिगिच्छा-पि०, ६६. कोह-पि०, ६७. माण-पि०, ६८. माया-
पि०, ६९. लोभ-पि०, ७०. विज्जा-पि०, ७१. मन्त-पि०, ७२. जोग-पि०,
७३. चुण्णय-पि०, ७४. अन्तद्धाण-पि० भुज्जइ;

२ तं वा साइज्जइ, तं सेवमाणे आवज्जइ चाउम्मासियं परिहार-ट्ठाणं उग्गाहयं ।

॥ ચોદસમો ઉદેસઓ ॥

જે ભિક્ષૂ પઢિગહં

૧. કિણ્ણ, કિણાવેદ, કીયં,
૨. પામિચ્છેદ, પામિચ્છાવેદ, પામિચ્ચં,
૩. પરિયટ્ટેદ, પરિયટ્ટાવેદ, પરિયટ્ટિયં,
૪. અચ્છેજ્જ અનિસિટ્ઠં અમિહં,

આહટ્ટુ દેજ્જમાણં પઢિગાહેદ;

જે ભિક્ષૂ અરેગ-પઢિગહં

૫. ગણિં ઉદ્ધસિય ગં સમુદ્ધસિય તં ગણિં અણાપુચ્છિય અણામન્તિય અન્નમન્નસસ વિયરદ;
૬. સુહુગસસ વા સુહુડિયાણ વા થેરગસસ વા થેરિયાણ વા અ-હત્થચ્છિન્નસસ અ-પાયાચ્છિન્નસસ અ-નાસચ્છિન્નસસ અ-કણ્ણચ્છિન્નસસ અણોટ્ટચ્છિન્નસસ સવ્વકસસ દેદ;
૭. સુહુગસસ વા....થેરિયાણ વા હત્થ-ચ્છિન્નસસ....ઓટ્ટચ્છિન્નસસ અસવ્વકસસ ન દેદ;

જે ભિક્ષૂ પઢિગહં

૮. અણલં અથિરં અધુવં અધારણિજ્જં ધરેદ;
૯. અલં થિરં ધુવં ધારણિજ્જં ન ધરેદ;

જે ભિક્ષૂ

૧૦. વણ્ણમન્તં પઢિગહં વિવણ્ણં કરેદ;
૧૧. વિવણ્ણં પઢિગહં વણ્ણમન્તં કરેદ;

જે ભિક્ષૂ 'નો નવણ મે પઢિગહે લદ્ધે' તિ કટ્ટુ

૧૨. તેલ્લેણ વા ઘણ્ણ વા નવણીણ વા વસાણ વા મક્કવેજ્જ વા મિલ્લિગેજ્જ વા;
૧૩. લોદ્ધેણ વા કક્કેણ વા ત્તુણેણ વા વણ્ણેણ વા ઉલ્લોલેજ્જ વા ઉન્વલેજ્જ વા;
૧૪. સીઓદગ-વિયડેણ વા ઉસિણોદગ-વિયડેણ વા ઉચ્છોલેજ્જ વા પધોણ્ણ વા;
- ૧૫-૧૭. બહુ-દેવસિણ તેલ્લેણ વા....(જહા ૧૨-૧૪ નવરં બહુ-દેવસિણ)....પધોણ્ણ વા;

જે ભિક્ષૂ 'દુઘ્મિગન્ધે મે પઢિગહે લદ્ધે' તિ કટ્ટુ

- ૧૮-૨૩. તેલ્લેણ વા....(જહા ૧૨-૧૭)....પધોણ્ણ વા;

જે ભિક્ષૂ

- ૨૪-૩૪. અણન્તર-હિયાણ પુઢવીણ....(જહા ૧૩, ૧-૧૧)....ચલાચલે,

પઢિગહં આયાવેજ્જ વા પાયાવેજ્જ વા

જે ભિક્ષૂ પઢિગહગાઓ

૩૫. પુઢવિ-કાયં, ૩૬. આઝ-કાયં, ૩૭. તેઝ-કાયં, ૩૮. કંદાણિ વા મૂલાણિ વા પત્તાણિ વા પુપ્પાણિ વા ફલાણિ વા, ૩૯. ઓસહિ-બીયાદં, ૪૦. તસપાણ-જાયં નીહરદ નીહરાવેદ નીહરિયં આહટ્ટુ દેજ્જમાણં પઢિગાહેદ;

जे भिक्खू

४१. पडिग्गहं कोरेइ कोरवेइ कोरियं आहट्टु देज्जमाणं पडिग्गाहेइ;

जे भिक्खू नायगं वा अनायगं वा उवासगं वा अणुवासगं वा

४२. गामन्तरंसि वा गामपहन्तरंसि वा,

४३. परिसा-मज्झाओ उवट्ठवेत्ता,

पडिग्गहं ओभासिय ओभासिय जायइ;

5

जे भिक्खू पडिग्गहं नीसाए

४४. उड्डुबद्धं, ४५. वासावासं वसइ;

२ तं वा साइज्जइ, तं सेवमाणे आवज्जइ चाउम्मासियं परिहार-ट्ठाणं उग्घाइयं।

॥ पनरसमो उद्देसओ ॥

10

जे भिक्खू भिक्खूणं

१-४. आगाढं....(जहा १०, १-४)....अच्चासएइ;

जे भिक्खू

५. सचित्तं अम्बं भुज्जइ, ६. विडसइ;

७. सचित्तं अम्ब-पेसिं वा अ०-भित्तं वा अ०-सालगं वा अ०-डालगं वा अ०-चोयगं वा 15
भुज्जइ, ८. विडसइ;

९-१२. सचित्त-पइट्ठियं अम्बं भुज्जइ....(जहा ९-८)....विडसइ;

जे भिक्खू अन्नउत्थिएण वा गारत्थिएण वा

१३-६५. अप्पणो पाए आमज्जावेज्ज वा....(जहा ३, १६-६८ नवरं आमज्ज)....
सीस-दुवारियं कारवेइ;

20

जे भिक्खू

६६-७४. आगन्तारेसु वा....(जहा ८, १ ९)....महा-गिहंसि वा उच्चार-पासवणं
परिट्ठवेइ;

जे भिक्खू अन्नउत्थियस्स वा गारत्थियस्स वा

७५. असणं वा पाणं वा खाइमं वा साइमं वा देइ; ७६. पडिच्छइ;

25

७७. वत्थं वा पडिग्गहं वा कंबलं वा पाय-पुञ्जणं वा देइ; ७८. पडिच्छइ;

जे भिक्खू

७९-८२. पासत्थस्स, ८३-८६. ओसन्नस्स, ८७-९०. कुसीलस्स, ९१-९४. नितियस्स,

९५-९८. संसत्तस्स....(जहा ७९-७८)पडिच्छइ;

२ तं वा साइज्जइ;

30

જે મિક્ત્રૂ

૧૧. જાયણા-વત્થં વા નિમન્તણાવં વા અજાણિય અપુચ્છિય અગેવેસિય પડિગ્ગાહેઇ પડિમા-
હેન્તં વા સાહજ્જઇ, સે ય વત્થે ચઉણ્હં અન્નયરે સિયા, તં જહા-નિચ્ચ-નિયંસાણિય મજ્જ-
ણિય છણુ સવિણ રાય-દુવારિય,

5 જે મિક્ત્રૂ વિભૂસા-પડિયાય,

૧૦૦-૧૫૨. અપ્પણો પાણ....(જહા ૩, ૧૬-૧૮)....સીસ-દુવારિયં કરેઇ;

૫૩. વત્થં વા પડિગ્ગહં વા કમ્બલં વા પાય-પુચ્છણં વા અન્નયરં વા ઉવગરણ-જાયં ધરેઇ,

૫૪. ધોવઇ;

૨ તં વા સાહજ્જઇ, તં સેવમાણે આવજ્જઇ ચાઉમ્માસિયં પરિહાર-ટ્ઠાણં ઉગ્ગાઇયં।

10

॥ સોલસમો ઉદેસઓ ॥

જે મિક્ત્રૂ

૧. સાગારિય સેજ્જં, ૨. સ-ઉદગ-સે, ૩. સાગણિય-સે, અણુપવિસઇ;

૪. સચિત્તં ઉચ્છં મુજ્જઇ, ૫. વિહસઇ;

૬. સચિત્તં અન્તરુચ્છયં વા ઉચ્છ-સ્વણિયં વા ઉ-ચોયગં વા ઉ-મેરગં વા ઉ-

15

સાલગં વા ઉ-ડાલગં વા મુજ્જઇ, ૭. વિહસઇ;

૮-૧૧. સચિત્ત-પટ્ટિઠયં ઉચ્છં....(જહા ૪-૭)....વિહસઇ;

૧૨. આરણ્ણગાણં વળંવયાણં અડવી-જત્તા-સંપટ્ટિઠયાણં અસણં વા પાણં વા સ્વાઇમં વા સાઇમં
વા પડિગ્ગાહેઇ;

૧૩. વુસરાઇયં અવુસરાઇયં, ૧૪. અવુસં વુસં વયઇ;

20

૧૫. વુસરાઇયાઓ ગણાઓ અવુસરાઇયં ગણં સંકમઇ;

જે મિક્ત્રૂ વુગ્ગહ-વકન્તાણં

૧૬. અસણં વા પાણં વા સ્વાઇમં વા સાઇમં વા દેઇ, ૧૭. પડિચ્છઇ;

૧૮. વત્થં વા પડિગ્ગહં વા કમ્બલં વા પાય-પુચ્છણં વા દેઇ, ૧૯. પડિચ્છઇ;

૨૦. વસહિં દેઇ, ૨૧. પડિચ્છઇ, ૨૨. અણુપવિસઇ;

25

૨૩. સંજ્ઞાયં દેઇ, ૨૪. પડિચ્છઇ;

જે મિક્ત્રૂ

૨૫. વેહં અણેગાહ-ગમણિજ્જં, ૨૬. વિરુવ-રુવાઇં દસુગાયયણાઇં અણારિયાઇં મિલક્તૂઇં પન્ન-

ન્તિયાઇં સતિ લાટે વિહારાણ સંથરમાણેસુ જળવણસુ વિહાર-પડિયાણ અભિસં-રેઇ;

જે મિક્ત્રૂ દુગુચ્છિય-કુલેસુ

30

૨૭. અસણં વા પાણં વા સ્વાઇમં વા સાઇમં વા, ૨૮. વત્થં વા પડિગ્ગહં વા કમ્બલં વા પાય,
પુચ્છણં વા, ૨૯. વસહિં પડિગ્ગાહેઇ;

૩૦. સજ્ઞાયં ઉદ્દિસડ, ૩૧. વાણ, ૩૨. પાડિચ્છડ;

જે બિક્ષુ અસળં વા પાળં વા સ્વાઇમં વા સાઇમં વા

૩૩. પુઢવીણ, ૩૪. સંધારણ ૩૫. વેહાસે નિક્કિલવડ;

જે બિક્ષુ

૩૬. અન્નઉત્થીહિં વા ગારત્થીહિં વા સદ્ધિં ભુજ્જડ; ૩૭. આવેદિય-પારિવેદિયે ભુજ્જડ; 5

૩૮. આયરિય-ઉવજ્ઞાયાણં સેજ્જ-સંધારણં પાણં સંઘટેત્તા હત્થેણ અણ્ણુત્તવેસા ધારય-
માણે ગચ્છડ;

૩૯. પમાણાદરિત્તં વા ગણણાદરિત્તં વા ઉવહિં ધરેડ;

૪૦-૫૦. અનન્તર-હિયાણ પુઢવીણ....(જહા ૧૩, ૧-૧૧)....ચક્કાવલે ઉચ્ચાર-
પાસવળં પારિટ્ઠવેડ;

10

૨ તં વા સાઇજ્જડ, તં સેવમણે આવજ્જડ જાઉમ્માસિયં પારિહાર-ટઠાણં ઉગ્ધાઇયં ।

॥ સત્તરસમો ઉદ્દેસઓ ॥

જે બિક્ષુ કોઝહલ્લ-પાડિયાણ

૧. અન્નચરં તસપાણ-જાયં તણ-પાસણ વા....(જહા ૧૨-૧)....બંધડ, ૨. વદ્દેહણં વા મુયડ;

૩-૫. તણ-માલિયં વા....(જહા ૭, ૧-૩)....પિણ્ણડ; 15

૬-૮. અય-લોહાણિ વા....(જહા ૭, ૪-૬)....પારિભુજ્જડ;

૯-૧૧. હારાણિ વા....(જહા ૭, ૭-૯)....પારિભુજ્જડ;

૧૨-૧૪. આઈણાણિ વા....(જહા ૭, ૧૦-૧૨)....પારિભુજ્જડ;

જા નિમાન્યી

૧૫-૬૭. નિમાન્યસ્સ પાણ અન્નઉત્થિયણ વા ગારત્થિયણ વા આમજ્ઞાવેજ્જ વા....(જહા ૩, ૨૦

૧૬-૬૮ નવરં આમજ્ઞાવેજ્જ)....સીસ-દુવારિયં કારવેડ;

જે નિમાન્યે

૬૮-૧૨૦. નિમાન્યીણ પ્પણ અન્નઉત્થિણીણ વા ગારત્થિણીણ વા....(જહા ૧૫-૬૭)....

સીસ-દુવારિયં કારવેડ;

જે નિમાન્યે

25

૧૨૧. નિમાન્યસ્સ સરિસગસ્સ સન્તે ઓવાસે સન્તે ઓવાસે ન દેડ;

જા નિમાન્યી

૧૨૨. નિમાન્યીણ સરિસિયાણ સન્તે ઓવાસે સન્તે ઓવાસે ન દેડ;

जे भिक्षू

१२३. मालोहडं, १२४. कोट्टाउत्तं असणं वा पाणं वा खाइमं वा साइमं वा उक्कुज्जिय
निककुज्जिय, १२५. मट्ठिओलित्तं असणं वा....उब्भिमदिय निब्भिमदिय देज्जमाणं
पडिग्गाहेइ;

5 जे भिक्षू असणं वा पाणं वा खाइमं वा साइमं वा

१२६. पुदवि-पइट्ठियं, १२७. आउ-प०, १२८. तेउ-प०, १२९. वणस्सइ-काय-प०
पडिग्गाहेइ;

जे भिक्षू

10

१३०. अच्चुसिणं असणं वा पाणं वा खाइमं वा साइमं वा सुप्पेण वा विहुणेण वा तालियण्णेण
वा पत्तेण वा पत्त-भङ्गेण वा साहाए वा साहा-भङ्गेण वा पेहूणेण वा पेहूण-हत्थेण वा
चेलेण वा चेल-कण्णेण वा हत्थेण वा मुहेण वा फुमिता वीइत्ता आहड्ड देज्जमाणं पडिग्गाहेइ;

२३१. असणं वा पाणं वा खाइमं वा साइमं वा उसिणुसिणं पडिग्गाहेइ;

१३२. उस्सेयणं वा संसेयणं वा चाउलोदगं वा वारोदगं वा तिलोदगं वा तुसोदगं जवोदगं वा
वा आयामं वा सोवीरं वा अम्ब-कज्जियं वा सुद्ध-वियडं वा अहुणा-धोयं अणंबिलं अप-
रिणयं अवक्कन्त-जीवं अविद्धत्थं पडिग्गाहेइ;

15

१३३. अप्पणो आयरियत्ताए लक्खणाइं वागरेइ;

१३४. गाएज्ज वा वाएज्ज वा नच्चेज्ज वा अभिणवेज्ज वा हय-होसियं हत्थि-गुलगुलाइयं उक्कु-
ट्ठ-सीह-नायं वा करेइ;

20

१३५. भेरी-सद्दाणि वा पडह-स० वा मुरव-स० वा मुइंग-स० वा नंदि-स०
वा झल्लरि-स० वा वल्लरि-स० वा डमरुग-स० वा मड्डय-स० वा सदुय-स० वा
पएस-स० वा गोलुइ-स० वा अन्नयराणि वा तह-प्पगाराणि वितयाणि सद्दाणि,

१३६. वीणा-सद्दाणि वा विवाञ्चि-स० वा तुण-स० वा वव्वीसग-स० वा वीणाइय-स० वा
तुंबवीणा-स० वा झोडय-स० वा दंकुण-स० वा अन्नयराणि वा तह-प्पगाराणि
तयाणि सद्दाणि,

25

१३७. ताल-सद्दाणि वा लित्थिय-स० वा गोहिय-स० वा मकारिय-स० वा कच्छभि-स० वा
महइ-स० सणालिया-स० वालिया-स० वा अन्नयराणि वा तह-प्पगाराणि वा झुसिराणि,

१३८. संख-सद्दाणि वा वंस-स० वा वेणु-स० वा खरमुहिं-स० वा परिलिस-स० वा वेवा-स०
वा अन्नयराणि वा तह-प्पगाराणि झुसिराणि,

कण्णसोय-पडियाए अभिसंधारेइ;

30

१३९-१५१. वप्पाणि वा....(जहा १२, १७-२९ नवरं चक्खु-दंसण)....अज्झोववज्जइ;

२ तं वा साइज्जइ, तं सेवमाणे आवज्जइ चाउम्मासियं परिहार-ट्ठाणं उग्गाइयं ।

॥ अट्ठारसमो उदेसओ ॥

जे भिक्खू

१. अणट्ठाए नावं दुरुहइ;

जे भिक्खू नावं

२-५. किणइ....(जहा १४, १-४)....आहट्ठु देज्जमाणं दुरुहइ;

5

जे भिक्खू

६. थलाओ नावं जलं ओकसावेइ;

७. जलाओ नावं थलं उक्कसावेइ;

८. पुण्णं नावं उस्सिच्चइ;

९. सन्नं नावं उप्पिलावेइ;

10

१०. पडिणावियं कट्ठु नावाए दुरुहइ;

११. उड्ढ-गामिणिं वा नावं अहो-गा० वा नावं दुरुहइ;

१२. जोयण-वेला-गामिणिं वा अद्धजोयण-वे०-गा० वा नावं दु०;

१३. नावं आकसावेइ ओकसावेइ खेवावेइ रज्जुणा वा कट्ठइ;

१४. नावं आलित्तएण वा पप्फिडएण वा वंसेण वा वलेण वा वाहेइ;

15

१५. नावाओ उदगं भायणेण वा पडिग्गहणेण वा मत्तेण वा नावा-उस्सिच्चणेण वा उस्सिच्चइ;

१६. नावं उत्तिगेण उदगं आसवमाणं उवरुवरि कज्जलमाणं पलाय हत्थेण वा पाएण वा आसत्थ-पत्तेण वा कुस-प० वा मट्ठियाए वा वेलु-कज्जेण वा पडिपेहेइ;

जे भिक्खू नावाओ

१७. नावा-गयस्सं, १८. जल-ग०, १९. पंक-ग०, २०. थल-ग० असणं वा पाणं वा 20

खाइमं वा साइमं वा पडिग्गाहेइ;

जे भिक्खू वत्थं

२१-६४. किणइ....(जहा १४, १-४९ नवरं ४१ वत्थ पडिग्गहणं)....वसइ;

२ तं वा साइज्जइ, तं सेवमाणे आवज्जइ चाउम्मासियं परिहार-ट्ठाणं उग्गाइयं ।

॥ एगूणवीसइमो उदेसओ ॥

25

जे भिक्खू वियडं

१-४. किणइ....(जहा १४, १-४)....आहट्ठु देज्जमाणं पडिग्गाहेइ;

जे भिक्खू

५. गिलाणस्स'ट्ठाए परं तिण्हं वियड-दत्तीणं पडिग्गाहेइ;

६. वियडं गहाय गामाणुगामं दूइज्जइ;

30

७. वियडं गालेइ गालावेइ गालियं आहट्ठु देज्जमाणं पडिग्गाहेइ,

२ तं वा साइज्जइ;

जे भिक्खू

८. चउहिं संझाएहिं सज्झायं करेइ करेन्तं वा साइज्जइ, तं जहा-पुन्वाए संझाए पच्छिमाए संझाए अवरणहे अड्ढ-रत्ते;

९. कालिय-सुयस्स परं तिण्हं पुच्छाणं पुच्छइ;

5 १०. दिट्ठिवायस्स परं सत्तण्हं पुच्छाणं पुच्छइ,
२ तं साइज्जइ;

जे भिक्खू

११. चउसु महा-महेसु सज्झायं करेइ करेन्तं वा साइज्जइ, तं जहा-इन्द-महे खंद-महे जक्ख-महे भूय-महे;

10 १२. चउसु महा-पाडिवएसु सज्झायं करेइ करेन्तं वा साइज्जइ, तं जहा-सुगिम्हया-पाडिवए आसादी-पा० भद्दवय-पा० कत्तिव-पा०;

जे भिक्खू

१३. पोरिसिं सज्झायं उवाइणावेइ;

१४. चउ-कालं सज्झायं न करेइ;

15 १५. असज्झाइए सज्झायं करेइ;

१६. अप्पणो असज्झाइयंसि सज्झायं करेइ;

१७. हेड्डिळाइं समोसरणाइं अवाएत्ता उवरिळाइं स० वाएइ;

१८. नव बंभचेराइं अवाएत्ता उवरिम-सुयं वाएइ;

१९. अवत्तं वाएइ, २०. वत्तं न वाएइ;

20 २१. अपत्तं वाएइ, २२. पत्तं न वाएइ;

२३. दोण्हं सरिसगाणं एक्कं संचिक्खावेइ एक्कं न संचिक्खावेइ, एक्कं वाएइ एक्कं न वाएइ;

२४. आयरिय-उबज्झाएहिं अविदिन्नं गिरं आइयइ;

२५. अन्नउत्थियं वा गारत्थियं वा वाएइ, २६. पडिच्छइ;

25 २७-२८. पासत्थं, २९-३०. ओसन्नं, ३१-३२. कुसीलं, ३३-३४. नितियं,
३५-३६. संसत्तं वाएइ, पडिच्छइ;

२ तं वा साइज्जइ, तं सेवमाणे आवज्जइ चाउम्मासियं परिहार-ट्ठाणं उग्गाइयं ।

॥ वीसइमो उद्देसओ ॥

१—२० = जहा ववहारसुखे— १, १—२०

२१. छम्मासियं परिहार-ट्ठाणं पट्ठविए अणगारे अन्तरा दोमासियं परिहार-ट्ठाणं पडिसेविता आलोएज्जा, अहावरा वीसइराइया आरोवणा आइ-मज्झावसाणे । स-अट्ठं स-हेउं स-कारणं अहीणमइरित्तं तेण परं स-वीसइराया दो मासा ।

२२-२६. पञ्चमासियं....चाउम्मासियं....तेमासियं....दोमासियं....मासियं परिहार-ट्ठाणं पट्ठविण् अणगारे....(जहा २१)....स-वीसइराया दो मासा ।

२७. स-वीसइरायं दो मासियं परिहार-ट्ठाणं पट्ठविण् अणगारे....(जहा २१)....तेण परं स-दसराया तिणिण मासा । २८. स-दसराय-तेमासियं परिहार-ट्ठाणं पट्ठविण् अणगारे....(जहा २१)....तेण परं चत्तारि मासा । २९. चाउम्मासियं परिहार-ट्ठाणं पट्ठविण् अणगारे....(जहा २१)....तेण परं स-वीसइराया चत्तारि मासा । ३०. स-वीसइराय-चाउम्मासियं परिहार-ट्ठाणं पट्ठविण् अणगारे....(जहा २१)....तेण परं स-दसराया पञ्च मासा । ३१. स-दसराय-पञ्चमासियं परिहार-ट्ठाणं पट्ठविण् अणगारे....(जहा २१)....तेण परं छम्मासा ।

३२. छम्मासियं परिहार-ट्ठाणं पट्ठविण् अणगारे अन्तरा मासियं परिहार-ट्ठाणं पडिसेवित्ता¹⁰ आलोएज्जा, अहावरा पक्खिया आरोवणा आइ-मज्झावसाणे । स-अट्ठं स-हेउं स-कारणं अहीणमइरित्तं तेण परं दिवड्ढो मासो ।

३३-३७. पञ्चमासियं....चाउम्मासियं....तेमासियं....दोमासियं....मासियं....परिहार-ट्ठाणं पट्ठविण् अणगारे....(जहा ३२)....दिवड्ढो मासो ।

३८. दिवड्ढ-मासियं परिहार-ट्ठाणं पट्ठविण् अणगारे....(जहा ३२)....दो मासा ।¹⁵ ३९. दोमासियं परिहार-ट्ठाणं पट्ठविण् अणगारे....(जहा ३२)....अड्ढाइज्जा मासा । ४०. अड्ढाइज्ज-मासियं परिहार-ट्ठाणं पट्ठविण् अणगारे....(जहा ३२)....तिणिण मासा । ४१. तेमासियं परिहार-ट्ठाणं पट्ठविण् अणगारे....(जहा ३२)....अधुट्ठा मासा । ४२. अधुट्ठ-मासियं परिहार-ट्ठाणं पट्ठविण् अणगारे....(जहा ३२)....चत्तारि मासा । ४३. चाउम्मासियं परिहार-ट्ठाणं पट्ठविण् अणगारे....(जहा ३२)....अड्ढ-पञ्चमा मासा । ४४. अड्ढ-पञ्चम-मासियं परिहार-ट्ठाणं पट्ठविण् अणगारे....(जहा ३२)....पञ्च मासा । ४५. पञ्चमासियं परिहार-ट्ठाणं पट्ठविण् अणगारे....(जहा ३२)....अद्धछट्ठा मासा । ४६. अद्धछट्ठ-मासियं परिहार-ट्ठाणं पट्ठविण् अणगारे....(जहा ३२)....छम्मासा ।


४७. दो मासियं परिहार-ट्ठाणं पट्ठविण् अणगारे अन्तरा मासियं परिहार-ट्ठाणं पडिसेवित्ता²⁵ आलोएज्जा, अहावरा पक्खिया आरोवणा....(जहा ३२)....तेण परं अड्ढाइज्जा मासा । ४८. अड्ढाइज्ज-मासियं परिहार-ट्ठाणं पट्ठविण् अणगारे अन्तरा दो-मासियं परिहार-ट्ठाणं पडिसेवित्ता आलोएज्जा, अहावरा वीसइ राइया आरोवणा....(जहा ३२)....तेण परं स-पञ्चराया तिणिण मासा । ४९. स-पञ्चराय-तेमासियं परिहार-ट्ठाणं पट्ठविण् अणगारे अन्तरा मासियं परिहार-ट्ठाणं पडिसेवित्ता आळो

- एज्जा, अहावरा पक्खिया आरोवणा....(जहा ३२)....तेण परं स-वीसइराया तिणिण मासा । ५०. स-विसइराय-तेमासियं परिहार-ट्ठाणं पट्ठविण्ण अणगारे अन्तरा दोमासियं परिहार-ट्ठाणं पडिसेवित्ता आलोएज्जा, अहावरा वीसइ-राइया आरोवणा....(जहा ३२)....तेण परं स-दसराया चत्तारि मासा । ५१. स-दसराय-चाउम्मासियं परिहार-ट्ठाणं पट्ठविण्ण अणगारे अन्तरा मासियं परिहार-ट्ठाणं पडिसे-वित्ता आलोएज्जा, अहावरा पक्खिया आरोवणा....(जहा ३२)....तेण परं पञ्चूणा पञ्च मासा । ५२. पञ्चूण पञ्च-मासियं परिहार-ट्ठाणं पट्ठविण्ण अणगारे अन्तरा दो मासियं परिहार-ट्ठाणं पडिसेवित्ता आलोएज्जा, अहावरा वीसइ-राइया आरोवणा(जहा ३२)....तेण परं अद्ध-छट्ठा मासा । ५३. अद्ध-छट्ठ-मासियं परिहार-ट्ठाणं पट्ठविण्ण अणगारे अन्तरा मासियं परिहार-ट्ठाणं पडिसेवित्ता आलोएज्जा अहावरा पक्खिया आरोवणा....(जहा ३२)....तेण परं छम्मासा ।

- दंसण-चरित्त-जुत्तो जुत्तो गुत्तीसु सज्जण-हिण्सु ।
नामेण विस्साहगणी महत्तरओ नाण-मंजूसा ॥ १ ॥
कित्ती-कन्ति पिणद्धो जस-पओ पडओ तिसागर-निरुद्धो ।
पुणरुत्तं भमइ महिं ससि व्व गगणं गुणं तस्स ॥ २ ॥
तस्स लिहियं निसीहं धम्मधुरा-धरण-पवर-पुज्जस्स ।
आरोगं धाराणिज्जं सिस्स-पसिस्सोवभोज्जं च ॥ ३ ॥

॥ समत्तं निसीहसुत्तं ॥

कल्पसूत्रस्य पाठान्तराणि ।



पृष्ठ १, पं० ८) एकं मासं. १४) अन्तो वसन्तीणं. १५) निक्खमण पवेसणाए. १६) एकतो वत्थए. १८) तिकंसि वा. चउरंसि वा. चउरंसि वा. २१) प्रत्यन्तरे पञ्चदशमं सूत्रं नोपलभ्यते ।

पृ० २, ३) ०चिल्लिभिणीयं. ५) आहुरित्तए. ६) सज्झायं वा करेतए धम्मजागरियं वा जागरेत्तए काउ० २४) ०वासाडु चरित्तए. [एवमग्रेऽपि]

पृ० ३, १०) हरियाहरियाए. ११) अद्धानं गमणाए.

पृ० ५, १६) एवं से दावए. नो से. १८) सागारियो देजा.

पृ० ६, ६) चम्माहं अहिदिठत्तए, से वि याहं. २०) गणावच्छेदए वा जं च णं पुरओ कहु विहरइ, तेसि नीसाए चेळं. २९) चीवराहं.

पृ० ७, १६) सेज्जसंधारए विप्पणसेज्जा सेय. १७) तस्सेव पडिदायव्वे सिया. १८) ओग्गहं अनुव्वेत्ता परि० २७) सन्नि. वेदं पेहिया कप्पइ. २८) पडिएत्तए. सा रयणी तस्से० ३२) ओगिण्हित्तणं चिदिठत्तए त्तिवेमि ।

पृ० ८, ४) साहम्मियतेणियं क० परभम्मियतेणियं क०।-इत्थतालं. अत्थादाणं. इत्थालंबं-इत्थपि पाठान्तराणि- ५) पणए बाहिए कीवे. १५) चउरंथ पो०

पृ० १०, २८) केइ वेयाववकरो भिक्खु इच्छेज्जा ३०) तं एगं तुच्छसरीरं एगन्ते


पृ० ११, २) ०कुलं पिण्डवायपडियाए भत्ता० ३) दूहजित्तए वा गणाओ गणं संकमित्तए वासावासं वा वत्थए. ५) ०च्छित्तं तवोकम्मं पडिव० ७) कप्पइ आयरियउवज्जाएणं त० १३) पञ्च महण्णवाओ महान० १५) 'कोसिया' स्याने कोलिया-परावहं च पाठौः प्रत्यन्तरे. २८) निगगन्थं गेण्हेज्जा.-साहज्जइ.

पृ० १२, ५) कट्टु परिणिव्वाविय २ दोषं पि तमेव. ८) जं च आसयंमि जं च पाणिसि. २४) पडियावज्जेज्जा. तं च निगगन्थे संचाएइ. २५) विसोहेत्तए वा तं पुब्बामेव लोएया विसोहिया तओ-

पृ० १३, ८) वूह वासावासं वा वत्थए. १२) समतलपाइयाए पलम्बियवाहियाए ठिवा.- १६) दण्डाइयाए. १७) उत्ता-गुसाइयाए. २५)-प्रत्यन्तरे ४१-४२ सूत्रे एतादृशे-नो क० निगगन्थिणं सनालयाइं पायाइं अहिदिठत्तए। कप्पइनिगगन्थाणं सनालयाइं पायाइं अहिदिठत्तए ।

पृ० १४, १) निगगन्थीण वा पारियासिए भोयणजाए जाव. १३) कप्पइ तं दिवसं तेणेव १८) इमाइं छ अवयणाइं वइत्तए

पृ० १५, ७) इच्छालोलए मोक्खमग्गस्स ।



व्यवहारसूत्रस्य पाठान्तराणि ।

पृ० १६, १९) चाउम्मासियं वा साहरेगचाउम्मासियं वा. २०) पञ्चमासियं वा साहरेगपञ्चमासियं वा ।-चाउम्मासियं वा बहुसो वि साहरेगचाउम्मासियं वा ।

पृ० १७, २) चाउम्मासियं वा साहरेगचाउम्मासियं वा, पञ्चमासियं वा साहरेगपञ्चमासियं वा. १४) चाउम्मासियं वा बहुसो वि साहरेगचाउम्मासियं वा. १७) नो णं कप्पइ । २१) अविदिन्ने एगयओ अभिनि० ३१) कप्पइ से निब्बि०

पृ० १८, १) से य नो संधरेज्जा सेय इच्छेज्जा ।—इतिशतमसुबानन्तरं प्रत्यन्तर इदं सूत्रमधिकमुपलभ्यते—भिक्षु य गणाओ अवकम्म परपासंडपडिं उवसंपज्जिताणं बिहरेज्जा, से य इच्छेज्जा दोहं पि तमेव गणं उवसंपज्जिताणं बिहरित्तए; नत्थि णं तस्स तप्पत्तियं केह छेए वा परिहारे वा नन्नत्थ एगाए आलोयणाए । १२) ० तस्स तप्पत्तियं केह १३) पडिसेविता इच्छेज्जा. १४)—पासेज्जा, कप्पइ से ते सन्तियं आलोएत्तए वा पडिक्कमित्तए वा जाव पडिवज्जित्तए. १५) प्रत्यन्तरेऽधिके इमे द्वे सूत्रे उपलभ्येते—नो चेव णं साहवियं पासेज्जा बहुस्सुयं बवभागं, जत्थेव समणोवासं पच्छाकडं पासेज्जा बहुस्सुयं बवभागं, कप्पइ से तस्सन्तियं आलोएत्तए वा पडिक्कमेत्तए वा जाव पायच्छित्तं पडिवज्जित्तए वा । नो चेव णं समणोवासं पच्छाकडं पासेज्जा बहुस्सुयं बवभागं, जत्थेव समभावियाइं चेइयाइं पासेज्जा, कप्पइ से तस्सन्ति आलोएत्तए वा पडिक्कमेत्तए वा जाव पायच्छित्तं पडिवज्जित्तए वा । २१) नो चेव णं समभावियाइं चेइयाइं पासेज्जा कप्पइ से बहिया गामस्स करयलपरिगहियं २३) एवं वइत्तए. २५) ठवणिज्जं च. पृ० १९, ८) वेयावडियं पडिसेवइ. ११) तत्तो रोगायइका विप्पमुक्को, तत्तो पच्छा ० २३) से तत्थ पुच्छियंवे किं पडिसेवी अपडिसेवी. २५) से य प्पमाणाओ धेयव्वे सिया. २६) ओहाणुप्पेहाए गच्छेज्जा । से य आहव्वं अणोहाइए— २७) इमाणं अज्जो जाणह किं पडिसेवी. २९) धेयव्वे सिया ।

पृ० २०, २) मासन्ते तत्तो पच्छा. ५) इमं भो अज्जो. ६) अणुजाणह तं भंते लेवाए । एवं से कप्पइ लेवं समासेवित्तए । ८) बहिया अप्पणो वेयावडियाए. ९) पडिग्गाहेहि अज्जो. पडिग्गाहित्तए. १०) भोत्तए वा पीत्तए वा. ११) सयंसि वा पलासगंसि वा सयंसि वा कम्मंडलुगंसि वा सयंसि वा खुब्बगंसि वा सयंसि वा पाणियंसि वा १२) एस कप्पो २०) अपलिच्छे. २५) परिहारो वा । साहम्मिया उट्ठाए बिहरन्ति नत्थि णं तेसिं केह छेओ वा परिहारो वा । २७) अक्खुयायारे असंकिलिट्ठायारचरित्ते.

पृ० २१, ८) धेजाणि. १०) ० करेहिं तेहिं अणुमएहिं तेहिं बहुमएहिं जं से. १८) आयारियउवज्जाए पविस्तिणीय वीसुम्भेज्जा नो से क० अणा० अपविस्तिणीय य होतिए—कप्प० १९) तओ पच्छा उव० २१) मेहुणधम्मं. २३) पट्ठियंसि उवट्ठियंसि ठियस्स.— २३) पडिविरयस्स निव्विकारस्स एवं.

पृ० २२, १६) चारए चरित्तए [एवमग्नेऽपि] २९). गारिहे कप्पइ से य उपसंपज्जित्ताणं बिहरित्तए नत्थि—

पृ० २३, ८) जे तं सा० अहा० णो अब्भुट्ठेन्ति तेसिं सव्वेसिं तप्पत्तियं.

पृ० २४, १) कप्पइ से एवं वदित्तए अणुजाणह भन्ते.— १६) बिहरित्तए ति बेमि ।

पृ० २५, १) पुरओ कट्ठं बिहरेज्जा. वीसुम्भेज्जा. २) उवसंपज्जगारिहा कप्पइ सा । उवसंपज्जियव्वा सिया. ३) असमत्ता एवं से कप्पइ एगारइयाए. ६) गिलायमाणी.—अज्जो मए णं कालगयाए. ८) ओहायमाणी. ९) णं नवडहरतरुणगस्स. १०) परिभट्ठे सिया. ११) जावज्जीवाए. १६) णं नवडहरतरुणियाए. १७) केण कारणेण अज्जा आयार० २४) संनिसण्णेण वा उत्ताणेण वा तुयट्ठाणेण वा आयार० २६) पडिसरित्तए वा. २८) या इत्थं णं केह. २९) या इत्थं णं केह अन्ने आ० ३०) अन्नमन्नस्स अंति ए वेयावच्चं करित्तए.

पृ० २६, ८) एतए. नो से कप्पइ. १२) नायविहिं एत्तए । [इतोऽग्ने प्रत्यन्तर एतादृशः पाठः—] तत्थ से पुव्वागमणेण पुव्वाउत्ते चाउलोदणे पच्छाउत्ते भिलिगसूवे, कप्पइ से चाउलोदणे पडिग्गाहेत्तए, नो से कप्पइ भिलिगसूवे पडिग्गाहेत्तए । तत्थ पु० पु० भिलिगसूवे पच्छा० चाउ० कप्पइ से भिलि० पडि० नो से कप्पइ चाउ० पडि० तत्थ से पुव्वागमणेण दोवि पुव्वाउत्ते कप्पइ से दोवि पडिग्गाहेत्तए । तत्थ से पुव्वा० दोवि पच्छा० नो से क० दोवि पडि० । जे से तत्थ पुव्वा० पुव्वाउत्ते से कप्पइ पडि०; जे से त० पुव्वा० पच्छा० नो से कप्पइ पडिग्गाहेत्तए । १८) नातिक्रमइ [एवमग्नेऽपि] २४) आयारपकप्पधरे सव्वेसिं तेसिं सन्तरा.

पृ० २७, ७) वत्थए उभओ कालं. ९) जे तत्थ बह्वे. [एवमग्नेऽपि] १४) अन्नगणाओ आगयं निगगन्थि. १६) ० उजावेत्ता पुच्छित्तए वा वाइत्तए वा उवट्ठा० [एवमग्नेऽपि] २१) प्रत्यन्तरे दशमैकादशमसूत्रसदृशे निग्रेन्धविषय-प्रतिबद्धे द्वे सूत्रे अधिके उपलभ्येते ।

पृ० २८, १३) मुण्डावेत्तए वा सिखावेत्तए वा सेहा० २१) निगगन्थाण वा निगगन्थीण वा विइकिट्ठाए काले

सञ्ज्ञायं उद्दिष्टिए वा करेतए वा. [एवमग्रेऽपि] २९) आयरियत्ताए. उद्दिष्टिए. ३२) से मा सागारियं ति कट्टं तं सरीरगं एगन्ते अचित्ते बहुफासुए थण्डिले पडिलेहिता.

पृ० २९, ३-६) सागारिए. ४-७) से य नो एवं वएज्जा. ९) अणुन्नवेयव्वा सिया. १०) से य दोवि उगगहं ओगिण्हियव्वा. ११-१३) रायपरियहेसु. १४) अणुन्नवेयव्वे सिया ति बेमि. १५) गिहि उड्डु पज्जोसविए ताए गिहाए. १९) ओगिण्हिय जाव एगाहं वा दुयाहं वा तियाहं वा अद्धा० २२) सेज्जासंधारगं गवेहेज्जा. २३) पच्चाहं वा दूरमवि अद्धा० २४) लट्ठियं वा भोसि वा चेले वा चेलचिलिमिलिं वा चम्मं वा चम्मकोसं वा चम्मपलि० २५) ०कुलं भेत्ताए वा पाणाए वा. २६) ०न्नवेत्ता परिहारं परिहरितिए.

पृ० ३०, ६) मा दुहओ अज्जो वत्तियं अणु० ११) बहुफासुए पदेसे पडिलेहिता परि० १५) दूरमवि अद्धा० १७) अट्ठाए दूरमवि अद्धाणं परिवहितिए वा सो वा. २१) आहारेमाणे समणे अप्पाहारे दुवालस० २३) एगेणवि वासेण ऊणगं. २४) पकामरसभोई सिया ति बेमि. २५) सागारियस्स आएसे [एवमग्रेऽपि]

पृ० ३१, ३) सागारियस्स णायए सिया. २५) अहतात्तं सम्मंकाएणं फासित्ता पालित्ता सोहिता तीरित्ता किहिता आणाए अणुपालित्ता भवइ.

पृ० ३२, २) पढमे सरदकालसमयंसि ठाइव्वा. ३) बहिया गामस्स ५) दिया आगच्छइ आइयव्वे, राइ आगच्छइ नो आइयव्वे, सपाणे मत्ते आगच्छइ नो आइयव्वे अप्पाणे मत्ते आगच्छइ आइयव्वे, सबीए मत्ते आगच्छइ नो आइयव्वे, अबीए मत्ते आगच्छइ आइयव्वे, ससिणिद्धे मत्ते आ० नो आइ० असिणिद्धे मत्ते आ० आइ०, ससरक्खे मत्ते आ० नो आइ० अससरक्खे मत्ते आ० आइ०, जाए जाए मोए आइयव्वे तंजहा अप्पे वा बहुए वा एवं खलु एसा खुड्डिया मोयपडिमा अहासुत्तं जाव अणुपालित्ता भवइ. २३) एगे पुण एवमाहंसु. २४) पक्खिवइ ति बेमि. २७) अणगारस्स मासं वोस० — जे केइ उवसग्गा उप्पज्जाति तं जहा अणुलोमा वा पडिलोमा वा; तत्थाणुलोमा वा ताव वंदेज्ज वा नमंसेज्ज वा सक्कारेज्ज वा सम्माणेज्ज वा कल्लाणं मंगलं देवयं चेइयं पज्जुवासेज्जा । तत्थ पडिलोमा अन्नयरेणं दण्णेण वा अट्ठाणं वा जोत्तेण वा वेत्तेण वा कसेण वा काए आउडेज्जा. २८) सहेज्जा खमेज्जा तितिक्खेज्जा. अहियासेज्जा ३०) एगा पाणस्स. सव्वेहिं दुप्पय चउप्पयाइएहिं आहारकंखाहिं सत्तेहिं पडिणियत्तेहिं अन्नाय०

पृ० ३३, २) नो से कप्पइ अन्तो ३) दलमाणोए पडिगाहितिए । अह पुण एवं जाणेज्ज एगं पायं. ४) विक्खम्भइत्ता एयाए एसणाए एसमाणे लब्भेज्जा आहारेज्जा. एयाए एसणाए एसमाणो नो लब्भेज्जा णो आहारेज्जा । एवं दलयइ— ६) पुणिणमाए से कप्पइ पन्नरस ७) [प्रत्यन्तरे एतद्वृषः सूत्रपाठ उपलभ्यते—] बहुलपक्खस्स से पाडिवए कप्पन्ति चोइस्स, बितियाए कप्पइ तेरस दत्ताओ भोयणस्स पडिग्गाहेत्तए तेरस पाणस्स जाव नो आहारेज्जा, ततियाए कप्पइ बारस दत्ताओ भो० प० बारस पाणस्स जाव...अमावासाए से य अभत्तट्ठे भवइ एवं खलु एसा जवमज्झचन्दपडिमा अहासुत्तं अहाकप्पं जाव अणुपालित्ता भवइ । [इतोऽग्रे 'वरइमज्झचन्दपडिमा' वर्णनप्रतिपादकमपि ईदृशमेवाधिकं सूत्रं समुपलभ्यते]

पृ० ३४, १) पव्वजाथेरे । सट्ठवरिसजाए समणे णिग्गन्थे जाइथेरे । ठाणसमवा० १२) चउवासपरियायस्स समणस्स निग्गन्थस्स कप्पइ [एवमग्रेऽपि] १३) दसाकप्पववहारे णामं अज्झयणे. १५) वंगचूलिया २०) तेयणीसंगे णाम. २१) आसीविसभा० ३०) [३१ त्तमसूत्रानन्तरं प्रत्यन्तर इदमधिकं सूत्रम्—] अट्ठारसवासपरियागस्स समणस्स णिग्गन्थस्स कप्पइ दिट्ठीविसभावणा नामं अज्झयणे उद्दिष्टिए ।

निशीथसूत्रस्य पाठान्तराणि

—: ० :—

१ उद्देशके, २) सिद्धागाएवा. ८) जिघइ. १२) दगट्ठिएहिं. १४) चिलिमिलि वा. ४४) पायस्स एक्कं बन्धं देई.

२ उद्देशके, २) दिवइमासा० ९) अचित्तं गन्धं जिघइ. १२) असिणन्तगं—सिहणंतगं. १९) मुसावाइं व० २०) अदत्तं मेण्हइ. ३०) थल ग० ३९) पच्छा वा पिण्डवाय पडियाए अणुपविसइ. ४०) पडियाए निक्खमइ वा पविसइ वा. ४८) सीरियकुलं. ५०) पज्जोसवणा कप्पाओ.

३ उद्देशके, ५-८) कुतुहल पङ्क्तिः १८) वसाए वा अबभगेह वा मक्खेह वा. १९) कण्ठेण वा कोट्ठेण वा वण्णेण वा वण्णेण वा उव्वट्ठे वा पवट्ठे वा. ४०) कुक्खिक्खि. ७०) कुवारियंसि वा गिहपक्खगणंसि वा गिहे लु. १५) उव्वरपक्खसि वा आसोत्थ-प. पिलक्खु प. तउसि प. मालुवा प. उच्छा प. ७८) तहप्पगारेसु कक्खेसु अगारीणं पत्तो.

४ उद्देशके, १-३) रायाणं अत्ती. १९) आहरेह. २०) आयारियेहिं अबिदिम आहार. २१) अबिदण्णं अन्नयं विग. २२) पुव्वामेव भिक्खायरियाए अणुपविसति. २४) अन्नयरं वा उवहिं निक्खिक्खह. १०३) तिणिण उवा. १०४) वण्णाए थण्डिल्ले उवा. ११०) अदूरे-अदूरे. ११२) जे अपरिहारिए परिहारियं बूया 'एहि, ताव, अज्जो, अहं च तुम्हं च एगयओ असणं वा ४ पडिगाहामो, तवो पच्छा पत्तेयं पत्तेयं भोक्खामो पाहामो. जे तं—

५ उद्देशके, १२) संघाडियं. —सांवावेह. १३) जो दीहाइ संघाडि-सुत्ताइ करेह. १४) अडोल प. पडोल प. १९-२०) वेणुसूइ वा. ४७) हरिय वणिणयं अन्नयराणि वा तहप्पगाराणि अणुदिण्णाइ सहाइ उदरेह. १३) वत्ति-या वा किरिया एवं वयह. ६५) परिभिन्दि ६९) एगेणं बन्धेणं बंधह.

६ उद्देशके, ११) बूया 'इच्छामि भे अज्जो अचेलियाए अंगादाणं पासित्ते' जो तं एवं वयह वयंतं वा साह-वह. ९८) मक्खेत्ता कक्केण वा ४ उव्वट्ठे वा अन्न. २३) विचित्ताइ एवं धोवाइ मइलाइ सुक्किताइ रत्ताइ चित्ताइ विचित्ताइ धरेह. ७७) असणं वा ४ खीरं...नव. सप्पि वा तेलं वा गुलं वा महुं वा मज्जे वा मंसं वा अन्नय.

७ उद्देशके, १३) माउग्गमस्स मे. अक्खंसि वा हत्थंसि वा पायंसि वा उज्जंसि वा उयरं सि वा-१४) सीसतुवारणं १५) धूणंसि वा गिहंसि वा एल्लंसि वा उसुवालंसि वा ज्ञामवालंसि वा. ७९) कुलियंसि वा भित्तिवासि वा सिल्लंसि वा लेल्लंसि वा खण्डंसि वा फलिहंसि वा मच्चंसि वा मालंसि वा हम्मियतलंसि वा निसियावह वा तुयहावेह वा. ७९) अन्नयरं तेह. ८०) अमणुजे पागले अवहरह. ८१) उवहरह. ८२) मुंछंसि वा पिच्छंसि वा सीसंसि वा सीसगंसि वा उव्विहह वा पव्विहह वा. ८३) कट्ठेण वा कल्लिचेण वा अणुलीए वा सलागाए वा अन्नयरंसि सोयंसि अणु. ८४) एस इत्थि ति काउं आल्लेगइ वा उवस्साइ वा परिस्साइ वा परिचुवइ वा दन्तेहि वा नखेहि वा अट्ठिदइ वा विच्छिदइ वा. ८९) जे भि. माउं मे. प. सज्जायं करेह, [-उहिसइ-समुहिसइ-अणुजाणइ-इत्येवरूपाऽपि पाठाः] ९१) अन्न-यरेण इन्दिज्जाएण आगारमत्तं आगारेह.

८, उद्देशके १३) समवासेसु वा पिण्डनियरमेहेसु वा

१० उद्देशके, ४७) पढमसमोसरणंसि वत्थं वा पायं वा कम्बलं वा पायपुंछणं वा रयहरणं वा डण्डणं वा जट्ठिठयं वा सुहपात्तयं वा अन्नयरं वा उवहिं गिण्हइ.

१२ उद्देशके, १) काल्ण-कालण. ४) संजुत्तं असणं वा पाणं वा खाइमं वा साइमं वा आहारेह. १४) पुव्वकम्मणेण पुराकम्मकडेण. १५) अन्नउत्थएण वा गारत्थएण वा सीओद. १७) फलिहाणि वा पागांराणि, तोरणाणि, अग्गलाणि, कूडागाराणि, पासादाणि, नूमागिहाणि, कक्खणि. पव्वयणि. वियडं, धूमं, चेइयकडं, आएसणाणि, आयतणाणि, देव-कुलाणि, सबभाओ, पणांयगिहाणि, पणांयसालाओ, जाणगेहाइ, जा. सा. सुहाकम्मंताणि, दब्भकम्मंताणि, दुब्बकम्मं-ताणि, इंगालकम्मंताणि, सुसाणगिहाणि, गिरिकंदर गि., संतिगि., सेल्लोवट्ठाणाणि., भवणाणि. २४) हय-गय-गोण-महिस्-मेढ-कुक्कड-त्तित्तिरवट्ठ-लावग अहि-सूकर-लतानिजुद्धाणि वा. २५) उज्जुहियाणि वा निजुहियाणि वा मिहुजुहियाणि वा हयाणि वा गयाणि वा रहाणियाणि वा पायत्ताणियाणि वा अणियाणि वा अणियदंसणाणि वा एकं पुरिसं वा बज्जं नीयमाणं पेहाए

१८ उद्देशके, १६) नावाए उत्तैगं हत्थेण वा पाएण वा जलणा वा उदरेण वा काएण वा सीसेण वा खुर-पत्तेण वा थलपत्तेण वा कुविदेण वा मट्ठियाए वा पिधेति ।

अशुद्धि-संशोधनम्

पृ०	पं०	अशुद्धम्	शुद्धम्		२४	०भूमि०	०भूमि०
१	११	वसामाणां	वसामाणां	२५	२५	तक्षपी	तक्षपि
२	२९	आधाएउजा	आढाएउजा	२६	३	दिह०	दीह०
३	२३	नित्थ	नत्थि	२७	११	पहरे	परिहारे
४	२९	अणुप्पवि०	अणुप्पवि०	२८	१४	उज्झाय	उवज्झाय
५	२३	विप्पइणाणि	विप्पइणाणि	२९	१५	"	"
६	२१	निगगन्थन्स	निगगन्थस्स	३०	१४	एगयओ। बत्थए	एगयओ बत्थए।
७	१८	अद्धजो०	अद्धजो०	३१	१४	निगगान्थि	निगगान्थि
८	५	पायच्छित्तं	पायच्छित्तं	३२	१६	पायच्छित्तं	पायच्छित्तं
९	१६	सत्तरित्तं	सत्तरित्तं०	३३	१२	सा ये	सा य
१०	७	उवल्लत्तए	उवल्लत्तए	३४	२९	आयारि०	आयारि०
११	११	११	१४	३५	३१	अह्व	आह्व
१२	५	उच्चिय चा०	उच्चिय...चा०	३६	१९	थाण्डिल्ले	थण्डिल्ले
१३	११	छम्मास्सा	छम्मासा	३७	१९	वासावासां	वासावासां
१४	१७	"	"	३८	२९	गिग्ग०	निग्ग०
१५	१९	साइरेगं वा	साइरेगवाउम्मासं वा	३९	८	परिमट्टे	परिमट्टे
१६	"	"	साइरेगपञ्चमासियं वा	४०	११	०वेयव्वे	०वेयव्वे
१७	२०	"	"	४१	२२	कुक्कुडि०	कुक्कुडि०
१८	२१	"	साइरेगवाउम्मासियं वा	४२	२९	वगडाए निदिठए	वगडाए भुज्जइ नि०
१९	२	साइरेगं वा...	(जहा १५)...	४३	१०	अभिनिपयाए	अन्तो अभिनि०
२०	९	चाउमासि०	चाउम्मासि०	४४	६	सोलसमणं	सोलसमेणं
२१	२९	कप्पई	कप्पइ	४५	२	गुब्बिणीए	गुब्बिणीए
२२	१०	उवपट्ठा०	उवट्ठा०	४६	१९	ट्टिमिण	सुमिण
२३	११	तमेव	तमेव	४७	२५	माहानि०	महानि०
२४	१२	विहारित्तए	विहरित्तए	४८	१८	वण-जाएण	वण-जाएण
२५	१८	अन्नसभो०	अन्नसभो०	४९	२२	१०	४०
२६	१	निविसेज्जा	निविसेज्जा	५०	१९	दीया	दिया
२७	२८	सेय	से य	५१	१	अणप०	अणप०
२८	१०	उज्झाय	उवज्झाय	५२	"	अवल्लेहिणि०	अवल्लेहिणि०
२९	१३	अहिज्जिस्सामि	अहिज्जिस्सामि	५३	७	हरण-सीसा०	०हरण-सीसा०
३०	१३	अणायारिय	अणायारिय	५४	१०	धरेइ	धरेइ
३१	१८	वसिं भेज्ज	वसिंभेज्जा	५५	२९	रवीरं	सीरं
३२	४	मामंसि	ममंसि	५६	७	कट्टु	कट्टु
३३	२६	०च्छेइणीए	च्छेइणीए	५७	२६	०यन्तेपुरा०	व्यन्तेपुरा०
३४	२९	गिम्हासु	गिम्हासु	५८	२७	मुदिया०	मुदिया०
३५	४	साहमिणी०	साहमिणी०	५९	४	छणु सवि०	छणुसवि०
३६	१८	पमाएणं	पमाएणं				

कतिपयपत्राणां शिरोलेखे यत्र 'निसिहसुत्तं' पाठो मुद्रितस्तत्र 'निसीहसुत्तं' पठनीयः।



**Pages 1-60 printed by Chimanlal Lakhmichand Shah at
Jaina Sahitya Mudranalaya & the rest by L. B. Kokate at
the Hanuman Press, Sadashiv Peth, Poona City &
published by Muni Tilakavijayaji.
Bharata Jain Vidyalaya,
Poona City.**